

SPEAKER : ‘Tu sual pawh sualin thungrul suh u. Mi zawng zawng ngaiha thil mawi ngaihtuah lawk rawh u. A theih phawt chuan nangmahni lam tal mi zawng zawng nen inremin awm rawh u.

Rom 12:17-18.

Zawhna kan la ang a, Starred Question 241-na zawt turin Member zahawm tak Pu H. Liansailova i lo sawm ang.

PU H. LIANSILOVA : Pu Speaker, ka zawhna Starred Question 241-na, Planning leh Programme Implementation Department changtu Minister zahawm tak chhan atan, ‘Mizorama thalai lekhkathiam hna nei lo (unemployment) sukiang turin Sorkarin ruahmanna mumal neiin plan programme-ah enge kalpui tur a neih ? ‘ tih ka zawt e.

SPEAKER : Chhang turin Planning and Programme Implementation changtu Chief Minister zahawm tak Pu Zoramthanga i lo sawm ang.

PU ZORAMTHANGA CHIEF MINISTER : Pu Speaker, kan Member zahawmtak Pu Liansailova rawn zawhna kha a chhanna chu hei hi a ni e. Mizorama thalai hna nei lo sukiang turin Sorkarin a ruahmanna kalpui tur a nei teuh mai tih hi ni phawt teh se.

*Speech not corrected.

PU H. LIANSILOVA : Pu Speaker, ruahmanna a nei teuh mai tih chhanna kha kan han dawng a, mahse, tuna kan neih sa ang chi ho thenkhat, hei PMRY loan, educated unemployed ho hnena pekte leh engemaw coaching han buatsaih emaw, coaching-a kalte an lo hlawhtlina tanpuina pek, hetiang hi a tlangpuia kan lo harsat

sa a ni a. Hei kan lekhathiamte hna hmu lo dinhmun hi tlemin han tarlang hlek ilar. Post Graduate ringawt pawh hi kan statistic hnuhnung berah a lan dan chuan Arts-te, Science-te, Commerce-te, tin, thil dangahte 1178 hna nei lo, jobscal an awm a. Tin, Engineer Graduate pawh hi 109 an awm a, chu chu nikum lam record-a ni a. Tin, medical record pawh hi 120/119 an awm a. Tin, Engineer diploma holder hi 179, tin, Graduate hrim hrim hi Science stream-te, honours leh general-te, Commerce-ah te 4551 an awm a. Tin, a pumpui hianin 4825 an awm a ni. Tin, Employment-ah hian 2006 statistics kan hmuhah khanin 37177 hna nei lo, in register an awm an ti a, tin, a nihna takah chuan, hei ai hian a tam fuin ka ring a. Chuvang chuan heng kan thalai lekhathiamte dinhmun leh an hmakhaw thlir, hei tuna kan dinhmun ang scheme kan nei teuh kan tihte atang pawh hian han thlir ilangin a beidawn thlak hlein a lang a ni. Tin, chutihruah chuanin, 11th Five Year Plan-ah kan lut dawn a, kan Plan programme-te pawh kan problem address zawnga engemaw kan siksawi emaw ruahmanna thar kan siam a pawimawh hlein ka hria a. Nikum engemaw hun lai khan 11th Five Year Plan-ah kan luh dawn avangin programme siam nan tiin Sorkar lam pawh khan hemi chungchang bikah hian Seminar-te, Consultation-te kha a siam niin ka hria a, tuna kan thalai ho hrim hrim leh lekhathiam hna hmu lote dinhmun zu hawi bik tur deuha programme thar siam hi engemaw a awm beiseina a awm a, chu chu tuna ka'n zawh taka pawh chu a ni a. Lehlamah Youth Services lam atang khan Youth Commission kha kan thlir leh thalai lam pawh kha chanchinbute leh a pawl ang pawha beiseina an lo neih a kha a ni a. Mahse, ka han hmuh dan khan National Youth Commission ang vela chet kan tum niin a lang a, kan ram harsatna address tur tak ni pawhin a lang ta lem lova. Chuvang chuan vawiin nia ka zawhnaah hian ka zawhbelh duh chu heng kan lekhathiam hote, Engineer tan pawh Electrical hi a tam hle mai a, power-te pawh kan privatise-ah hian anmahni ho hi engemaw venture neia, tanpui a, kan power plan te deuh engemaw hi chu a maintenance-te pawh khulaia Teirei Hydrel kan pek angte pawh hianin kawng a zawnpui theih lawm ni? Sorkar inseng so deuh hlek pawhin a bul tan nan han tihpui ta ilar.

Pahnihnaah chuan, Road construction-ah hian hma kan la nasa viau mai a, Contractor leh pawnlam mite pawh kan ruai a, mobilisation-ah pawh a maktaduai tel, a crore telin pek theihna dante a lo awm niin a lang a, heng kan Engineer hna nei lo ho hi chutiang deuh bawk chuan venture ang deuh a anmahni hi buatsaihin, kawng lai turin construction company-te, building construction company-te pawh keimahni mithiam ho zing atang hian kan din thei lawm ni? Chutiang titheiah chuan kan ngai tawh lawm ni?

Tin, kawng hrang hrangah chutiang chuanin hma lak theihna tur awmin a lang a, chungah chuan engnge ngaihdan Sorkar hian a lo neih? Tin, Sorkar hnaah hian kan inkhung vek thei dawn lo tih a lang a. Chuvang chuan heng Horticulture-te, Sericulture-te, tin, Vety-ah te hian thalai lekhathiam ten Farm lian deuh siam thei tura anmahni pawh encourage-a ruahmanna thar deuh buatsaih dan hi Sorkarin ngaihtuahna a hmang thei lawm ni? tiin ka zawt leh a ni.

PU ANDREW LALHERLIANA : Tuna kan Minister zahawm takin a chhanna kha a lawmawm hle mai a, khatiang plan an nei teuh mai kha. Hei heti khawp khan unemployment programme a nasa a, Sorkarin chumi solve-na tur programme a neih tak rau rauah chuan target nei turah ngai ila. Entirnan, totally employed kha chu khawvelah tumah hian an thei lo turah ngai ila. Amaherawhchu, hemi accepted level vel hi awm a ni, chumi vel tala tlathla tur chuan Sorkarin tan a lak hle a ngaiin ka hria. Heta rawn ziah chhuah bakah hian Bangalore, Delhi, Kolkata-ahthe khuan a sang tel takmeuh kan thalaite hna nei lote hna zawng mekte an awm tih kan hria a ni. Tahchuan, hemi scheme a nei teuh a nih chuan khami kha a target-ah chuan khami employment a generate dan tur leh khami a target achieve tur khan enge Sorkar hian khalaiah khan programme a neih leh engtik hunah nge chutiang chu entirnan, kum 5-ah nge kum 10-ah nge chutiang programme chu lo hlawhtling ta se unemployed programme hi negligible level-ah a kal theih em tihte kha neih ngei turah ka ngai deuh hlek a. A chhan chu programme a neih teuh avang khan kha kha khawngaihtakin min chhang thei angem ?

PU ZODINTLUANGA : Pu Speaker, zawh belhna. Hei kan thalai lekhathiam tam takte phailamah hnathawkin Call Centre-ahthe an thawk a, tam tak phei chu a top officer, a ruaituah te an tang tawh a. Hna tam tak an zuk hmu a, Mizoram Sorkar hian kan ramah hian Call Centre-te khatianga thalai lekhathiamte eizawna tur atana neih ve theih turin hmalakna an nei tawh reng em ? A nei lo a nih chuan hmalak a tum ve em ? tih ka rawn zawt e.

PU LALRINLIANA SAILO : Pu Speaker, ka lawm e. Hemi thalaite hmakhua haichho tura Department, a bikin Labour & Employment-te ah hian kan budget-ah khan pawisa dah tlem a ni hle mai a, kan hmuh angin nuai 10 kha tihbelh chauh a ni a. Tin, Sport Department-ah pawh hian Planning atanga zuk thuaia thalaite hmakhua tura tih hi a awmin ka hre lova, kan budget kha thlir kir ta ila. 12th Finance Commission-ina a pawisa rawn pek Stadium sakna tura a rawn tih kha kan pawt mai mai niin a lang a, nikumah khan nuai 625 dah a ni a, kuminah pawh nuai 625 dah leh a ni a. Kan Sorkar hian Planning atang reng hian thalaite hmakhua hi hei ai hian hai zawk se ka ti a. Revised Estimate-ah te tihdan a la awm angem ? A Sport-ah pawh hian TFC ami bak kha chu tih a ni reng reng lo a ni. A pung lova, a hniam zawk a ni. Chuvang chuan ngaihtuahna an seng leh thei angem ? tih ka zawt a ni.

*Speech not corrected.

**PU ZORAMTHANGA
CHIEF MINISTER**

:

Pu Speaker, zawhna a tam deuh hlek a, a chhanna pawh hi a general deuh hlek avang hian tlema sei deuhin ka sawi ang a. A hmasain kan Member zahawm tak Pu Liansailova zawhna

kha chhang ta ila. Kan Member dangte zawhna nen pawh kan zuk chhang kawpna laite pawh a awm ang a. Hetia kan ngaihtuahnaah hian kan thalaite hna hmu lo engtingge employment kan siam theih ang tihah hian kawng chi hrang hrang a awm a. Pakhatnaah chuan, Mizoram Sorkara hna an thawh tur ngaihtuah a ni a. Chutah chuan engemaw zat kan thei ang a, tam chu kan han thun a, Police lam a ni emaw, Department dang a ni emaw, tunah pawh hian MCS leh MPS ah hian MCS-ah 15 lai MPS-ah 20 lai hemi direct recruitment kan neih ang chi hi tih kan tum a, kan ti dawn bawk a. Kan theih ang tawkin a ruak awm zawng zawngte pawh kha kan ti dawn a.

Tin, Health Department-ah hian an rawn dil ang zawng zawng chu kan pe thei lovang a, tuna an rawn dil chu ka hrechiang chiah lova, zathum leh tih vel niin ka hria a. A Minister hian khami let mah mah kha a ni lawm ni a ti a, tam deuh an rawn dil a, kha zawng zawng kha chu kan ti thei bik lovang a, a za tel chu kan fill up dawn a ni. Chu chu tunah hian process-na hnuaiah a awm a, nikum khan thahnem deuh, zahnih chuang zet kan ti a, kuminah hian engzatnge kan pek theih ang, a za tel chumi hna fill up-na tur chuan nichina kan Member zahawm tak ten an tih kan Doctor chuang an tih te leh Health Worker ti mai ila, Health Department-a Doctor ni lo, a technical-te leh Nursing lampangte leh Pharmacist lampang leh khang ho kan lakna tur pawh kha a za tel kumin hian tih leh kan tum bawk a. Mahse, Finance ho nena Department ho nen uluk taka final-na a la awm loh avangin a principle erawh chuan hei hi chu a za telin Health Department-ah pawh hian pek leh kan tum a. A bik takin Doctor lam hi hlawh tha ve tawk tak Rs. 12,000/-, 10,000/- chuang tih pawhin a diltu hian an daih mang lo fo a ni, tuna kan tihah hian. A chhan chu mahni mimal practice-te, khawilai emawa thawkte kha a lo hlawk a, chuvangin Doctor lam hi chu kan la indaih lo mah mah zawk a ni.

Tin, chulovah chuan, Sorkar hna pangngaia a fill up-na tur pawh a tam thei ang ber kalpui kan tum a. Nikum lamah phei chuan a sang tel ka la ve a, kuminah pawh hian a sang lai kan pel ngeiin ka ring a, chu chu Sorkar atangin hna kan lak tur a ni phawt mai a, unemployment problem solve-na turin. Tin, chulo lehah chuan, Power lamahte pawh out-source-a tih dan a awm em ? tih a kha hei kan zawng mek a, keini pawhin kan duh khawp mai a, kan Mini Hydel Project-te leh kan project thenkhat enkawlna hi hetia kan out-source-a a maintenance kan privatise hian a tute tan pawh Sorkar tan chuan a hlawk em em mai a, chu chu tih tumin tunah hian tender pawh kan float a, Mizote hian an tih theih hram chuan chu chu pek kan tum dawn nia tiin Department-ah pawh

*Speech not corrected.

instruction a pe nghe nghe a. Chu chu tender-in tuna kan Mini Hydel Project kan kalpui leh na turah pawh hian a kal mek a. Khatah khan a tihdan hram pawh hi Vai ho ai chuan kan ram amite khan an enkawl theih chuan kawng chitinrengah awlsamna a awm avangin chulama pawh chu han tih kan tum a.

Tin, Road Construction-ah pawh kan Member zahawm tak Pu Liansailova han sawi kha a dik khawp mai a, a kawng laih ngawr ngawr a hi chu kan ti ve thei mai a. Amaherawhchu, hetah hian hnate tender a lo ngai a, 1st Class Contractor, 2nd & 3rd Class an qualified angte khan an lo tih diah diah a ngai a, helam hi chu tlemin kan la ziaawm. Amaherawhchu, hemi kan pavement siam black-topping, hetia han tih pawha crore 6/7 tih chi ah hian a thawktu tur thei hi kan tlem lutuk a, tan la teh u, helamah hian kan ti a, kan Mizo Contractor-te pawh hi helaiah hian nasa takin kan nawr a, Vai Contractor liante nena engemaw zawngin venture-a a bul tanin nangmahniah pawisa in neih loh pawhin khata tanga in tuak lian khan tihdan tal ngaihtuah teh u kan ti a, keini pawn kan fuih nasa a, heta tan hian a tih theih dan kawng a awm chuan mahni ringawta a bul tanna sum a lo harsat thin avangin Company lian sa te nena Joint Venture-a tikawpin mahnia in din theihna turin tan lo la rawh u, kan lo pui ang che u kan ti reng a. Khatah kha chuan kan inhawng nasa a, nawr pawh hi kan nawr ve viau a ni. Tin, thildang, Horticulture, Sericulture leh Vety-ah te khang kha a dik khawp mai a. Hei kan Vety-ah te pawh kan ran Doctor-te pawhin Sorkara thawhna a daih loh chinah chuan mahni private practice-in mi ran enkawl hian tunah hian an han ti tan a. Chuvangin mihring enkawlna ang chi ah khan ran enkawlna pawh kha a lo tha khawp mai a, helam pawh hi kan advocate-in ka ti chho zel a.

Tin, chulo leha a general-a ka sawina kha chu a khaikhawmnaah pakhat ka rawn sawi ang a. Kan in mobilised tumna lai ber pakhat hi kan Member zahawmtak Pu Andrew, Pu Zodintluanga te leh Pu Rina ten an han zawh khami chhonzawm lehna tur ang deuha kan tih a chu Pu Liansailova zawhna pawh kha a ni tho ang a. Kan Youth Commission tih a kha Youth Commission ni lo deuh hian plan-ah Revised Estimate-ah nikumte pawh khan nuai engemaw zat kan dah a, zirlai lam hian foreign-ah emaw, India ramah emaw in kal a, in pawisa revolving fund tura in puka in rulh leh turin heta hi kan dah e, a tihdan system ngaihtuah chhuak teh u kan ti a, kumkhat kha kan buaipui a, an ni pawhin harsa an ti lutuka, a ngaiin an rawn kir deuhthaw niin ka hria. Kha kha a nia tunah pawh Youth Commission kan tihna chhan chu. Youth Commission, Delhi lama an din rih lo a nih pawhin, State danga an din rih lo a nih pawhin Board emaw, Committee emaw kha kha siam ila Sorkarin fund kan va pek a, khami hmang khan kan thalai ten an hna hmuhna tur kawng engemaw ti a lo ngaihtuah sak theitu tur a Department ringawt hi chu an lo buai tlanga thil a tih tak tak theih loh, chumi chu rawn duang ula, kan bei dawn nia kan ti a, chu chu din ngei pawh kan tum a ni a. Kan Member zahawmtakte pawhin infinchhuah tlang ila, engtinngge ka tih ang tih kha a thain ka hria, kan zawn chawp tur a ni a. Tichuan, Revolving Fund pawh kan rawn dah teuh mai ang ka ti a ni, chu chu tuna tawi tea ka chhanna ni sela.

*Speech not corrected.

Tin, target bik a nei em negligible level-ah tal ? tih kha a then laiah chuan kan Sorkar hnathawk han in fill up turah chuan hemi kan tih chin tal hi chu i tum ang u, a tih theih dan a awm a, mahse, kan unemploy-te level han dahna tur kha India ram chhunga hna hmuhna tur atana hetah kan mobilise-na tur bawm leh tih kha chu siam kan tum a, chumi rual chuan foreign-a kan hna hmuh theihna tura a mobilise-na tur bawm leh level pawh an ni nghal bawk ang a. Sum pawh a tul ang zelin Revised Estimate level-ah pawh kan dah ang kan ti a. Khami in programme mumal an tih loh chuan hemi level-ah hian hna hmu lo 40,000, sing chuti zat chu chumi level-ah kan dah ang tih kha chu a har khawp mai a. Engpawh rise, a level zawng chuan kan sawi thei lova, theih tawpin kan bei tlang ang a, theih tawpa tihhniam kan tum ang e, tih bak kha chu han sawi thiam a harsa khawp mai.

Tin, kan rama Call Centre etc. khamite khan Committee emaw Board emaw, Commission emaw, kha khan han en ta sela, hmalakna tur Sorkar chuan theihtawpin khatah khan tan lo lak kan tum a ni. Tin, Sport, Labour & Employment-ah te pawh pawisa in dah tlem tih kha, kan duh ang hian kan dah tam thei hauh lova, hei hi dah belh zel kan tum e, a tul ang zelin Revised Estimate-ah pawh kan pe ang.

Tin, Pu Speaker, a tawp ber point-a ka'n sawi duh chu, engpawhnise, Mizoram pawna India ram chhunga hna insiam sak leh foreign-a insiam sak leh Mizoram Sorkara hna kha chu limitation a awm a, a pui ber erawhchu, kan rama resources pui ber chu, kan ramina min pek ram tha tak kan neih Agriculture product, Horticulture product, Forest product, Sericulture leh thil Agro-Forest ti ta ila, khami product resource pui ber mobilised hi a mipuiah pawh education unemploy-ah pawh kan tum a ni a. Ram kan neih sen loh kan nei a, hemi hi kan insem a, kan mobilise phawt chuan Sorkar hna leh thildang a pawh a tul love a, kan tih turin Sq. Km. Singnih leh sangkhat chuang kan nei a, hetia mobilise hi kan tum buipui ber a ni e. Unemployment problem solve nan chuan tih a kha ka'n sawi ni rawh se. Ka lawm e.

SPEAKER : Starred Question 242-na zawt turin Member zahawmtak Pu Andrew Lalherliana ilo sawm ang.

*Speech not corrected.

PU ANDREW LALHERLIANA : Pu Speaker, ka lawm e. Helai ka zawh hma hianin Pu Speaker, khawngaih takin min enpui la, zawhna 242-na leh 245-na hi inang deuh chiah chiah, tihbelh theih mai a ni a, han chhiar mahla, kha kha ka lo tihsual palh a, hmun hnihah ka zawt a, vavikhata zawh theih a nih avang hian chhang turin request phalna min pe la, request ka'n duh deuh a ni.

SPEAKER : Engloin ti mai ang. Kha kha kan tihphung lo deuh hlek a ni a. Zawh belhna hunah khan 245-na hi i rawn zawt hlauh mai dawn nia aw.

PU ANDREW LALHERLIANA : Pu Speaker, ka lawm e. Ka Starred Question No. 242-na kan Minister zahawmtak, Higher & Technical Education Department changtu chhan atan kan zawt a, kum 2002 – 2006 chhungin building grant leh building repair nan Sorkarin (hei hi College tan a ni deuh hlek a, College kha a sawi tel lo nachungin) sum engzatnge a sen ? (b)-naah khan a rawn tichiang deuh hlek a, khawi College-te nge pek an nih a ? Engzatnge pek a neih nen tihlan theih a ni em ? tih kha ka'n zawt e. Ka lawm e.

SPEAKER : Chhang turin Higher & Technical Education Department changtu Minister zahawm tak, Dr. Lalzama i lo sawm ang.

Dr. LALZAMA MINISTER : Pu Speaker, hei hi ka chhanna chu a ni e. Kum 2002 – 2006 chhungin College building grant leh repair nan te Rs. 25,39,270/- lakhs chiah a ni. Tin, chung building grant leh repair nana Sorkarin College hrang hranga sum a pekte chu hetiang hi a ni a. (1) Govt. Saiha College, 2003 khan 76,000/- a ni a, 2005 khan 29,970/- . Tin, Champhai College hi 2002 khan 49,500/-, 2003 khan 49,500/-, 2004-ah 30,000/-, 2005 –ah 60,000/-, 2006-ah 30,000/- . Tin, Govt. Lunglei College chu, 2003 khan 2,59,890/- pek a ni a. Tin,

Govt. Aizawl College hi 2002 khan 47,200/- a ni a, tin, 2003 khan 17,810/- a ni a, tin, 2005 khan 1,65,400/- a ni a. Tin, Govt. Kolasib College chu 2002 khan 1,26,000/- a ni a. Tin, Govt. Serchhip College hi 2002 khan 1,24,000/-, 2003-ah 20,000/-, 2004-ah 1,00,000/-, 2005-ah 30,000/-. Tin, Govt. Zirtiri Residential Science College-ah 2003 khan 50,000/-, 2004 khan 53,000/-, 4,000/-, 2005 khan 50,000/-, 2006-ah 4,00,000/-. Tin, Zawlnuam College atan 2004 khan 30,000/- a ni a. Tin, Lawngtlai College atan hian 2005 khan 36,000/-, Saitual College hi 2006 khan 30,000/- a ni a. Tin, Mizoram Plitechnic Lunglei, 2005 khan 30,000/-. Tin, College of Teacher Education hi 2005 khan 90,000/- a ni a. Tin, Boys' Hostel, Shillong hi 2006 khan 44,000/- a vaiin 25,39,270/- a ni e.

PU ANDREW LALHERLIANA

: Pu Speaker, kha kan ngaithla a, tlemte vannei tak chu an awm a ni. Hei hun pawh hi kan zawh sein a em em hi College thenkhata kum 5 chuang la

hmu lo reng reng kha a tam tur zia kha chu a chiang mai a, an hming sawi lo mah ila, hei hi chu fund hi engtizia nge ni kan nei tlem nge ni helam pangah hian, kan Minister hianin tan a la lo deuh nge ni, helaiah hian a dil belh lo nge ni College tam tak, ka hriatah chuan hei hi kan la dawng ve reng reng lo ti hi a awm teuh mai a, an College hming (Speaker : Khawzawlte a ni maw) Khawzawl pheih chuan Pu Speaker, tunhnaiah pheih chuan hei grading atan hian kan mamawh lehngal a nia, kha kha min hriat sak se. Chuvangin a tam tham lo hle a ni tih kha chu a lang a, kum 6 chuang hnu laia College tam zawk kha pek loh an nihna kha kan chhinchhiah ka ring a. Khawngaitakin kan Minister hian helaiah hian duhthawh takin tan a la thei lawm ni tih ka'n zawh pahin, zawhbelhnaah kan Speaker-in a phal ang khan kum 2002 – 2007 chhung College-a Science Equipment lei nan Sorkarin sum engzatnge a sen a, khawi College-ah te nge a pek tih kha ka'n zawt lehngal a nge, zawhbelh nan.

SPEAKER

: An awm lo a ni ange, Minister i lo sawm leh ang.

**Dr. LALZAMA
MINISTER**

: Pu Speaker, hei Science awmna College-te hi 2F & 12B of UGC Act, 1956 hnuai a recognised tawh vek kha a ni a, hmanna kan khaikhawmna kan sawilan tak ang khan Science

Equipment lei nan hian Sorkar hian fund a nei hran lova. Chuvang chuan heng College Science awmnate pawh hi pek an ni lo a ni. Heng 2F & 12B hnuai a recognised tawh reng reng hi chuan UGC-ah hian dil theih vek a ni a. Tihianin an dil mai thei ve a ni e, chu chu ka chhanna a ni e.

.....1128/-

Tin, Chubakah chuan Pu Speaker, ni e, an sawi kha Member zahawm tak Khawzawl bialtu Pu Andrew Lalherliana han sawi kha hemi College building-te, tanpuina tur, han sak thatna turte, theihtawpin hei kan bei reng a nia, theihtawp kan chhuah zel dawn a, khang bial chhunga College pawh kan hria a, a theih ang angin kan bei chho zel dawn a ni tih kha ka han sawi duh a ni. Tin, hmannah pawh ka sawi ang khan, permanent affiliation nei tur pawhin kan bei nasa a, an nei nual tawh a nia. Khawzawl pawh khian, khatiang kha a ni a, 2F & 12B-a recognise-a lut thei turin permanent affiliation an neih a ngai a, University-ah, chutiang chuan kan ti a, kan hlawhtling hle nghe nghe a, Deficit College 12 zingah khan pakhat chauh la en loh a ni a, a dang phei chu nei thei tura ruahman a ni a, 8 in an nei tawh a, khami 8 zingah pawh khan 2F & 12B a recognise tawhte pawh an awm chho zel bawk a ni a. Khang khan UGC atangin tanpuina kumtinin an nei chho ve ang a, an dil ang a, project leh an mamawh an thehlut ang a, tiang chuan an nei chho zel dawn a ni. Chuvangin Khawzawl pawh kha, khatiang tur khan kan buatsaih a, UGC-ah pawh kan insawipui bawk a, phone pawhin leh kal remchan pawhin, an rawn ti rang khawp a, rinaiin min ngaipawimawh viau a nia, kan tichho zel dawn e, tih kha ka chhanna a ni e.

PU ANDREW LALHERLIANA : Pu Speaker, a chhanna kha a lawmawm viau rualin, hei Science-ahte hian mawl taka min han hrilh danah khan kan la hmu ve lo reng reng, tih a ni a, khalaiah khan 2F & 12B-ah keimahniin kan pe thei tawh lova, UGC atangin Direct a ngai a ni tih ang tak khan ka dawng a. Hemi Science equipment leina tur hi an duhtawh an neih loh avangin an teaching problem thlenga effect niin hriat a ni a, an mangang hle a ni. Khalaiah khan an mahniin direct-a dil kha, engnge Sorkarin a sponsor thei a, tunah khan tawngkam ngei khan kan Minister kha chuan Telephone-te pawhin a ti, tih kan hria a. Mahse, Sorkarin hei hi a pe ta lo hrim hrim, UGC atanga direct-a dil tur a nih chuan, hei hi Sorkar hian a Sorkar hming pawhin ti turin hmalak dan engemaw deuhhlekk lian tham zawka tihdan a awm lo maw ? an mangang a ni tih chiang takin a lang a. Tin, kan Minister pawh khanin an manganna hi a hriatpui a, nasa taka tan lakpui a tum kha a lawmawm a. Mahse, a Sorkar pumpui hmingin UGC chu nawr a va ngai awm ve, tih ka rilruah a awm avangin ka zawt nawn leh a ni. Ka lawm e.

Dr. LALZAMA MINISTER : Pu Speaker, nia, hemi teaching learning equipment lei nan hian College zawng zawng huamin 5 crore kan dil mek a. Anmahniin direct-a UGC-a an zuk dil bakah khan kan lo dilsak mek bawk e. Kha kha ka lo sawi tel lo a ni e.

SPEAKER : Starred question No. 243-na zawt turin kan Member zahawmtak Pu H. Rohluna i lo sawm ang.

PU H. ROHLUNA : Pu Speaker, ka Starred Question No. 243-na chu - (a) Hnahlan Grape chingtu chhungkaw 69 hnen atangin S.D.H.O, Champhaiin National Horticulture Board hnena Loan dilsakna tur kum 2005 khan Rs. 780/- theuh (Total : 53,820/-) a laksak a, tun thleng hian loan an la hmu lova, engtikah nge loan chu an hmuh ang ? (b) Loan chu hmu ta lo se an tiam ang hian Rs. 780/- theuh chu an pekir leh ngei angem ? tih Horticulture Minister zahawm tak chhan atan ka zawt e.

PU H. RAMMAWI MINISTER : Pu Speaker, a zawhna (a)-na chhanna kha SDHO Champhai hian Hnahlan Grape chingtute hnen atangin National Horticulture Board-a Loan dil nan pawisa a la lova, Letter of Intent

(LOI) an ti a, National Horticulture Board atanga an hmuh theih nan project report siamna leh processing fee atan heng pawisate hi lak a ni zawk a. Loan an hmuh hun tur hi sawi theih a ni lova, grape chingtute leh Bank inkar thu a ni a. A chhan chu, Bank atanga la tur an nih avangin Bank atanga Loan an lak chuan Letter of Intent hmang hian National Horticulture Board-ah subsidy back ended subsidy an claim in an dil thei a ni. (b)-na chhanna chu, National Horticulture Board-a thehluh tur project siam nan leh processing fee atan hman vek tawh a nih avangin pekkir leh a rem loh hmel a ni tih hi ka chhanna a ni.

PU H. ROHLUNA : Pu Speaker, hei hi SDHO Champhai hian National Horticulture Board hnena Loan dilna turin Rs. 780/- theuh hi chhungkaw 69 hnenah heta zawhna a ziahlan tawh ang khan a laksak a, a tirah khan hemi a loan a hi in hmuh loh pawn pawisa hi in hmu let ang tiin a tiam an ti a ni, chhungkaw 69 te khan. Hei an lehkha pawh ka hmu a nia, ka nei reng a nia. Chuvang chuan hei hi hetiang a nih chuan kan officer-te hian a nihphung a hi dik takin heng loneitu, kuthnathawktute hnenah hian hrilh sela, Rs. 780/- hi a scheme siam nante, a loan dil nana a sensoah a pawimawh dawn a, a thei chin hi chuan han ti ula, a thei lo erawh hi chu nangmahni thu ni se tih chu ni se, a ti an awm mang ka ring lo. Mahselangin, hei hi a dil nan a ngai a, Rs. 780/- hi in thawh a nih pawhin nakinah in lo hmu lo a nih chuan a pawisa hi a vaiin in hmulet leh ang tiin a sawi hmuh a ni. chu chu ka hriat dan a ni a. Tunah hian a scheme siam nan an hmang zo an ti

a, a loan hmuh awm chuang bawk si lo, a tlingkhawm pheh chu cheng singna leh sangthum leh tih kha a ni a. Chutiang anih pheh chuan heng miharsa te te ten an grape chinna, an huante siamthat zawk an duh a, tihphuisui zawk an duhna laia an neih ang chhun chhun an lo pek hetiang a riral hi a pawh khawpin ka hria a. Chuvang chuan a pawisa kha scheme siam nana an lo hmang zo a nih chuan a loan kha an hmuh theih ngeina turin kan Minister-in a ni emaw, kan Sorkarin a ni emaw theihtawp min chhuah sak thei angem ? tih ka'n zawh belh duh a. Tin, tunlai hian khilalah Hnahlan area a nia, Champhai lamahte pawh a ni maithei a. Grape hi rannungin a ei a, nikumah pawh khan a ei a, an thar chhiat phah a. Hei Horticulture lam pheh chuan vawin lamahte hma an la tan dawn niin ka hria a, tukina Hnahlan lam nena kan inbiaknaah a lawmawm ka ti a. Amaherawhchu, nikumah khan rannungin a ei nasat avangin hemi Keltelaimawm an ti emaw ni, a hming pawh Chepte te an ti a, Sephung ang deuh, rannung te reuh te, chhunah pheh chuan hmuh tur a awm miah lo an ti a. Tichuan, zanah hian an han veh ta thin a. Zanah chuan a Grape bawr kha a ei chhe ta thin a. Zanah hian 60/70, a za tel te, mei eng nena an han veh khan kan man thei an ti a ni. Chutiang a nih avang chuan an buai hle a. Nikuma an thar chhiat phahna a nih avangin kuminah pawh hian an lungngai a ni. Chuvang chuan uluk taka bein, research-te bein, heng rannungte hi a tihrem theih dan a awm angem ? Hemi Mautam hri nge a nih ve ang a, a nih loh pawhin rannung hi engtia lo piang chhuak nge a nih ve tih hi nakin zel atan pawh hian kan zawnchhuaha, kan hmuhchhuah hi a pawimawh hlein ka ring a. Tin, a tihrem theihna leh a thahna tur ang zawng pawhin Department lam pawhin theihtawp min chhuahpui thei angem ? tih ka'n zawh belh duh bawk a ni.

PU LALRINLIANA SAILO

:

Pu Speaker, ka lawm e. Zawh belhna. Nimin lamahte, tukin zing thlengin N. Vanlaiphai bial, Lungdar leh Khawlailung atang tein phone kan

dawng a. Tin, phone lo in aieng chi tha lo chungchangah farmer-te an buai hle a ni tih an rawn thawn a, lekhate nen. Tin, nizan khan aieng chhia an ti mai a, an ni chuan, bag 1 kan inah an rawn dah a, hei Department-te nena a constructive zawng taka House-a sawi bung bung lova sawi mai ka'n duh a. Mahse, khawtlang hruiatuten Media-te an rawn hrui nge Media-te hi an chak ve hrim hrim a. Nizanah thlate an rawn la a, khavang khan chanchinbua chhuah takah rau rau chuan leh an lekhka rawn thawn hi a pawimawh ka tih em avangin hei hi ka'n zawt duh a. Aieng kha an sawi danah chuan hei bag 1 kan han en a, Kg. 50 tur a ni a, tahchuan, Aieng tha chin tlak Kg 12, Aieng lem an ti mai a, an ni chuan, a dik lo an ti mai a, Kg 24, tin, bawlhhlawh Kg 14 a awm an ti a. Tin, tukin zing khan kan thenawmte leh, tin, Pu Chalkaia, hemi Aieng lamah chuan a hre ber pawl a nih ka ring a, mithiam ni lo rau rauah chuan, chungte leh mihrang hrangin an rawn en luai luai mai a. Pu F. Lalthlamuana, U.S.A thlenga Horticulture, Agriculture-a zu train tawh pawn a rawn en a, Aieng an ti lova, Aidang an ti mai a ni. Tin, hemi Lakadang an tih pheh chu a ni Chiang bal tiin. Tin, Pu Speaker, kan Deputy Director leh kan Horticulture Development Officer-te pawh an rawn kal a, a lawmawm hlein ka hria a. Hei hi a pawimawhin ka hria a, ka rawn sawi duh chu,

he farmers -te leh Upa pawl te hovin YMA pawn a rawn ziak a. ni 31.7 ni a Aieng/Aidang lo thleng Khawlailunga chin tur hi keimahni chin nen a inan loh lutuk avangin kan ngaih a tha thei ngang lova, heng zawhnate hi hriat kan duh hle e, an ti a ni. (1)-na, hralh dawn hunah Aieng lem tiin Jail-ah min khung mai angem ? an ti a ni, ching ta se. (2)-na, a quality a chhe lutuka hralhna tur a awmlot i a hnawl sak kan ni angem ? (3)-na, hetiang Aieng pangngai nilo rawn supply-tu hi man a ni ve em ? an ti a, (4)-naah ching duh ta lo ila ram kan lo vat laklawh tawh si a, a aiah Sawhthing emaw leh, a thlakna tur dang hi kan Ministry chak tak hian an rawn ti thei angem ? an ti a ni. Hei kan Minister hi ka fak khawp mai a, Department pawn hma an la nasa a, amaherawhchu, heti em ema a chhia a lo thleng tam hi a pawl ka ti angreng a. Tin, hemite Farmers Union, he President leh Pu C. Laldinga, Secretary, Pu Thangbuaia, tin, MUP President, Pu Hrangdawla, tin, YMA hruaitu Pu K. Lalremliana ten an rawn sign pui thlap mai a. Ching ta sengin leisak lovah hnawl an ni angem ? tih a kha an hlau a ni. Hma kan la laklawh tawh si anga, thildang kan ti tawh si lo anga, hei kan chhiat phah vek ange an ti a, an hlauthawng tak meuh meuh a.

Lungdarah pawh chutiang tho chu a ni a, a rawn phone-a, tin, Khawzawlah te pawh a ni tho a, min rawn phone a, Lungdar atang phei chuan bag khat an rawn thawn leh a, rawn thawn tawh suh u, a ngailo ka ti a, an rawn thawn hrim hrim a, tukinah hian Sumo-in. Tiang khan Farmers ho hi an buai em em mai a, kan Minister zahawm tak hianin hei hi han hrihfiah se kan va duh em !.

*Speech not corrected.

PU ZODINTLUANGA

: Pu Speaker, tawi tein zawhbelhna kan zawt ang a. Hmanni lawkah Aieng chi lem supply-tu kha kan Sorkar hian a man a, Jail-ah a khung nghal

mai a. Hei vawiinah a aia tam zawk khaw hran hranah hetiang supply-tu, a label-tenen thlapa awm, a lem dik tak, thingtlangah lo nei mite hnenah a thleng a, heng hi darkar 24 chhunga Mizo mirethei, kuthnathawkte an man theih lai hian vai supplier lian, pawisa tam tak neite hi an man ve ngam dawn em ? tih ka rawn zawt e.

SPEAKER

: Chhang turin Minister ilo sawm ang. Grape chinna tura pawisa puk pawh pawisa thawh chungchang, tin, Aieng a nia, a chhan theih ang han chhang turin Minister ilo sawm ang.

*Speech not corrected.

**PU H. RAMMAWI
MINISTER**

: Pu Speaker, a hmasain zawh belhna Hnahlan velah Grape hrileng ti mai ila, a rannung hming kha hriatfiah thiam a har a, Grape hrileng chungchang kha nimin tlai lamah

khan damdawi tam tawk keng mi kan intir a, vawiinah hi chuan an kah hman ka ring a. Kan Department official-ten tih kha House information-ah ka'n sawi duh a. Tin, a zawttu khan a zawhbelh bawk a, tah hian Pu Speaker ka'n sawi belh duh hlek chu kumin ang, nikumah pawh khan a ni tho a, a vir thei zawng zawng hi an vir vek hi a ni mai a, Perhpawng leh Khuangbai thleng hianin. Chuvangin hetiang information a awm hi chuan Agriculture lam a ni emaw, Horticulture lam a ni emaw, a Department lam hotute hnenah tunlai chu communication a tha a, information min pek hma hi kan vai thatna tur a ni tih kha House information atan ka sawi duh a.

Tin, Pu Speaker, a zawhna pui ber loan la, loan dilte chungchang kha National Horticulture Board kalphung a hi farmer-te incentive siamna turin an ti a. Miin Bank loan an lak chuan Bank under subsidy a ni a. Bank loan an lak chuan an loan lak 20% kha National Horticulture Board hian a rulh nan subsidy an pe ta a. Chuan Bank loan an lak phawt a ngai ta a ni. Chuan Bank loan an lak hma khan Letter of Intent an ti a, an mahniin awlsam deuha loan an lak theihna tur atan. Tichuan, an va dil a, an rawn pe ta a, chuan farmer khan Bank loan kha a lak kha a ngai ta a, khatah khan farmer-te leh Bank inkar kha a ni ta a ni. Pu Speaker, hetah tak hian a ni Govt. of India pawh hian Nationalised Bank-ah chuan Agriculture and Allied Sector-ah hian pawisa a dah tamna chhan pawh hi a ni a. Amaherawhchu, keini Mizoramah hian tunhma khan Bank loan lak hi Agriculture and Allied Sector meet-ah pawh khan kan inchhuahchhalna. Hei Chief Minister zahawm tak ho hian State Guest House-ah Agriculture and Allied Sector atana pawisa year-mark hi Bank hian Mizoramah hian in hmang tha lo a ni, kan intih phahna kha a ni a. Tin, Pu Speaker, ka hriat dan chuan kan Member zahawm tak khan 69 a ti a, keini hriat danah chuan 66 a ni a. An zingah khan panga kha chuan Letter of Intent kha an hmu tawh a, hmu tawh mahse, Bank loan kha an hmu lo thei tho a ni. Bank nena inkar a nih avangin. He thil hi farmers concern a ni a. Tin, 20% subsidy hi farmer tan a hlawk bawk si a, heti zawng hian kal ila a tha angem aw ka ti a. Tunhmain ka hre lawk bik lova, zawhna lokal hnuah ka hria a, a zawttu Member zahawm tak hi contact ka tum thin a, kan in contact hlei thei lova, kan pahnihin Department nen kan bawhzui a tha awm mange aw ka ti a. A zawttu pawh khan a pawm theih ka ring a. Letter of Intent hmu tur hian duh dan an nei a, pass leh engemaw a ngai ta a, farmers-in kha kha an hre thin lova, khatiang neuh neuh atang khan thil hi a fel lohna chhan a ni a. Letter of Intent hmuh tawh hnuah pawh Bank loan khan harsatna an siam theih avangin kan tanrual deuh a ngai tih kha ka sawi duh a. Session-te zawhnuah tangruala hei hi chu farmer-ten kan beihzui a thain ka hria.

SPEAKER : A suggestion a kha, i kalsan hmam, Loan dilna tura thil process-na emaw fee emaw a ngaih dawn chuan a thawktute hian mipuite hnenah hetiang hi a ni e, tih hrilh hmasa thin se tih a kha ka lo pawmpui viau a, kha kha ti turin officer-te tunhnu zelah khatia in hmulet leh thei a ni tih ang, hmulet leh tawh lo tur a kha chu in hmulet thei lo ang hei hi, in chawi ve a ngai ang tih kha in hrilh zel a va tha awm ve.

PU H. RAMMAWI MINISTER : Pu Speaker, Officer hi kan inang lova, team work a nih avangin officer reliable-te chuan hriat sa vek tur a ni a. Engtirman, Affidavit sign nan Rs. 100/- vel sen a ngai sa a, scan paper-ah a ngai baw k a, khatiang kawng kawng kha a ngai ta a. Tin, a project report siam nan tute emaw pawnlam mi siam turin pawisa pek nghal a ngai ta a, khatiang khan...

PU H. ROHLUNA : Pu Speaker, an ti tlat a ni. Chuvang chuan loan in hmuh loh pawhin a pawisa kha in hmu let leh ang an ti a, chuvang chuan tunhnu zelah fimkhur a tha e, tih suggestion ka siam duh a ni.

PU H. RAMMAWI MINISTER : Pu Speaker, instruction kan lo inpe tha leh ang e, a nihna tur dik tak hi farmer-te hnenah hrilh chiang turin instruction kan lo inpe tha leh vek ang e.

Tin, Pu Rinliana sawi kha Pu Speaker, hetiang hi thil awm thei a nih avangin atir atangin Alu chi, Aieng chi lakluh a huphurhawm em em na chu, a tawih duh si a, Aieng phe chu, mahni aieng ngei pawh hi a ching thang chuan a inthlau ve thei an ti a. Khatiang thlenga thil awm thei a ni a. Tin, kum 3 te a vei chuan zawi zawiin a inthlau ve thei tihte a awm a. Tin, khulai kan NGO team, kan supervising team monitor-tute khuan an hre khawp mai a, spices board-te an ruai ve a ni. mithiamte an ruai ve a ni, khulaia Hunthar veng a kan NGO team duty ho khuan keini aiin hmannah pawh min hrilh a, a eng ringawt hi a ni lova, a dal ringawt hi a ni lova, a chhan chu dam amite hi a eng dal ta a, a no hi a eng dal ta a, mahse, an han cut ta a, lakadong kha chu a

chhungah hian a ring a bial te hi a lo awm ta a, an hre khawp mai a. Khatiang ang kha nikumah khan Lawngtlaiah khan a eng vak lo Department-a kan pek kha a awm ta a, phur lo chung chungin an ching a, tukinah chuan a eng tha khawp mai an ti a, a no deuh a lo nih vang pawh a ni ang a. Tin, chutih laiah chuan nichina an sawi kha Aieng ni reng reng lo kha tlem Lawngtlaiah pawh tlemte tel a awm a, report kan hmuh vele bialtu MLA an hrilh a, min rawn hrilh nghal a, kan Officer-te kan tir nghal a, a then kha chu Aieng nilo hrim hrim a awm ve, tlem te sawi tham loh tlem te kha a awm ve a, a then chu a rawng hi a eng tawk lo an ti a, a eng tawk lo tih kha chu Aieng dik tak chu a ni deuh tho a, a no deuh te, dam amite khatiang ang te kha awm thei a nih avangin mithiamte tunah khulaia mithiamte rawna, monitor-tute khu an hre tawh khawp mai a, kan V/C Association-te, MUP Association-te, kan Y.M.A. leh an aiawhte. Amaherawhchu, a vai vaia an strict tehlul nen khatiang kha awm ve thei a nih avangin khatiang awm reng reng a kha chu Pu Speaker, dik lo a awm chuan kha kha chu kan replace tir mai ang. A dik loh chuanin a supplier kha replace tir ila, chuan farmer-te tan a hlawk ang.

PU ZODINTLUANGA : Tute emaw kutkawl an bun tir a, mizo fate kutkawl an bun tira, jail thimah an tan theih chuan vai supplier kha engatinge thleng tir ringawt an tum bik ? A dik theilo ani khang kha, an man ve tur a ni.

H.RAMMAWI MINISTER : Pu Speaker, a supplier hi chi hnih an awm a, a tute nge kha lai tih dana pawh kha la enzui ngai a quantity, a awmdan a zir te pawh a ni ve anga, churang chuan thil tha kan duh lai hianin khatiang kha a nawlpuih hi chuan a inzep ve ta thin a, tih kha ka chhanna nisela.

Tin, Pu Speaker, hei vawiinah session kan zo thei a, hetiang ang hi member kan nih avangin kan area theuh atangin information hi kan dawng chak thei a, tunah hian a kal lai mek anih avangin information kan dawn reng reng a hi Pu Speaker, kei a changtu Minister ka awm lo thei, commissioner pawh a awm lo thei, directorate ah tlawmah la ta lo ila, kan farmer te problem leh engemaw kha chu in communicate thuai thuai nisela.

LALRINLIANA SAILO : Inchhan ai chuan ama Office ah hian kan leng anga, sawi dun ila a thain ka ring, kan inchhang kan inchhang dawna chu chu remti se ka duh khawp mai.

S P E A K E R : Kan duh tawk mai lovang maw, i la leh hram ang u. Starred question no.242 na zawt turin Pu Zodintluanga i lo sawm ang.

PU ZODINTLUANGA : Pu Speaker, ka lawm e, zawhna zawhbelh a chakawm hle mai. Starred question No.244 kan Minister zahawm tak PWD chhan atan (a) Aizawl khawpui laili a Milenium Centre sak nan hian Bank ah pawisa engzat nge puk a nih ?(b) tunah hian rulh loh engzatnge la awm ? (c) He Centre a dawr luah man tura pek lawk tling khawm hi engzatnge ? tih ka zawt e.

S P E A K E R : Chhang turin PWD Minister zahawm tak Chief Minister Pu Zoramthanga ilo sawm ang.

PU ZORAMTHANGA : Pu Speaker, Member zahawm tak Pu Zodintluanga zawhna chhanna chu (a) Milenium sak nana loan puk dan chu hetiang hi a ni (i) Vijaya Bank Rs.15 Crore (ii) HUDCO Rs. 25 Crores a ni e. (b) chhanna chu loan la rulh loh zat chu Rs.22,49,95,537.00 a ni. (c) tin dawr luahna man tling khawm tawh zat chu Rs.20,21,14,000/- a ni.

S P E A K E R : Pu Zodintluanga supplementary zawt turin ilo sawm ang.

PU ZODINTLUANGA : Pu Speaker, ka lawm e. Tuna kan hriat ang khan sawlai Milenium Centre sak nan sawn Sorkarin cheng Vaibelchhe 490 chuang ruahmanna Bank hrang hrang atangin loan a la a, mihausate hnenah an hralh leh vek a, a chanve chu an hralh zo tawh a ni a, sawlai hmun saw hmun laili tak, mipui punkhawmna thil tangkai tak ruahmanna siam a nih laiin, mihausa mi engemaw zat awm theihna atan sum tam tak senga tih a ni ta a. Sawmi building sak hma sawn

mirethei te te, mahni thlai tharte zuara, Bazar ni phei chuan tlaivar thlengin sawlai thu thin saw chungkua 400 zet mai an awm a. Chungte chu hnawhchhuah an ni a, sawtiang building sa tur sawn. Sawmi building saw kum 90 tana leituten an lei a ni a, mihausa tena hmun laili tha, building an neihna tura Sorkarin a sak sawn thlai thar zuar 400 chuangte kha an eizawna ngelnghet leh building tha sakna tur atan sawn Sorkarin ruahmanna a nei ve em ? Tin, ruahmanna a neih chuan khawilai nge thlai thar zuarte tan khan hmun a zawn sak ? Tin, a pahnihaah chuan saw building sak atang sawn Sorkarin engzatnge hmuh a inbeisei ? tih ka rawn zawt e.

*Speech not corrected.

**PU ZORAMTHANGA
CHIEF MINISTER**

: Pu Speaker, kan senso tawh zawng zawng hi sawlai sak nan sawn Rs. 34,16,60,089/- a ni a. Nichinah khan loan kan lak zatte kan han sawi a, Vijaya Bank-a kan loan lak Vaibelchhe 15 kha a rate khatih lai khan a hniam ber a ni na a, 10% vela a interest kan lak a ni a. Amaherawhchu, a hnuah khan HUDCO atangin crore 25 kha 8.75% in a puk leh theih avangin kha kha a rulh nan kan hmang ve leh thung a. Chuvangin, Vijaya Bank ami kha chu kan rul zo tawh a, tikhan, a rate hniam zawk khan tuna puk kal mek a hi chu a ni a. Tichuan, hemi kan Member-te information-a ka'n tih tel duh a chu, kan senso zawng zawng kha ka sawi ang khan Rs. 34,16,60,098/- a ni a. Tin, a satute L & T ho hnena kan pek a kha Rs. 31,24,62,712/- a ni a, a bang a kha Rs. 2,91,00,000/-, Vaibelchhe 3 tling lo deuh a ni a. Khang erawh kha chu consultant fee-te, sawmi a Centre Office expenditure-te, Lift-te, Escalator-te, Power connection leh contract package-a tel lo, thil dang eng engemaw tih ngai, khami atana hman kha a ni a. Tichuan, a vaiin Vaibelchhe 34 zet kha a hman kha a ni a. Tichuan, sawlai saw hralh tawh a ni a, engemaw zat kha. Tunah hralh loh engemaw zat pawh a la awm a. Tin, a dawr a hi 306 lai a nih avang khan, a bang pawh hi a la tam khawp mai a. Kan hriat theuh angin, hei hi a satute, hemi Millenium Centre Authority, Mizoram Sorkarina a siam, khamite khan pawisate puk a, hetia sak a nih avangin, khami inrulh lehna tur atante khan amah inbanlek turin a dealt a, operate a, khatia a transfer theihna tur atana project a ni a. Chuvangin, tuna kan tih ang khan a lo ngai a, Grant hrim hrim atang chuan lo la ila chuan, income chu a tam lehzual ngei ang a. Amaherawhchu, ni lovin, a BOT type deuhna kan lo kalpui avangin, income kha a tam tur angin a tam thei lova, mahse, nakinah lo tam chho leh zel turah kan ngai a. Tunah engzat chiah nge income a lak tih a kha heti mai hi chuan kan hre thei lova. Tuna a hralhna lo lut hi a awm a, luah mante pawh a awm ang a, engemaw khalai....

*Speech not corrected.

SPEAKER : Khawngaih takin hei, kan hun a tawp chu a ni mai a, mahse, a zo tep niin a lang a, han zo law law se a tha em ?

**PU ZORAMTHANGA
CHIEF MINISTER** : Khang kha nakinah lo la chhut tur a ni ang a, hralh pawh an la hralh zawh kim hma a nih avang khan, income chu tam tak turah chuan ngai lo ila, tunah rih chuan. Tin, sawta a miretheite 400 chuang lai chhuakte kha an eizawna emaw, an inzawrh vena tur emaw ruahmanna a awm em? tih kha, awm e, khutah New Market-ah, a hmun siam a ngai a, chutilo chu chawhmeh zawrhna chite, Sangha zawrhna chite a hlawm deuh hleka kan tih loh chuan khawvel kalphung a ni lova. Market lian deuh mai kan sa a, a luah theih tep tawh a, za telin kan pek tur a awm a, a piah lam pawh han sak lehzal dawn pawhin a awmsate kha tha zawkin sak dawn pawhin an luhna kha siam zeta inbanlek kual a ngaih vangin vawilehkhatah kan ti thei lova. Tum dan chuan New Market area zawng zawng, Foreign Lane zawng zawngte pawh khu building tha taka sak a, henga retheite leh midangte a tam thei ang ber, za tel pawh a ni lovang, sang chu a chuang ang.

SPEAKER : Question hour a tawp a, vawiinah hian Pu Aichhinga, Minister zahawmtak a fanu pasal neih avangin tel thei lovin leave arawn dil a, kan remti tlang mai em? Leave a dil vang hian a tih tur ang ang ti turin Pu R. Tlangmingthanga, Minister a authorise a ni.

List of Business-ah kan kal ang a, laying of papers a ni a, Pu Zoramthanga, Chief Minister zahawmtak 'The Mizoram Registration of Birth & Death Rules, 2007' House-ah lay turin i lo sawm ang.

**PU ZORAMTHANGA
CHIEF MINISTER** : Pu Speaker, i remtihain he House Table-ah hian 'The Mizoram Registration of Birth & Death Rule, 2007' copy ka rawn lay e.

*Speech not corrected.

SPEAKER : A copy sem ni se. Member zahawm tak Pu Sailothanga Sailo zawhna Starred Question 122(a) ni 27.3.2007 a chhanna tihdikna Pu Aichhinga aiawha House-a lay turin Pu Tlanghmingthanga i lo sawm ang.

**PU R. TLANGHMINGTHANGA
MINISTER** : Pu Speaker, i phalna leh House remtihain copy of correction of reply to Starred Question No. 122(a) asked by Pu Sailothanga Sailo on 23.3.2007 ka lay e.

SPEAKER : A copy sem ni se. Pu B.Lalthlengliana, Minister zahawmtak, Pu Sailothanga Sailo 30.3.2007 a Starred Question a zawhna chhanna Starred Question 224(a)-na a tihdikna House-ah lay turin i lo sawm ang.

**PU B. LALTHLENGLIANA
MINISTER** : Pu Speaker, i phalna leh House remtihain A copy of Starred Question No. 224 (a) asked by Pu Sailothanga Sailo on 30.3.2007 he House zahawmtakah hian ka lay e.

*Speech not corrected.

SPEAKER : A copy sem ni se. Pu Z.H. Ropuia, Minister zahawmtak 28.3.2007 a Pu H. Liansailova Starred Question 198-na chhanna tihdikna House-ah lay turin i lo sawm ang.

**PU Z.H. ROPUIA
MINISTER** : Pu Speaker, i phalna leh he House remtihain 28.3.2007 a MLA zahawmtak Pu H. Liansailova zawhna Starred Question No. 198-na tihdikna chu he House zahawmtakah hian ka lay e.

*Speech not corrected.

SPEAKER

: A copy sem ni se a tha ang e.

Pu H. Rammawi, Minister zahawm tak 30.3.2007 zawhna chhang tura House-a a awm loh chungchangah statement siam a rawn dil a, chu chu dan anga exam a niin phalsak a ni a. Tunah Minister zahawm tak Pu H. Rammawi, statement siam turin i lo sawm ang.

*Speech not corrected.

**PU H. RAMMAWI
MINISTER**

: Pu Speaker, ka lawm e. A subject kha i sawi tawh a. Ka statement chu hei hi a ni. Dt. 30.3.2007 (Friday) ah khan ka Department chan chhunga MLA zahawm tak Pu R. Lalzirliana

zawhna kha chhang lovin House-ah ka thu lova. Tin, tumah Minister dang min chhan sak turin ka authorise lova. Chuvangin House-ah zawhna chhan lohina a awm ta a. A chhan chu, tunhma atangin High Blood Pressure nei ka ni a, regular taka treatment la reng ka ni a, chuti chung chuan, 24.9.2006, nikum khan ka office bang ka chesual deuh a, Doctor-te thurawn angin daily-a Hospital ka pan nghal a. Investigation engkim an tih hnuah..... failure chu a hlauhawm lova, stroke erawh chu hlauhawm tak a ni a, uluk takin treatment la zui zel ang che min ti a. Damdawi erawh chu Aizawl-a Doctor-in an chawh che erawh chu chhunzawm zel ang che min ti a. Ka treatment lak chu ka thatpui viau laiin tunhnai hian ka B.P. hi a sang thut in a chang leh a hniam thut a. Hetiang hi ka chauhpui ber thin a ni a. 30.3.2007 khan Session attend turin zing dar 10:00 hmam ruling Recess Room ka thleng a, dar 10:30 Session tan hun velah khan a hma ang bawh khan ka feel leh tlat mai a, mualpho hlauin ka inthiarfihlim nghal a, Minister dang question min chhan sak tur, authorise hman pawh ka ni lova. Chuvangin, Department question kha chhan lohina a awm ta a. He thilah hian, Pu Speaker, i mi hriatthiamna ka ngen a. Tin, he House zahawm tak hriatthiamna ka ngen a. Tin, zawhna neitu Member zahawm tak Pu R. Lalzirliana hriatthiamna ka ngen a, thupha ka chawi a ni. High Blood Pressure vanga treatment ka neih zia finfiah nan min enkawl a, min vil rengtu Doctor Certificate pawh ka rawn thil tel e.

SPEAKER

: Kan Minister zahawm tak khan a zawhna a chhan loh avanga thupha chawina a rawn siam a ni a. Tikhan, kan pawmsak thei mai a ni lawm ni ?

Tunah chuan Motion under Rule 202 tih a ni a, hmamni 30.3.2007 khan Minister Pu Tawnluia, a Petition ka chhiar chhuak a, khami kha uluk takin kan exam a, technically-in pass theih a ni lova. A chhan chu, substantive motion-a tih zawk tur a nih vangin Petition anga bawhzui theih a ni

lova, Secretary kha a lo hriattir hmasa lo bawk a. Chuvangin bawhzui zel theih a ni lo a ni. Tunah Rules 202 angin Motion rawn putluh a duh a, kan exam-a, pawm theih a ni a, kan pawm sak ta a ni. Pu Tawnluia, a Motion pulut turin i lo sawm ang.

**PU TAWNLUIA
MINISTER**

: Mr Speaker Sir, with your kind permission and as provided for under rule 202 of Rules of Procedure and Conduct of Business in Mizoram Legislative Assembly, I moved a

Motion as follows - "That the Assembly House Committee be constituted to inquire the alleged involvement of the Govt. of Mizoram in illegal transportation of arms which was raised on 26th March, 2007 by Pu R. Lalzirliana, Hon'ble MLA and 2nd April, 2007 by Pu Lalduhoma, Hon'ble MLA". Thank you.

SPEAKER

: Home Minister-in a rawn pulut ta a ni. Kan chhiar leh ang e. "That the Assembly House Committee be constituted to inquire the alleged

involvement of the Govt. of Mizoram in illegal transportation of arms which was raised on 26th March, 2007 by Pu R. Lalzirliana, Hon'ble MLA and 2nd April, 2007 by Pu Lalduhoma, Hon'ble MLA" tih a ni. Hei hi support-tu kan awm em ?

*Speech not corrected.

PU ANDREW LALHERLIANA

: Pu Speaker, hemi a moved rual hian thil pakhat kal a awm a. Tunah hianin Police DIG hian Press Conference a ko mek a, hemi

subject-ah hian chutah chuanin Pu Lalduhoma No Confidence Motions subject hmangin a chhanna. House-ah chhan a ni tawh lova, engatinge ni a hetiang, he House rorelna sangberina heta ngaihtuah a nih tawha chhan a nih loh a, a chhanna engtizia nge DIG ten tun dinhmunah siana Press Conference ko a, kan Journalist-te pawh tunah kuai pengin an ti a ni. Hei hi an tih tur niin ka hre lova, chuvangin tan dan diklo deuh maiin helai Member zahawm tak tena kan thusawi leh kan khel leh kan motion-te a hranga a chhanna official-a te nauten an lo khel hi he House dignity tih lower-na, tihhniamna niin ka hria a. Chuvangin, lo kotu kan officer-a chu he House-ah ngei pawh koha zilh tur niin ka hria a ni.

SPEAKER

: Khawngaihtakin hei hi Motion hi kan adopt hnuah chuan hemi chungchangah hian tuten emaw Minister an ni emaw, Official an ni

emaw an lo sawi vak vak kha a remlo turah ka ngai a. Amaherawhchu, hemi kan adopt hmaa official-in emaw Minister-in emaw chuan lo sawi sela emaw, kha kha chu a rem lohna vak pawh ka hre lova, amaherawhchu, tuna a question erawh chu DIG i tiha kha Ministry emaw Home Minister emaw Chief Minister-in emaw a authorise em ? tih question mai niin ka hria. Aw...chuvang chuan ...aw..khalai kha an authorise-a, hemi kan adopt tawh hnu chuan lo ti ni se a rem tawh lova. House Inquiry Committee hi din ta ila, din remti ta ila, din ta ila, chumi hnuah chuan an lo tih, khami House-in chhui tur an lo sawi an lo sawi kha chu a dik miah lo ang a. Mahse, khami hmaa...

*Speech not corrected.

PU LALDUHOMA

: A chhuitu tur Motion thehluh a nih hnuah leh Motion sawiho a nih mek laia DIG Press Conference koh tir leh helaia Session rawn attend thei lo

tura kan Press mite lo koh pen hi he kan rorelna sangber zah lohna a ni a. Tichuan, he Inquiry Committee an proposed-in tih a tum leh a subject tur zawng zawng chhanna leh hrilhfiahna zia kin an siam tir nghal vek tawh a ni. (Speaker : Khalam kha chu ka hre ve lova, kei chuan) Chuvang chuan, he House hi a zah lo a ni. Sawi tur an nei a nih chuan nimin khan sawi ang hmiang, sawi tur hre si lova engatinge DIG te hetiang a tih tir ?

SPEAKER

: An authorise, Sorkarin an authorise a nih chuan kan adopt hmaa an lo sawi a nih chuan kei chuan a sualna hranpa vak ka hre lo a, chuvang

chuan, a hnuah erawh chuan tupawn lo ti ni se, hemi Inquiry hi din remti ta ila, Inquiry matter-a hi min press-a, an lo sawi chu a rem tawh lo turah kei chuan ka ngai a ni. Chuan, a nih leh tikhan Motion a lolut ta a, tihian tha kan ti mai em ? Chuan, Term of Reference leh membership chungchang ka rawn sawi tel lova, hei hi duh chuan sawi tel theih a nia. Motion neitu hian chu chu engtinge kan kalpui ang ?

*Speech not corrected.

**PU TAWNLUIA
MINISTER**

: Pu Speaker, nangma kutah a rem turah ka ngai a, ka rawn propose lova, nangman tha i tih anga i rel turah ka ngai e.

PU ANDREW LALHERLIANA : Pu Speaker, khami Terms of Reference velte, khang kha la ngaihtuah tur leh tungeni a composition turte kan ngaihtuah tur a nih chuan, thil chiang tak pakhat chu hei hi Government Conduct rinlohna lampang side a ni tlat a ni. Anmahni chair a thiang lo a ni. Tin, a dang lehah chuan Member composition-ah hian party tin kan awm a, tin, Ruling a nih chuan Member pakhat pawhin an lo tam thei a, paw ka ti lova. Amaherawhchu, a chair a, kaihhraina hi an kawl a nih erawh chuan tuna a chhanna ang chi confirm tur ang lek a kan awm chuan a dik dawn reng rengin ka hre lo. Chuvangin khalaiah khan a chair hi chu ka rilru a awm dan chuan, ka suggestion-ah chuan Opposition group-ah hian a group lian ber hotupa Pu Lal Thanhawla, kan Chief Minister pawh lo ni tawh, Member zahawmtak hi ni thei seng chuan tha ka ti khawp mai. Chu chu ka personal-a ka rawn sawi a ni a. Official-in Leader pawh ka nei ve a, a duh chuan a sawi thei ang a. A sawi hmam ka lo sawikhalh ni se. Khawngaihtakin kha kha, chutiang deuh hleka a kal loh chuanin 'impertial' a nih theih ka ring tlat lova, tuna scanner awm mek ten an chair chuan a kal dan tur hi a chiang tlat a ni.

Chutah chuan kan sawi tel duh chu, hei Champhaiah pawh enquiry hmamni lawkah kan la tawh a, helaia ramhnuai mite involve-na chungchang thua khan. Inthlan lai 2003 khan, chutah chuan Silai mante pawh an nei a ni, ramhnuai mi lakah khan, Assault Rifle M.16, a number zawng zawng pawh ziah vek, tin, 9mm Pistol-te pawh man a ni a. Hei hi tunah hian a Sorkar lampang investigate-na in a case an wind-up danah chuan hei hi Toy Gun a ni e, a ti ta a ni. Ka han kal lai khan Toy Gun a ni lo chiang khawp mai, Magistrate pawh khan min hrilh. Tunah hian Toy Gun a ni em ? (Speaker: A subject lai kha i ti teh ang u, chuti lo chu a rei thin) Chutiang ang zawnga kalpuitu ten an kalpui chuan a paw hle ang.

PU LALDUHOMA : Nangmahah hi chuan rinna kan ngat khawp mai a, chhia leh tha hriatna hmangin i rawn din dawn a ni a. Mahse, i dinglama mite rinhleha thu sawi tur a nih chuan, vei lama miten chhui sela, veilama mite chungchang sawi tur a nih chuan ding lama miten chhui sela. Chu chu mipui chuan an pawm ang. Chutiang a nih loh chuan keimahni dik lohna chhui tura keimahni lam tangte thuneihna leh Chair-na hnuai din a nih chuan chu chu rinhlel a kai sa a, ka hmaa Member zahawmtak takte sawina kha ka thlawp a, kan Opposition Group lian ber Leader-in Chair hi la sela, khatiang anga a kal dawn lo a nih chuan he Committee hi tuna DIG Range an sawi tir nemnghet tura hmaiphihna mai mai tur a nih avangin keini Legislature Party chu min rawn ruat duh suh ang che, kan tel lovang.

*Speech not corrected.

PU LALCHHANDAMA RALTE : Pu Speaker, he House hian i kaihhruaina kan ring tawk a. Tin, Member-te pawh he Ram interest tak takah Party hrang hrang atangin min ruat ngei pawh ka ring a. Assembly-a kan proceedings awm tawhte enin, a kaldan phung enin i thuneihna atanga min rawn ruat mai kha a thain ka hria a. Vawiiinah i dinglam ami emaw, i veilam ami emaw Member i ruat tura thuneihna kan pek che a, Chair, House-in a decide kha tulin ka hre lova, i kaihhruaina kan ring a nih chuan heng kan sawihona hre chung hian min rawn ruat mai hi a tha a ni lawm ni ? ka rawn ti a ni.

PU LALRINLIANA SAILO : Pu Speaker, thil hlui kan sawi dawn a nih chuan ka hriatsual loh chuan Lunglei Greater Water Supply Scheme-ah pawh Chief Minister zahawmtak khan min chhui rawh u a ti a, tiang khan an mahni te pawh an ti a ni a. tunah hian Suangpuilawn in kidnapped pawh kha vawiiini thleng hian report pek theih loh a ni a. Chuvangin anmahni kaihhruaina atang chuan Justice hi a hmuh theih loh reng reng a ni. Helam, i veilam atanga kan hruai hi a tulin ka hria a. Tin, hmanlai leh tunlai kha a ni lova, Justice kan hmuh dawn chuan tunah hian kan ngaihdan diktak hi puan mai thain ka hria a, engahnge Suangpuilawn kidnap vawiiin thlenga report an pek theih loh ? Engatinge kum 4 a ni tawh a, an tih theih loh ? Chuvang chuan helam kan Chair a ngai a ni, khawngaihtakin.

SPEAKER : Pu Saikaphthianga.

PU SAIKAPHTIANGA : Pu Speaker, a chang hi chuan i hawng zau lek lek emaw ni chu aw tih chang hi ka'n nei ve a. House hian tihdan phung hun rei tak atang khan kan nei tawh a. Pu Hawla kaihhruai Sorkar-a kan awm lai khan hetiang hi a awm tawh a ni, chhui rawtna. Chutah chuan ruling lam atang bawkin rawt a ni a. tunah chuan Minister zahawmtakin, Home changtuin a rawn rawt a, khata kan tihdante kha en mai khan a vai khan i thuneihna khan kalpui mai la, chumi a nih loh chuan, Chairman turte, Member nih dan turte kha kan inhnial anga, a buaithlak ang tih ka ring a. Kan House hi hun engemaw chen lokal tawh a ni a, nimina No Confidence-ah te pawh khan kan proceeding hlui kha en chuan Congress Sorkar lai khan MNF in No Confidence an move-a khatihlaia MNF hotupa khan a rawn moved-a, a move

*Speech not corrected.

zawh veleh khan kan Speaker khan tunge sawi ang te a ti a, khatihlaia kan Chief Minister zahawmtak khan keini lam chu ringtu lam kan ni a, (Speaker : A subject lo i kal ve tlat mai nang pawh) I phalzau thei deuh a, kan sawi mai a ni. En tur leh zui tur hi Pu Speaker, i hre vekin ka hria.

SPEAKER : Ni e, report hluite pawh en theih chu a awm a. Amaherawhchu, Member ngaihndan tlangpui...

PU R. LALZIRLIANA : Khawngaihtakin Pu Speaker, kan House zahawmna leh justice mipuiten an hriat a, dikna kan haichhuak tak tak dawn a nih chuan helam opposition lama tanga Chair an chan hi thain ka ring a. Chutiang a nih loh chuan engemaw, a mawikhaia han tih mai maite a ang deuh dawnin ka hria a. Tin, House-ah hian thusawina chance kan nei vek a, hmanni 26 march-ah kei pawh ka sawi a, hel chungchang, Silaite chungchang, khatah khan tu hming mah hel ka lam lova. Tiang chuan hel nia ingaite leh kan Home Minister-te leh tute emaw kokhawmin CID tlangah khami zanah an inkokhawm leh a, invaunate ka chungah a lo thleng leh ta a. Heng hi a dik lovin ka hria. Khang kha a hunah khan inchhan theih a ni a. Chuvang chuan vawiinah hian kan House zahawmna tur hian kan zavaia dikna kan hai chhuah a pawimawh a, chuta tan chuan opposition lam atang hian Chair chang sela, tichuan, party tinte Member i dah a thain ka ring a, a rem chuan. Tin, ruling atang pawhin an tam deuh a, Member-te pawh kha lo tam deuh ta pawh ni sela, chu chu a thain ka ring khawp mai, Pu Speaker, rawtna angreng deuh ka'n siam a ni.

PU R. TLANGHMINGTHANGA : Pu Speaker, kan sawi kan sawi chuan keimahni House Member- ho kha kan inrin loh zia kan ti vak dawnin ka hria a. Chairman tur kha bias tur ang deuha ngaia a duh ang lam hawi hawia kha Cmmittee kha hruai thei tur ang deuhin kan keuhthlu palh ang tih ka hlau a. Member ho represent theuh a, a group hrang hrang represent theuh kha, kha kha Chairman-in ama interest leh a duhdan anga hruaikawi hlau zia zangin ka hria a. Keini ho zingah hi chuan kha kha thil tih chi niin ka hre lova. Chuvangin Member ho theuh, khami Committee Member-te kha, khang khan a diklo kha chu paih bova, a dik kha chu kalpui theih turah ka ngai a. Tin tam hneh Chairman-in khatia a duh duha kalpui ang khan kan sawi lek lek a, kha kha min thlirtute leh midangten min hmuh dan kha a chhuanawmin a duhawm lovang tih ka hlau deuh ka ti.

*Speech not corrected.

.....1145/-

PU LALDUHOMA : Pu Speaker, nangmahah hi chuan rinna kan nghat khawp mai a. Chhia leh tha hriatna hmangin i rawn din dawn a ni a. Mahse, i dinglama mite rinhlelhna thu sawi tur a nih chuan, veilama miten chhui sela, veilama mite chungchang chhui tur a nih chuan dinglama miten chhui sela, chu chu mipui chuan an pawm ang. Chutiang a nih loh chuan mahni dik lohna chhui tura mahni lamtangte thuneihna leh Chairman-na hnuaiia din a nih chuan chu chu rinhlelh a kai sa a. Ka hmaa Member zahawm tak takte sawina kha ka thlawp a, kan Opposition Group lian ber Leader-in Chair hi la sela, chutianga a kal dawn lo a nih chuan he Committee hi tuna DIG Range an sawi tir nemnghet tura hmaiphinna mai mai tur a nih avangin keini Legislature Party chu min rawn ruat duh suh ang che, kan tel lovang.

PU LALCHHANDAMA RALTE : Pu Speaker, he House hian i kaihhruaina kan ring tawk a. Tin, Member-te pawh he Ram interest tak takah party hrang hrang atangin min ruat ngei pawh ka ring a, Assembly-a kan proceedings awm tawhte enin, a kaldan phung enin, i thuneihna atanga min rawn ruat mai kha a thain ka hria a, waviinah i dinglam ami a ni emaw, i veilam ami emaw Member i ruat tura thuneihna kan pek che a, Chair, House-in a decide kha tulna ka hre lova, i kaihhruaina kan ring a nih chuan heng kan sawihona hre chung hian min rawn ruat mai hi a tha a ni lawm ni ? ka rawn ti a ni.

PU LALRINCHHANA MINISTER : Pu Speaker, hun kalta a practice dan kan nei theuh a, hun kaltaah pawh khan Speaker kutah kan dah mai a, a ni chu a khawi lam lam pawhin a kan rin ngam tura Speaker hi kan dah a ni. Chutiang ngei chuan nang pawh Speaker-ah i awm a, House min kaihhruai danah pawh bias lovin a khawi lam lam pawh angkhatin min kaihruai a, waviinni thleng pawhin, a lawmawm kan ti. Hemi dinna turah pawh hian hun kalta a Speaker kan rin ngam anga rin ngam tur i ni. Chuvangin hemi chhui tur member ruatnaah pawh a khawi lam lam pawh kan mi rintlak tur i rawn ruat ngei ang tih hi thil Chiang saah pawh ka ngai, chu chu a nih avangin hun kaltaa kan tih ang bawh khan a mihring tur ruatna chu i kutah awm hram se a tha.

*Speech not corrected.

SPEAKER : House Committee chungchang hi a thu hrim hrimah kan Committee tinrengah hian member-te kan puitling tlang a, party politics kan lalut lo theuh a, kan irruatna a ni emaw, kan hnathawhnaah hian tunthleng hian lawmawm ka ti a. Tunah pawh hian a tu te pawh Chairman sela, a tu pawh member ni ta sela, kan inringhlel lo tlang turah ka ngai a. Chu chu tunhma pawha kan lo kal thin dan a ni. Vawi 7 lai in tling tawh si a, sawi ta che.

PU LIANSUAMA : Kan House Committee-ah hian member nihte, Chairman nihate pawh kan lo nei theuh tawh a, tuna House Committee hrang hrangah pawh hian Opposition lama thu Chairman an nihin emaw, Ruling lama thu Chairman an nihin emaw helai Session Hall-a kan awm dan leh House Committee-a kan function dan hi chu chhun leh zan ang a ni. Chuvang chuan kan lai tha thin in ka hria a. Entirnan, helama kan thut lai khan Subordinate Legislation Committee, Pu Speaker, Chairman-ah min dah a. Tichuan hun a lo kal chho zel a, Committee dangah Chairman-ah ka awm leh a tunah hian, kan thiante pawh hi chutiang vek chu a ni, Committee functioning reng reng hi a bias ngailo reng reng, kan House-ah hian. Chuvang chuan tuna i rawn ruat tur pawh hi a bias lo ang, tupawh Chair se tih ka ring. Kum 1997-a Lunglei Greater Water Supply Scheme Phase-I endiknaah pawh tiang chiaha tih hi a ni tawh a. Chuvang chuan, khami zulzui khan a kal theih mai a ni a. Tin, chulo lehah chuan hetiang a live-a telecast-te a ni lo bawk a, member-te kan kalphung hi a entawn tlakin ka ring a. Chuvang chuan hlauhthawn tur pawh a awm lo. Tin, nimina ZNP Leader-ina a rawn sawi No Confidence move laia a sawi, a sawi nawn lehna ah pawh khan nizanah tum 2 ka ennawn leh thlap a, Chairman-ah emaw, member-ah emaw helam kan awm ve chuan kan pawm ang, helam kan awm ve loh chuan kan pawm lovang a ti thlap a. Chuvang chuan tuna kan Chair loh chuan kan pawm lovang tih kha chu a dik thei lovang ka ring. I rawn ruat ang ang kha pawm tlan mai tha zawkin ka ring a. Tin, chubakah tha angreng tak chu hmannah Home Minister-in helai chhui tur chungchang thu a rawn thehlut a, niminah Chief Minister hetah hian Committee-te pawh din ila, a ti a, chumi zulzui chuan thu a lokal zel a, tha takin a diklo chuan a dik lohna chhuichhuak ngei turin he Committee hi lai takin i rawn din kan ring a, chu chu a tawk mai lawm ni.

PU LAL THANHAWLA : House Committee an rawn dil hi a lawmawm ka ti a. Amaherawhchu, House Committee dangte nena ngaihfin chi a ni lo a, a inang lo a

*Speech not corrected.

ni. A nature leh terms of refference-te pawh a inang dawn lo a ni. Chuvangin ruling lam Chair kha opposition-in kan ring lo a nih pawhin thil awm tak a ni. Lunglei Greater Water Supply-ah kha chuan keimah mimal, khatih laia Chief Minister Lal Thanhawla kha a eiru an ti a. A Chief Minister zawk khan a eiruk leh ruk loh House Committee-in va chhui rawh se tiin Speaker hnenah ka dil mai a. Tichuan, Speaker khan a duh angin a ruat ta a ni. Khatihlai khan a Chairman tur kha dispute a awm lova Pu Speaker, inhniaina a awm lova. Chuvangin Speaker khan a duh angin a ruat ta a. Tunah pawh hian i thu chu a ni tho a, mahse, tuna Opposition tena an rawtna kha kei Ruling Party chu ni ila, ka pawm zawng tak tur a ni. Chuvangin, dikna haichhuah kan duh tak tak a nih chuan ka pawm zawng tak tur a ni. Helaiah hian..... kan nei thei lova, Speaker ang pawha harsatna i neih chuan Pu Speaker, CBI an awm a, kan thenawm State-ah pawh murder mi..... te an solve theih loh chuan Chief Minister-ten CBI an kolut mai a, chutiang chuan Commissioner Inquiry Act hnuaiah pawh Inquiry Commission High Court Judge te, Supreme Court Judge tena an head-a kha a tih theih mai a. Chutiang zawngte pawh chuan han kal ve chhin ila tih ka'n rawt duh a ni.

**PU ZORAMTHANGA
CHIEF MINISTER**

: Pu Speaker, thildang rawt pawh ka tum lova, kan Opposition Leader zahawmtakin a sawi ang khan House Committee dang a ang lova, thil

chhui tur a nih avangin a chi a dang a. Lunglei Water Supply Scheme chhui tur pawhin hemi ang chiah hian Committee ruat a lo ni a, khatah pawh khan an accused ber chu tuna kan Opposition Leader-in a tih ang khan keimah ka ni a ti a. Khata an tih lai pawh khan a Chairman-ah pawh ruling an ruat mai a, engmah bias tih a awm chuang reng reng lova. Chuvangin Speaker discreation-a dah a ni a. Chuvangin hei hi tunhmaah practice-na kan lo nei tawh a, khami ang khan tha i tih angin rawn ti la a tha ang e.

SPEAKER

: A nih leh tiang chuanin kalpui tum mai ang aw. A tawp hlei thei dawn tlat lo mai. Darkar 3 sawi peih theuh kha kan ni bawk si a. Business

dangah kan kal ang a. Half an Hour discussion a ni a, hei hi Member zahawm tak Pu Lalduhoma'n a Starred Question 163-na, March ni 27 a Minister-in a chhanna chungchangah a rawn dil a, endik a ni a, pawm sak a ni a, chu chu hun hmang turin lo sawm ta ila, a tha ang e. Pu Lalduhoma.

*Speech not corrected.

PU LALDUHOMA

: Pu Speaker, ka lawm e. Ni 27.3.2007-a ka Starred Question No. 163-na kan sawihona chungchangah khan Mizorama Anthurium pangpar leisaktu Zopar Export Limited hian

pangpar an lein Receipt an pekah hian a kuang (stem) zat leh a size zat an zia a, a rate leh a hralhtu ten a man an dawn tur zat hi a inziak lo a ni tih thu ka sawi a. Chu chu Minister zahawm tak, a Department changtuin hrechiang lo leh thu diklo sawiah vawi engemaw zat he House chhungah hian min puh a. Tin, a receipt-te chu a mit ngeia a hmuh thu leh a rate a chuan thu leh a hralhtu ten a man an dawn tur zat pawh a inziah vek thu a sawi nawn a. Chutiang chiahin Member zahawm tak Pu K. Vanlalauva pawhin a mit ngeia a hmuh thu leh a rate/a man zat an ziah vek thu a sawilang a. Tichuan a tu zawk thusawi kha nge a dik tih kha a hriat theih tak loh avangin hei hi public interest a nih avang leh keima mimal reputation pawh a khawih avangin he House-ah hian thudik tihchian a thain ka hria a. Chuvangin hemi hi ka han ngen che a ni a. Hei a chianna turin Aizawl veng hrang hrang, Tanhril, Chawlhmun, Luangmual, Zonuam, Zarkawt, Dinthar, Bawngkawn leh Kulikawn atangte in Zopar Export Limited-a Anthurium petuten a receipt an lak original copy 82 Pu Speaker, ka rawn keng a. Hetah hian ka sawi ang chiah hian a rate a inziak lova, a man zat a inziak bawk lova, a inziahna tur column pawh hi a awm lo hrim hrim a ni. Heng aia tam hi khawn a ngai tawh chuang ka ti lova, chumi confirm nan chuan heng receipt original copy, mi hrang hrang hnena an pek 82 hi House ka present e. Tichuan, khang mi zawng zawngte khan pangpar an han pekin engzat man nge a nih a, cheng engzat nge an hmuh dawn an hre ngai lo reng reng a, Zopar Export-te hian an zuk hralh te te a, an zuk hralh hnuah a man la tura an kal leh hunah pangpar petuten a hralhna man zat an hre chauh thin a ni. Chutihlai chuan, kan Minister leh MLA zahawm takin a man zat inziahna receipt an mit ngeia hmuh theih an lo nei ve si kha, tak tak a nih chuan he House-ah hian rawn phawrh ve se thain ka hria a. Chutianga a rate leh a man zat hre thei bikte an lo awm a nih chuan Discrimination a awm tihna a ni a, a thena ruahsur, a thena nisa tihna a ni a. Chu chu a dik lo hlein ka hria. Amaherawhchu, an lo hresual path zawk a nih chuan he House-ah hian hriatthiamte pawh rawn dil selang ka hrethiam thei em em a ni.

Tin, khami chungchang, he House-a kan sawi tuk, a tuk ni 28-ah khan Zopar Export Limited hian receipt form thar an nei ta a ni. Tichuan, a helampang hi chu a la ngai reng a, a hnung lamah hian a rate leh a man zat a chuang ta a ni. Pu Speaker, hei pawh hi House ka present e. Tichuan, mi tam takin hetia a rate a lo inziah takah chuan a hlawk ta hle mai a, kan va lawm em an ti a. An beisei aiin pangpar man pawh an tel hnem ta a. A hma khan an lo van ei nasa awm em ti tawkte pawh an awm nawk a ni. Chutiang chuan helaiah hian mipuite tana thil tha tak kan sawi chhuak ta a ni a, ka lawm em em a ni. Mahse, a tuk tuk leh lawkah chuan a Receipt hlui bawk kha Pu Speaker, hei an lo hmang leh ta a, hei hi ni 30 ni a lo ni a, hei hi ni 30 ni a receipt chu a ni a, heta han hralhtu nu hian a rate a zawh luih tlat avangin pen-in, kut ziaakin a lehlamah hian a rate an lo ziah chawp sak a. A receipt hlui bawk kha an lo hmang leh ta a ni tih finfiah nan hei pawh hi House ka present leh e.

A rate chungchangah hian Pu Speaker, Anthurium Growers Association-te leh Zopar Limited hian ni 28th September, 2004 ah khan agreement an lo siam a, chu agreement chu hemi zawhna ka putluh tukah khan tidanglamin Minister zahawmtak hian rate thar a lo tichhuak a, a copy chu hei hi a ni. Tichuan, 2004 rate leh 2007 rate inan loh dan hi han tarlan ka duh a. A hluiah chuan X large hi Rs. 20/- a ni a, tuna kan Minister rate tharah hian Rs. 13/- a ni, large chu a hluiah Rs. 18/-, a tharah Rs. 12/-, medium chu a hluiah Rs. 15/-, a tharah Rs. 8/- small chu a hluiah Rs. 12/-, a tharah Rs. 6/-, mini chu a hluiah Rs. 7/-, a tharah chuan a chanve pawh tling lo Rs. 3/- a lo ni ta a ni. Chutianga a rate-te hi Minister-in a zuk fix mai mai tur a ni dawn em ni ? Hetah hian Zoparin an chhuah "As per the wish of Agriculture Minister, price of Anthurium as fixed in emergency meeting of today" tia bul tanin an rawn ziak ta a ni. "Minister duh danin" an rawn ti thlap mai a ni. Kan Minister duh dana a man an fix kha a hlui aia to te chu ni se, a lawmawm ni mai tur a ni a, thil rate-te chu a sang zawng zelin a kal a ni si a, a tlahniam zawng leh kan mipui kuthnathawkte chanvo tihnam tur zawnga siam a ni hlah mai si hi a pawh hlein ka hria a.

Papaya chung chang kan sawi lai pawh khan agreement an sign pui tak nain bazara a let engemawzata an hralh theih avangin an lei ta lo mai a ni tih kha Minister hian min hrih a nih kha. Chutiang bawh chuan Zopar pawh hian Monopolise diklo sela sumdang an ni a, Anthurium duh zatin kan lei duh tih kha rawn chhuah ve mai rawh se, a duh in dawr mai rawh se, midang hnena an hralh turte khap suh se, hetiang chuan competition chuan thil tam tak thil fello a awm thei a ni.

Tin, Pu Speaker, he firm hian a par an lei chauh ani lova, a planting material supply nen hian an thawk tlat maia ni. Netherland atanga direct a, a planting material an rawn supply chu aman pawh atama a quality pawh a tha a. Chutih lai chuan, Indian hardening te, Indian tissue culture te, a let a tlawm an supply tlat maia. Chu chu an han chinga, a par a lo te a, anmahni ngeiin an lei tha leh duh silova. Anmahni ngei suuply kha, a par te te a, a chhe em mai an ti leh si a. Chuvangin a planting material firm pakhat kuta a lut vek te pawh hi, a him chiahlo a ni tih hi chiang hlein ka hria a. Chu chuan market problem a siama kan la tawh chho dawn chauh a ni. Hemi chungchangah hian Department hotute pawhin tha hnem an ngaia, an tui em em tih ka hria a, mipui pawh an tui em em a. Ram zimte ah sum tam tak kan laklulh theihna tur, kan ram dinchhuah na tur pawimawh tak a nih avangin, heng hi tih that a, monopolise zawnga kal tawh lo tura chinfel anih theihna turin kan Minister zahawm tak hian hma min lo lak sak zui seng ka han duh nghal bawh a ni e, ka lawm e.

S P E A K E R

: A tiam hle maia, half an hour discussion tih chu a ni na, Ni 4 lai kha kan la nei bawh si a, enge ni ? sawi vak lovin kan Minister hian

.....1150/-

sawi duh a neih sawi turin sawm mai ila, kan zo thei mai em? Aw anih leh Minister ilo sawm ve ang.

**PU H.RAMMMAWI
MINISTER**

: Pu Speaker, kan kual thui tawh khawp mai a, zawhna 163 na zawh na kha, thingfanghma a ni a. A main question kha, Thingfanghma atang

khan Anthurium ah supplementary ah kan kawi a. Pu Speaker, nichina mover zahawm tak thusawi kha explanatory note, a lehkha Assembly Secretary hnena a ziak copy kha dan angin min rawn pe a. Hetah hianin, nimin ni 23 March 2007 tih khan lehkha ah khan a awm a. 23 hi nge kan lak ang, 27 tih pawh kha (explanatory note ah khan typing mistake a awm a) ka copy ah hi chuan 23 ala ni vanga, a eng zawk hi nge? kan tih duhna maia nia. Pu Speaker, ni e tuna kan motion rawn raise tu discussion rawn pulut tu, kan member zahawmtak, Pu Lalduhawma kha, rilru chhia, destructive leh engemaw lam hawi pawh a niin ka hre lova pawh pawh niin ka hre lova. Hmanniah khan a sawi a, a receipt ah hian pawisa a awm lo a ti a. Amaherawhchu Pu Speaker, kei chuan ka hre sa a, ka hriatsa hei Pu Speaker, term hmasa Minister ka nih hma daih term hmasa khan kum 2003 October ni 7 ah khan mizo hmeichhiate hi an lo fel a, flourist ho an awm a ni. Hemite pahnih hian flower hi an prompt ta a. Mizoram hi pangpara kan hming than phah pawh hi a ni ta a. Chung zingah chuan Flourist ni lo khan grower association khan market link an zawng ta a, chutah chuan nichina kan sawi Zopar Expert Limited te nen hian kum 2003 October ni 7 ah khan agreement an signed a ni. Mizoram Anthurium Grower Association te leh Zopar an Government an tel lo, Government lam kaihnhawih an ni lova. Chutah chuan Pu Speaker, rate chi hnih a awm a ni. Chikhat chu a figure a awm vek a, chi khatah chuan percent in a kal a ni. A chhan chu a grower te hlawkna tur a nih dawn avang khan kan hriat theuh angin pick period a awm ta a ni, link period a awm ta a ni. Hmun dang khumi, tawngkam mawi lo ni suh sela vaiho inneih hun period ah te hi chuan Anthurium man hi a sang ta daih a ni. A chang chuan hniam ve deuh chang chu a awm a, chu chu a Grower ho khan uluk takin an ngaihtuah a, khami hisap khanin an hlawkna tur ngaihtuahin a percent zawnguin ti ila kan tan a hlawk ange tiin, chi khat chu a percent in an dah a ni. Chi khat chu a figure in an dah a. Chu chu kum 2003, Ministers ka nih hma daih October ni 7-ah khan a ni a. Chu chu a hnuah 2004-ah khan a rate pakhat te kha a rate tunhmaa Rs. 8/- a tih a kha a sawt a kha Rs. 10/- in an tidanglam leh a. Chu chu anmahni party pahnih inkarah a ni a.

Pu Speaker, chumi hnuah chuan kum 2004 September ni 28-ah khan an siam tha leh ta a ni, an agreement-a kha. Chuan, agreement-ah chuan Pu Speaker, chi hnih a awm ka tih kha, a chi khatah chuan X large-ah pawh hian first class leh second class a awm a ni. X large-ah hian first class chu Rs. 20/- a ni a, second class chu Rs. 14/- a ni a, a flower size erawh chu centimetre 13-15 ni tur a ni a, a stem, a kuang a kha centimetre 50-55 a ni tur a ni. Large-ah khan first class chu Rs. 18/- a ni ang a, large rau rauah khan second class

.....1151/-

leh first class a awm a ni. Hei an thliar ta a, grade-in an tihah khan large-ah khan first class chu Rs. 18/- a ni ang a, second class chu Rs. 12/- a ni ang. A size-ah chuan centimetre 11-13, a stem-ah kha 45-50 CM, medium size-ah Rs. 15/- 1st class, 2nd class Rs. 10/0 Cm. 9-13. Tin, a stem sei zawng cm 40-45 chuan smallah khan 1st class Rs.12/- 2nd Class Rs.7/- . A flower size kha 7.5. cm to 9 cm a stem sei zawng kha 35-40 cm Mini Rs.7/- 1st class, 2nd Rs.5/- . A flower size kha 3.5 cm - 7.5.cm a ni tur a ni a. Tin, a stem kha 30-35 cm. Tin, Pi an ti a, chu chu 1st class Rs.2/- 2nd class Rs.1/- 3.5 cm hnuai lam a stem erawh chu 25-30 cm, khatiang khan a rate kha an agreement ah a awm sa thlap a ni. Chuloah chuan rate dang pakhat an neih leh chu, an thawhchhuah tur kha, nichina kan sawi ang khan. A grower association in an ngaihtuah an ngaihtuah a, anmahni hlawkna tura an ngaih avangin figurea kan fix chuan kan hlawklo palh ang e, an ti a. Per cent hian dah ila, a man a up thin si a, a up hunah kan hlawk zawk ang, tiin an lo dah a. Chu chu a percent an dah chu a hralhtu khan a chan tur kha 15 % selling expense an ti a. A percent zawng kha a tituten an chang ang a, chutiang chu tuna an kal dan a ni a. Pu Speaker, an agreement copy chu hei hi a ni a, he agreement hi a hma a ka hriat avangin engkim awm vek a rate ti zelin ka sawi a, hei pawh hi ka sawisual ta em ni, ka ti a. A rate hi ka kawl sa anih avangin a rate hi a awm vek alawm. An va pek hma hian a rate kha a awmsa vek a ni. Agreement anih avangin. An huan atanga an lak khan a rate a awmsa vek a, mahse, grading an tihah khan a hriat theih ta a. Chu chu kan member zahawm tak sawichhuahna ki hi kan Anthurium grower association te, anthurium chingtute incentive awmsa tih chhiatna lam hawilo sela, a tih beidawna lam hawi lo sela, a promote na lam a fuihna lam hawi sela, Pu Speaker, anmahni pawh hetiang a House-a sawi rik anih takah chuan engpawhnise, fimkhur ula, lunghnur nan hmang lo ula, chhiat phah nan hmang lo ula, insiam that nan hmang zawk ula, in agreement pawh hi tun hmaa in tihdan te hi, hei hi a ni a. Mithiamte rawnin nangmahni insiamthat nan hmang zawk ula. Tin, in organisation tihchhiat nan hmang lo hram ula, in activate nan hmang zawk rawh u, tih kha khami hnuah pawh thurawn an hnena ka pek a ni a. Pu Speaker, nichin a tahrik chumi niah chuan Minister direction tih kha, kha kha chu anmahni pahnih inkar tur a ni a. Kein in direction kan va tih theih pawh a nilova, hei a kalphung te an lo nei a. An lo fel khawp a. Hetiang a kan hmeichhiate anthurium chingtute leh kan flourist (Pu Lalduhawma: Minister duhdan angin tih hi a bul tan nar paragraph hmasaber dear all an tia pangpar chingtu zawng zawng in a copy hi an kawl vek mai, hei hi sawifiah a tha ang).

Pu Speaker, agreement anmahni Zopar pawh kha an awm ve reng, Anthurium Growers pawh an awm ve reng. Hetiang anga House a sawirik anih takah chuan nanging pahnih hi fimkhur ula amaherawhchu Mizoram anthurium prospect a hi India rama kan hming lanna a ni ve a, India ram a thanna te, hnam anga kan hming thanna te a ni ve a. Hei hi a khawih pawilo zawngin insiam that nan hmang rawh u tiin thurawn chu ka pe a ni, chu chu an hre vek a. Pu Speaker, ni e churang chuan anmahni pawh an inen chiang ve turah kan ngai a. Mahse vawiin niah helaia kan sawi atang hian Pu Speaker kcini pawhin kan promote pui a, kan fin chhuahpui a, incentive awmsa tichhe zawng nilova a ti tha zawnga kan puih hi a ngai tak meuh a ni tih kha, arate hniam zawng hian Pu Speaker ka advise lo. A rate lampang a kha, khalam ai mah khan Mizoram Anthurium prospect India rama kan hming thanna hi a Grower te hian lung hnual nan kan hmang palh ange ka ti a.

PU R.LALZIRLIANA

: Pu Speaker, ka advise lo a ti a khawngaih taka a sawifiah mai atan. Hei hi chu an pahnih a awmlai a amah pawh a awm reng tih kha a

sawi bawk si a. Kha rate an englo lai khan Minister duh dan in ti a a hma rate aia hniam vek khan promote na lam chu a ni thei dawn em ni tih kha chu han sawifiah deuh se a va tha ve. Tin, sorkar a in rawlh lo a ti a nichinah khan hei ka lo ziak vek a, sorkar a inrawlh loh chuan amah pawh kha va kal va kallo sela tikhan a va tha nai zawk ve.

**PU H.RAMMAWI
MINISTER**

: Pu Speaker, ka kal lova, amaherawh-chu he issue a awm tak avang hian he House ah question raise anih tak avang hian kan member zahawm

tak hian a rawn sawi tum ki hi grower te benefit na tur, hamthatna tur lam hawi a tum anih avangin a tum loh lamah kha. (Pu R.Lalzirliana : Ngatinge a rate kha i va tih hniam tak tlat, anih leh han sawifiah teh khalai tak a kha).

Pu Speaker, lung hnual nan hmang lo ula nangmahni in a activate nan hmang zawk rawh u tih kha ka thu rawn a ni. Anmahni in an va decided anih chuan chu a hma pawh in Pu Speaker, Minister ka nih hma pawhin an decide a lawm le, hei le.

PU LALDUHOMA

: He lehkha hi Zopar ten a an issue a ni a a grower te hnenah a copy an pe vek a ni a. Chutah chuan Minister duh dan anga a rate hi tih hniam

angin an ziak ta si a. Mahse kan Minister khan, "ka in rawlhlo, ka hriatpuilo", a ti bawk si a. Kan Minister va in rawlh hlek silo kha, grower te moral ti down vek khawp a a rate tlak thlak duai tir tuah he sumdawng company pakhat hian a rawn puh ta a nih si chuan Privelege ah kan lak a tha dawn lawm maw ni le?

**PU H.RAMMAWI
MINISTER**

: Pu Speaker, a malin ti thei anni lova. A Grower Society an ni tawh tunah chuan, Society leh anmahni pahnih inkarah khan a ni a. Nangmahni

pahnih inkar anih avangin hei hi lunghnual nan hmanglo ula tih kha ka thurawn pek dan a ni a. Ka rilru tak tak pawh a ni a. Mizorama kan hmingthat ve na, India rama kan hmingthanna anthurium expert lam an target ve a kan grower te hian. Chutihlaia hetiang a lo awm ta hi lunghnual nan hmanglo ula, in activate nan hmang ula tih kha. Pu Speaker, kei pawh hian an agreement copy House property ah ka pe ve e.

.....1153/-

S P E A K E R : Le, duh tawk dawn ila. Engpawh nisela, kan Anthurium grower-te hamthatna atan chuan pangpar an pek zat chhinchhiah ringawt lo, a rate kha hre thei ta sela chu tun aiin an phur leh zual sawt ang a. Pangpar an va pe a, engzat nge an va pek tih chu lehkha in a lo pe chhuak a, a man zat tur kha a pawisa an pe thei lo anih pawhin a rate a kha hrih thei zel sela chu kan grower te tan thatna nasa tak a ni ang a. Chutiang kawngah chuan kan Minister leh kan Department te pawhin hma lo la thei sela, thil lawmawm tak anih ka ring. Chu chu kan sawi ve duh a ni e. Awle, Legislative business-ah kal ila. Bill 4, pahnih hi chu amendment a ni a. 2 hi original bill a ni. A hmasa ber atan Minister zahawm tak Pu H.Rammawi, The Mizoram Compulsory Registration of Marriages Bill, 2007 hi House-a introduced tawh a ni a, House ngaihtuah phalna rawn dil sela, a tha ang e.

PU H.RAMMAWI MINISTER : Pu Speaker, i phalna leh House remtihna in The Mizoram Compulsory Registration of Marriages Bill, 2007 hi House ngaihtuah phalna ka rawn dil e.

S P E A K E R : Kan remti em ? Aw, remtih chuan ngaihtuah turin rawn move nghal mai sela, a tha ang e.

PU H.RAMMAWI MINISTER : Pu Speaker, he Bill The Mizoram Compulsory Registration of Marriages Bill, 2007 hi object and reason keimahni a bill ah khan statement of object and reason tihah khan Pu Speaker, a chhan leh a tulna zawng zawng kha chu kan ziak vek a. A tlangpuiin tawite in, sawi tam vak tur pawh hi a awm lem lova. Pu Speaker, India ramah hian Inneih hi register loh a tam avangin nupa inthen leh engemaw ah hian hmeichhe dinhmun hian a tuar ta a. Chumi atanga thil kalah chuan Supreme Court-in India ram state zawng zawngah Central Sorkar pawhin inneihna reng reng hi register ni vek rawh se, chumi tur chuan state Sorkar leh Central Sorkar zawng zawng in marriage registration rules siam vek rawh se tiin order khauh deuh, India ram state zawng zawng hi pek vek kan ni a, keini hianin rules kan siam dawn ta ila a dan kan nei si lova, Pu Speaker, a dan kan neih hnaih ber a chu. "The Indian Christian Marriage Act 1872" hi adopt mai ila hei hi chuan rules siam a awl ang kan han tia, a rules lamah hi chuan kan duhdan nen a inang a, mahse a dangah hian custom leh kan religious leh social practice khawih a tam si a. India constitution article 371 zuia mizo custom-te kan social leh reigious and social practice venhimna

awmsa kha va tihbuai palh a hlauhawm bawk si a, chuvang chuan, khami tibuai lo zawngte khan a hrangin i siam mai ang tiin ruahmanna siam a ni a, Pu Speaker, hetah hian a bill hi a bik takin kan M.L.A. zahawm tak takte Pu Liansailova te, Pu Andrew Lalherliana te, opposition lama kan MLA te ho nen uluk taka kan thlir ho tawh a ni a, legal language hi chu dan hremi in hmang mai sela principle hi, hei hi a tha tawh e, kan tih a ni a. Tah hian Pu Speaker kan Law Secretary, a bik takin Mizorama kan Law Secretary kha hmanhmawh takin, tawi felte in bill hi rawn duang rawh le kan ti a, rang takin a rawn duang a, a chungah pawh vawiinah hian lawmthu ka sawi a. Tin, kan MLA zahawm tak takte he dan min thlirpuitu, min enpuitu, min duanpuitute chungah lawmthu ka sawi a. Pu Speaker, amaherawhchu, typing mistake, Pu Speaker, a awm nual mai a, phek 3-naah khan section 4-naah khan appointment of register of marriage tihah khan, a tlar 3-naah khan 'The State Government may appoint either by name or by virtue of their office any person or persons as it thinks necessary' tihah khan coma dah tur a ni a, necessary tihah chiah khan coma dah tur a ni a, dah lovin kan lo chhut hmaih a, tin, phek 4-naah khan, tlar 1-na tawpah khan 'The parties to marriage to which section 4' a tih kha section 3 tih tur a ni a, 4 kha 3 tur a ni a, chhut sual palh a lo ni, 4 kha 3 tur a ni a. Tin, phek 7-naah khan section 10-naah khan tlar 2-naah khan 'The register maintained under this Act sales at all reasonable times be opened to inspection' inspection-ah chiah khan coma dah leh tur a ni a. Chuan, Pu Speaker, phek 8-na uluk takin an ti a, Computer hrang hranga chhut hi a ni a, phek 8-na section 14-na, 1-na te naah tlar hnihnaah khan a tawpna under section 4 tih kha under section 3 tur a ni a, 4 kha 3 tur a ni a. Chuan, phek 10-na, Rules Provision-ah khan section 20-na, a pahnihna (b)-naah khan paragraph hnukung berah khan 'The forms and the manner in which memorandum under section 5 and 6 shall be file tihah khan file kha past tense tur a ni a, d belh a, coma dah tur a ni a, shall be filed tih a, coma dah tur a ni.

Tin, Pu Speaker, phek 11-na, section 21-na chung chiahah khan sub-section 3-na a awm a 'Every Rule made under the section shall be laid as soon as may be tihah khan coma an dah a, kha kha coma awm lo tur a ni a, as soon as may be after it is made as soon as may be tihah khan coma an lo dah leh lawi a, khatiangan te te kha Pu Speaker, a lo awm palh a, phek 12-na objects and reasons-ah pawh khan phek 12-na tlar 10-na, a typing mistake tak tak a ni. Marriage tih kha 'n' an belh palh a, Marriage tih a kha 'n' awm lo tur a ni a, e.g. tur a ni mai a, kha te kha kan siam tha leh mai ang a.

Tin, phek 13-na, compulsorily tih tur kha compulsory tihte ziah a awm leh a, chu te te chu Pu Speaker, typing mistake tak tak a ni a, a thu pakhatmah danglam a awm chuang lo a, kha kha kan sawilang duh a. Tin, he danin a tum ber tihchianna chu section 4, page 3-naah khan appointment of register of marriage tih hi kan harsatna ber tur a ni a. Khami turte chungchang chiah kha, kan custom en a ngai a, kan religious practice en a ngai bawk a, kan religious practice leh kan custom-te nena kan social practice mila kal a ngaih avangin 'The State Government may appoint either by name or by virtue of their office for any person or persons as things necessary' tih hian a him tawk ni hian kan hria. Keimahni MLA zawhawmtak tak ho hian kan en fo a, helai tak hianin a inkhawih pawh tura kha a khawih pawh lova, a bak kha chu a rules-ah a lo kal vek

dawn tawh a tih kha kan ngaihdan a ni a. Chuvang chuan Pu Speaker, ha sawi belh vek tur pawh awmin ka hre lova. He "The Mizoram Compulsory Registration of Marriage Bill, 2007" hi India ram pumpuia hman thuai thuai tura Supreme Court-in min kar reng angin kan hman theihna turin vawiinah he House zahawm tak hian min pass sak turin ka rawn ngen nghal a ni. Ka lawm e.

SPEAKER

: I va ngen hma ve, kan sawiho hma hma a. Nia, kan bill neitu Minister zahawm takin a dik lo lai a rawn point out-te kha patent error-ah pawm

sak mai theih chi niin a lang a, kha lo pawh kha section 10-ah khanm, the 'open' tih kha 'ed' belh tur tih kha helamah a rawn ri zauh a, khangte khan a bill tum a tidanglam lova, khangte kha patent error-ah pawm sak theih niin a lang a. A har ngang a ni ang editing hi, Bible thar pawh kha an recall deuh te kha a ni a, a har viau ni tur a ni. Tihfuh vek hi a lo har viau ni tur a ni. Le, han sawi duh kan awm em? Hun sei lutuk lo, minute 5 vel inpe ta ila. Awle, Pu Andrew Lalherliana.

PU ANDREW LALHERLIANA

: Pu Speaker, hriat angin kan Bill kha, a sawi kha a dik a. Member Opposition amite, Party hrang hrang amite, tahchuanin hei hi a Principle-a

han en pawh a hnialna tur phei chu ka hre lova. Tah hian a lo chhuah danah hian a buai tlat a, tuna correction-te nen khan. Chutihruala ka sawi duh chu, he Marriage register chungchang thua hian Kohhran hi rinaiin a serious a, ka hriatsual loh chuan tunah hian Presbyterian Kohhran phei chuan an Executive Committee-ah an lo thlir tawh a, chu chu zirchiang turin June thlaah hian report tura tih a ni a. khatah khan kan tan a objection a awm dawn loh chuan tun ami ang pawhin tihtlang mai an duh ang. Chutiang anih lai chuan, hetah hian clause by clause emaw, sawisel tur hranpa ka hre lova, chutihrua erawh chuan, kan Kohhran lian berin, khawngge kan lo enchhin rih a, a report pawh June-ah kan peihfel dawn a ni an tih lai a keini a Member-te kan nihna kawngah pawh hian tuna siamthat tur kan sawi nen hmanhmawh vut vuta pass loh anih avanga engemaw thil kalsual tur a awm baw si lova, objection lam ni lo khan Mizoram Kohhranin a en ve a ni a, chuvangin June thlaah report kan pe ang an tih si avang leh correct ngai a awm teuh baw nen, tun tum hi chu kan Minister zahawmtak khan min rawnna zawng zawng leh kan ngaihdan kan pekte pawh kha a ropui rualin tun dinhmunah hi chuan rei lote postpone rih ang u, pass loh avangin engemaw chen kan lo kal tawh a, he bill tel lo hian engemaw chen kan lokal tawh a, kan buai chuang lovang. Supreme Court chu a hmanhmawh a, chhuanlam tur tam tak a awm a, tunkum ngeiah pawh pass ni se, chiang zawka siam leh a correction ngai tawh lo bak leh, objection awm thei tur Kohhran ten an lo tih pawh, khami hunah chuan an lo zawh tawh dawn avangin ka ngaihdan leh duh dan chuan Kohhran 'sensitivity' te kan zahna ni baw siin hei hi chu, rei lote postpone

leh phawt mai teh ang u. Dam takin kan zavaiin Kohhran lian ber pawhin hei chu ni rawh se tia ngaihdan an lo neih theih pheih chuan a tha lehzuall dawnin ka hria. Chuvang chuan, khawngaihin hei hi chu Session leh hmasa berah ngaihtuah turin i chhawp chhuak mai teh ang u. Ka lawm e.

PU LIANSUAMA

: Pu Speaker, kan Presbyterian Kohhran, kan awmna hi a chemuang angreng si a, an zai kan ngaih chhung hian engang chiah nge ni

ang tihte pawh hriatthiam a har a. Engpawhnise, Khawzawl bialtu sawi kha ka pawm lo ni lovin, kan tawng ngaih loh lamah ngai lo se, Sorkarin tih tur kan nei a, Kohhran lam pawhin tih tur an nei a, an hna tul karah an zo hman lo pawh a ni ang. Chuvang chuan, he dan hi a lo tuah tawh si a, nichina Minister zahawmtakin a lo sawi ang khan, hengte pawh hi kan enhona, tin, Kohhrante pawh hi a thuphung chuanin kan Minister pawh hian a rawn tawh niawm tak a ni a. Khawtlai zel hi a bikin hmeichhe chanvo atan hian a ngaihngam tawh lova, Mizote danah pheih hi chuan engtingge kan tih kha, upain 'hmeichhia leh palchhia chu thlak theih mai' tihte a awm thin a. Chung dinhmun zawng zawng atanga venna tur chu a nih avangin a hmanhmawh thlak tawh a, duhai mahin kan tithei tlai a. Amaherawhchu, kan ngaihtlak tawh ang khan kan custom-te, kan tradition-te bawhchhe si lova inneih hrim hrim hi Hindu danin innei a ni emaw, Mosolman dana innei a ni emaw, Kristian inneih dana inneih a ni emaw, a tam ber Mizorama kan inneih dana inneite hian an in register ngei tur a ni, tih mai a ni a. Kan in register loh avang khan hmeichhiate dinhmun pwh a phet nasa em em a, chumi venna tur a nih avang chuan Kohhrante mitmei veng chung hian nghah a tul lem em ni, a fiahin a tha thawkhat bawk a, vawinah hian pass nghal a tha mai lawm ni, kan khawtlaipui leh kha engtikah nge kan Session ang pawh a sawi hleih theih lova, Minister rawtna kha ka rawn thlawp deuh a.

*Speech not corrected.

PU LALDUHOMA

: Pu Speaker, kan Minister zahawmtak hian hemi chungchanga society-a a kaihnawih chi hrang hrangte an lo kawm tawh dante leh ngaihdan an lo

en exchange tawh thute min hrih thei turah ka lo beisei a, mahse, chu lampang chu a rawn sawi rih lova. Sorkar hian a thuneihna huang chhungah thu titawp mai lovin Department tin deuhthaw maiah hian kan NGO te hi an concern lem loh thilah te thlengin an involve tir thin a. Kan bill ngaihtuah leh tur, Road Fund Bill-ah te pawh hian Y.M.A. te, MUP etc. te member-ah an dah leh a ni a. He bill hi a tha lo ka tihna ni lovin, tun tum thil hi chu Kohhranin inneih dan a lo kalpui thin dan leh Kohhran hand-book-ah te inneih, Kohhranin a pawm theih leh pawm theih loh list-te

a awm vek avangin, naktuk zan inkhawm programme ringawt pawh nimin lamah khati khawpa an ngaipawimawh a nih bawk si kha chuan, engah nge kha lehchen kan lo practice dan kha kan tidanglam dawn a nih chuan, a Bill-te pawh hi Kohhrante nen kan han zirtlan hmasak phawt loh le ? Presbyterian Kohhran chauh ka ti lo Pu Speaker, Kohhran dang zawng zawngte nen zir sela, keini pawhin a copy kan neihna a la rei lova, kan Kohhrante hian a copy an nei tawh em pawh kan la hre lova, an zir chiang tawh em ? An zir ho vek tawh a nih chuan Minister concerned khan enge an ngaihdante min han hrilh sela. Ngaihdante pawh kan siam thei ang chu. A sawi thei bawk si lova. Chuvangin, kan hriat dan chuan, Synod Executive Committee chuan an ngaihtuah tawh a, OM-ah an refer a, OM in Services Department-ah an refer leh a, chu chu June thlaah SEC-ah an la rawn put up leh dawn chauh a ni. Kohhran ngaihdan kan hre hman dawn ta lo tihna a nih chu. Hei hi a lo puitlin chuan Pastor-te pawhin a form an hmanbelh turte pawh a awm hmel a. Chuvangin, remtih tlana han en tlana han lungdam deuh dan tura han tihdanglam ngaite pawh a awm thei a, an lo pawm viau thei tho bawk a, sawiho phawt a tha hrim hrim a ni.

Lehlamah chuan special provision nei State kan ni a, kan customary law-te Article 271(G) in min protect sak vek a, tuna kan inneih dan hi kan custom a ni tehmeuh a, legalise-a kan hmeichhiate right-te pawh venhim sak theih dan kawngte pawh awm ve awm tak a ni a. Mahse, Supreme Court-in uniform taka min hrutruah a tumna ruala ke kan lo pen ve te pawh a sualna phei chu ka hre lova. A mover khan a hmanhmawh thlakna lam kha a sawilang miah bawk si lova. Hmanhmawh thlak a nih chuan inrawn ngaite inrawn zawhah ordinance pawhin tih theih a ni a. Khang ang kan society-a organisation lianpui pui leh pawimawhte kha rawn hmasa phawt ila, annin tha an lo ti tlang a nih chuan keini chuan tha kan ti a ni mai. An mitmei kan veng a ni mai a, ordinance pawh rawn ti sela, harsatna kan lo siam miah lovang. Session kher a ngai lo, mahse, a hmanhmawh thlakna inhrilhfiah a awm bawk si lova, objects and reasons-ah pawh tarlan a ni si lova. Chuvangin, kan la nghak thei lawm ni ? A tha lo kan tihna lam ni lovin, typing mistake-te pawh a tam deuh bawk a, a tul a nih chuan ordinance-in ti mai ila, harsatna a awm ka ring lo. Kohhran ngaihdan lak phawt a thain ka hria.

**PU ZORAMTHANGA
CHIEF MINISTER**

: Speaker, keini chu tuna kan custom pangai ang hian hei chen kan kal a, kan kal dawr dawr thei zel a. Harsatna lian lutuk phei chu kan nei lova. Mahse, duhthu a sam lo em

em a, kan innei hi hotea ka ma che tia zo ta mai kha a nih avangin hmeichhiate tan hian a nghahhlehawm a, mipa lam nih chuan kan chan kha a tha em em a, tlai deuh se a pawl lem lo thei a. Mahse, han mak tur emaw, a tuar turte kha kan fanute, kan tunu te la ni ve thei vek an nih avangin kha lam kha ngaihpawimawh sak pawh a ngaihna a ni a. Chutih lain Supreme Court leh Sorkarpui lam thuneitu ten min rawn nawr chak tawh si a, keini pawh kan hmanhmawh khawp mai a. Chuvangin han ti chuk chuk pawh kan ni a. Kan Member-ten Kohhrante pawh

khan an duh angte pawh rawn sawi sela mawle, an ti a, a dik em em mai a. Kohhran hrang hrangte pawhin rawn sawi sela a that tehlu nen, amaherawhchu, kan ngaipawimawh lo lam ni lovin, khulam nawrna a nasa si a, kan buai em em a. Chuvangin, helaia dan siam pawh Kohhrante a subuai lo thei ang berin inneihna chu register vek tur a ni a, a inneite inneih tir theitu chu Sorkarin mimal phalna a pe ang tih kha a ni deuh mai a, a tlangpui chu. Kan Pastor-te an ni emaw ti khan phalna pek tur zingah khan tuna kan practised-ah chuan a kal mai ang tih a hriat a ni. Chuvangin a mawl mang em em mai a, khulamin min nawr si a, pass phawt mai ila, MHIP a ni emaw, a dangten hei a tha dawn love tih an neih phawt chuan kha kha kan thlak leh mai ang a. Dan kan neih hmasak loh chuan an nawrna a nasa tawh si a, kan neih hmasak hian khulamah pawh kan nei ta e, kan tih ve theih hma kha a tul baw si a. Chuvangin a harmless thei ang ber leh awlsam thei ang bera duan a ni. Kohhran ten thlak ngai an tih chuan kan thlak leh mai ang.

*Speech not corrected.

PU ANDREW LALHERLIANA : Pu Speaker, Special Provision inrawn hawn a, India Constitution-ah eng ang pawh lo chuang mahse heng Mizo nunphung chu Mizoram Assembly-in a pawmpui loh chuan a thawk lovang tih khawp inrawn kenah hian a nihna takah chuan Supreme Court inrawlh theihna a dang a ni. Mahse, khulampang hlau ber in ni reng hi chu a buaithlak a ni.

PU ZORAMTHANGA CHIEF MINISTER : Pu Speaker, Supreme Court-in in tur a ni an tih tlat chuan lo do vek a kha chu a rem bik hauh lova. Helaiah chuan chu chu kan ngaihdan a ni a. Tin, tuna kan sawi ang khan kan in neih dan pawh marriage leh kan Custom pawh a khawih danglam hauh lovang, an inneihna kan neih ang ang a piang a kha register tur a ni tih hi a ni mai a. Chuvangin hetiang zawngin an innei tur a ni tih pawh a ni chuang lova. Kohhran danin an innei tur a ni tih pawh a ni, an in nei lo tur a ni tih lam pawh a ni lova, innei tur chu register tur a ni e. Chuti lo chu a fel love tih a kha India ramin an hmang vek tur a ni a tih avang khan kan lo ti mai a ni a. India Sorkarin a siam chu kan tih makmawh ve a ni a, hmanhmawh pawh kan hmanhmawh ve a ni. Kohhran a ni emaw Pawl a ni emaw made rule hi a that loh lai a awm e intih hi i ti tha ang u in ti anih chuan kan ti tha leh mai ang a. Amaherawhchu, neih phawt a ngaih avang hian a dan (Amendment) hi chu a har tawh love, a tir a han duan phawt hi a tha e tiin hei hi chu pass phawt ila kan mamawhna hian min ur ve tawh anih hi tih kha kan rawt a ni e.

* Speech not corrected.

PU S. HIATO

: Pu Speaker, min chhan nghal atan Pu Speaker, marriage registration-ah hian innei thar te ni 30 chhungin an in register tur a ni tih a ni a. Hamthatna tur a ni kan ti a ni. Keini nupui nei tawh zawng zawng hi engtingge kan tih ang ? Khatah khan a inkhung ve em tih ka zawt duh a ni.

S P E A K E R

: A ni tak e ti rawh. Keini nei tawhsa te hi. Le han wind-up a Kohhran te nen han sawi hona te in nei em ? Neih chuan min hrilh fiah tih te pawh kha a awm a, khang zawng zawng te nen khan sawi turin Minister ilo sawm ang.

**PU H. RAMMAWI
MINISTER**

: Pu Speaker ni e, NGO lam pawh kha rawn theih theih kan rawn a. MHIP lamte erawh kha chu anmahni kan rawn avangin final lamah kan rawn tawh lova a kal tho avangin. Tin, Kohhran hruaitute 'The Christian Marriage Act' hi 1872 hi adopt mai ila a rules atangin kan hmu thei ang em ? Kan Synod hotute lam pawh kan rawn a. India Christian Marriage Act, 1872 hi adopt ta ila a rules-ah hian kan him thei ang e, an ti a. Keini lamin kan han tih khan kan Custom thil a khawih theih avangin in neih dan hi a nek nawk avangin hetiang hi ti phawt mai ang kan ti a. Kan tih tur thlur hi Mizoram Kohhran Committee pawh kan hrilh tawh a hetiang hi a ni a. Mahse organisation lam pakhatmah a khawih dawn lova, belhchhah tur erawh chu innei ve ang a kan ti a. Kan Minister zahawm tak Dr Lalzama nen Mizoram Kohhran hruaitu Committee kan hmuhnaah pawh he thil hi kan sawipui leh nghe nghe tawh a. Hetiang hi Sorkar tum dan a ni e tih in lo hre ve dawn nia tih kha kan hrilh hlawm a, permission lam nilovin. Amaherawhchu, a buaipuitu berte kha chuan a hma nikum lamah khan Indian Christian Marriage Act, Rules provision hmang pawh hian a tha thei ang e tih thleng khan an lo zir tawh a. Kha ai khan tuna kan rawn duan chhoh hi a awl a, a fel thlapzawk a tih kha kan sawi duh a.

Pu Speaker, hei nawrna hi a sang ang reng khawp mai a. Nikum 14.2.2006 a Supreme Court thuchhuakah phei chuan thla 3 chhungin tih vek tur an rawn ti tawh mai a. Keini lam kha kan tang ve tang tang a, kan custom-a khawih avangin, englai pawhin kan Chief Secretary hi koh theih reng a ni. Amaherawhchu a Act kan pass hi chuan a save ve deuh ang a, a rules kha kan han siam zui ve leh ang a, an ni duhdanah phei chuan a rules hi rang takin siam rawh u, thla 3 chhungin an ti tawh mai a. Kan Chief Secretary hi Sorkar head a nih avangin koh theih reng hian a awm tawh nghe nghe a ni. Amaherawhchu, khami article 371(g) te kha kan tlawhchhan avangin Act hran emaw kan duan loh chuan kan ti a. Tunah hian a Act kan pass hi chuan a rules hi kan duang chho leh nghal ang a, a rules zawnah tak hian NGO leh kan Kohhran hruaitute nen, anmahni pawh

kan hrilh tawh a, an ni nen uluk takin a rules hi chu kan siam a ngai dawn a ni tih kha ka'n sawi duh a. Chuvang chuan, thil han tih hian tihsual, typing mistake-te kha chu he House hian min hrethiam hram sela, hun a danglam zel a, kan hnam hian a mamawh tawh a, kan hmeichhiate dinhmun hi venhim ve hi a ngai tawh hrim hrim a. India khua leh tui kan nih chuan Sorkar kalphungte pawh kan zui ve a ngai a, India khua leh tui inenkawlina ang ang kha zui ve a ngai a, India rama Court lampanga rorelna lam ni lo, Court lama thuneihna sangber Supreme Court thu phei chu Central Sorkar zawng zawng pawhin an zawm a, State-te pawhin kan zawm a ngaih avangin leh keimahnin hun a danglam tawh a, kan mamawh hrim hrim avangin kan MHIP te pawh hian hei hi an buaipuina a rei tawh a. Khatiang ang kha kil tin atangin a awm ve tawh a ni. Chuvang chuan, he Bill hi he House zahawm tak hian min pass sak turin ka rawn ngen a ni.

SPEAKER

: Awle, rawtna dang chu a awm na a, a Bill neituin pass a rawn dil miau mai a. Chuvang chuan kan buk ang a. He Bill, "The Mizoram Compulsory Registration of Marriages

Bill, 2007" hi pass remti apiangin "Remti" tiru le. Remti lo kan awm chuan "Remti lo" ti rawh u le. Remti lam kha an tam deuhin ka hria, banphar kher ngai lovin remti lo lam kha an chak lo deuhah ngai mai ang aw.

Awle, clause 3-21, main body of the bill hi House-in a passed a ni. Hei hi bill-a tel a ni. Chuan clause I-short title, clause II-Definition, Preamble leh Enacting Formula te hi pass remti apiangin remti ti rawh u le, remti lo kan awm chuan remti lo ti rawh u le, remti lo lam kha an tlem deuhin ka hria a, chuvang chuan, remti lam kha an chak deuh niin ka hria. Chuvang chuan, clause I-short title, clause II-Definition, Preamble leh Enacting Formula te hi House-in lungruual takin a passed lova, House-in a passed a ni. Hei hi bill-a tel a ni. tunah chuan a bill pumpui "The Mizoram Compulsory Registration of Marrages Bill, 2007" hi pass remti apiangin remti ti rawh u le, remti lo kan awm chuan remti lo ti ru le. A hma ang bawk khan remti lo lam an tlem deuhin ka hria a, chuvang chuan, "The Mizoram Compulsolry of Marriages Bill, 2007" hi House-in a passed a ni. Awle, tunah chuan kan chawl tawh rih ang a, chawhnu dar 2:00 ah kan thukhawm leh dawn nia.

Sitting adjourned : 1:00 PM.

.....1161/-

Afternoon 2:00 PM

S P E A K E R : Kan rorel kan chhonzawm ang a, Bill pathum lai kan la nei a, kan rei deuh dawn chuan Bill neitute hianin tlailam riltam turte min ngaihsak turah ngai ila. Tunah chuan Minister zahawmtak Dr. Lalzama "The Mizoram Liquor Total Prohibition (Amendment) Bill, 2007" a copy rawn sem tawh a ni a, he bill hi House-ah ngaihtuah phalna han dil sela ilo sawm ang.

**Dr. LALZAMA
MINISTER** : Pu Speaker, i phalna-in "The Mizoram Liquor Total Prohibition (Amendment) Bill, 2007" hi House zahawmtakah hian ka rawn introduced tawh a, tichuan tunah hian he bill hi min ngaihtuahsak turin House ka rawn dil e.

S P E A K E R : Kan remtihsak thei mai em? Kan remti a, ngaihtuah turin rawn move sela ilo sawm leh ang.

**Dr. LALZAMA
MINISTER** : Pu Speaker, kan hriat angin Mizoram-ah hian Permanent Farming hi hunrei tak atangin . ngaihtuah a ni tawh a, ram changkang zawkte pawhin chutiang chuan an lo ngaihtuah tawh thin a ni a. Mizorama kuthnathawktu ten an thawhrim rah an seng theih dan tur hi Mizoram serkar pawh hian a lo ngaihtuah reng tawh thin a. Tlhai chin tur thenkhat te Oil Palm te leh a dangte pawh a hralhna tur market te zawngin tlhai dang te pawh a market a buaipui mek zel a. Hetihlai hian Mizoram khawchhak tlangdung ah leh a chhehvel khua-ahthe kuthnathawktu ten engemaw chen atang khan Grape te an lo ching uar viau

tawh a, 1300 hectare vela zauah hian an lo ching tawh nia hriat a ni a. Tichuan, 637 metric tonnes kumtin hian tharchhuak tawh ni a sawi a ni a. Tichuan anmahni kutkawihin an ching a, tunhnai lawk atangin Horticulture Department chuan tanpuina a pe ve chauh a ni a. Grape hian kan ram leilung hi a ngeih avangin khawchhak tlangdung kher lo pawh hi a that viau beisei a ni a. Tichuan, Mizoram hmun hrang hrangah te an ching darh nasa hle tawh a hriat a ni.

Tichuan, Champai leh a chhehvela Grape chingtute hian anmahni thiam dan danin Grape an sawngbawl a, an sawngbawl dan hian duhthu te a sam lo em em mai a. A Juice an lakchhuah dan that tawkhlo dan te sawi a ni a. Pakhatna-ah chuan sintex burah Grape tamtawk dah in an up tawih a, a tui kha vawikhat lak chhuah hnu-ah a dan pangngai bawkin vawihnih vawithum te an up tawih leh thin a. Hetianga grape tui siam hi mihring hrisel nan a thalo tih hmuhchhuah a ni a. A chhan chu, he sintex hi grape tui thur hian a ei khawk a, chu chu grape tui nena inchawhpawlh a, hei hi hriselna atan a that loh avangin Mizoram Doctor te pawhin control turin Sorkar an advised tawh a ni. A siam dan hi a mawlmangin a raw deuh hlek a, thlitfim that tawkh loh anih avangin Kal tan te pawh a tha lova. Tin, chini nena chawhpawlh a nih avang hianin acid kha a tam ta lutuk a, pumpui ulcer te pawh a siam duh tih hriatchhuah a ni.

Tin, khawvel awm chhunga thlai hrisel leh man to ni reng tur grape leh apple te hi a sawngbawl dan kan thiam loh avangin thil tha lovah kan ramah hian kan chhuah mai ang tih a hlauhawm hle a. Chuvangin, Mizoram thlai tharchhuah ngei, hlawk bawkh si, kuthnathawktu tena chhungkaw chawmnan leh hlawkpui nana an chhawr theihna turin engtingge kan sawngbawl ang tih kha ngaihtuah ngun pawh a ngai khawp a ni. Kan grape tharchhuahte hi kan process a, kan regulate vat a tul a, chutilo chuan Zofate tan thil pawh a thleng thei dawn a ni.

Tin, process a, regulate tur chuan processing unit din a lo ngai a, market kan ngaihtuah zui a tul bawkh ang. Processing Unit din tur chuan licensing permit pek a ngai a, license neilo chuan processing unit hi a din thei lo a ni. Tin, processing unit din tura license pe tur chuan MLTP Act hi siamthat hlek a lo ngai ta a, a siamthat dan tur chu MLTP Act atangin grape hi telh loh mai kha a tul ta a. Tichuan, Excise Department a Consultative Committee pawh kha rawn niin, sawiho a ni tawh a. Tahhian, ni 7.6.2005 khan kuthnathawktute harsatna hi sukiang tur hian MLTP Act hi siamthat mai hi a tha anih hi ti a rel pawh a lo ni a. Chuvang chuan, hei hi kan rawn rawt a ni a, Zoram Farmer te hian huante siam a, hawpkhawp kan thar a, hetianga zim zawk atangte pawh a permanent farming te nei a khatianga hlawk tak leh mumal taka hengte hi kan enkawl chhoh a, kan regulate a, kan kalpui a ngai a ni tih kha ngaihtuahna-ah a awm ta a ni.

Tin, pakhat leh-ah chuan - hei MLTP Act atanga grape kan tharchhuah anih pawhin kan process hunah a alcohol content zat tur thu-ah nguntaka inrawn tlan hi a la tul leh dawn a, ruihtheih thil atana hman tur ni lovin, food item anga chhiar theih tura a alcohol content tam lova siam hi a tul a. Kan process dawn anih chuan a siamna hmun leh a siam dan pawh sorkar control-na hnuaia dah in, grape thar chhuaktuten an duh ang anga an sawngbawl theihloh nan uluktaka ven a, enkawl tur a ni dawn a ni. A siamna hmanrua pawh ramdanga an tih angin mihring hriselna in a tuar loh zawnga changkang zawk leh thianghlim taka buatsaih tur a ni dawn a ni.

Tin, hei Hnahlan khua leh a chhehvela an chin mek hi Bangalore Blue Variety an ti a, a hlang a ei chuan a thur a, process ngai chi a ni a. Hetiang anih avang hian a chingtute pawhin an mahni thiam ang angin sintex burah chini nen an um a, a tuite an hralhin hlawkna te pawh engemaw chen an tel ve a. Mahse sawitawh ang khan, hei hian hriselna lam pawh khawih thei a ni a. Pu JV Mohan Rao Show Wallet Company-a kum 35 lai experience lo nei tawh leh tuna Heritage Winery Bangalore ami neitu in Hnahlan leh a chhehvel a rawn endikna-a a report pek dan chu tiang hi a ni a, hengte pawh hi han hria ila a tha awm e : “Hnahlan grape hi sacramental wine atan duhthusam a ni a, plastic bur sintex- a um hi hriselna atan a thatloh avangin stainless steel hman a tha. Tuna um danah hian venegar a insiam nasat avangin pumpui lawng a thlen thei a, thlitfim loh anih avangin kal natna pawh a siam thei a ni. Hnahlan leh a chhehvela grape thar chhuahte process theih tawh tura a winery te deuh siam nise, state pawn lama thawh chhuah loh pawhin central sorkarin food item-a a lo pawm tawh angin Mizo mipuitena wine tha leh thianghlim zawk an nei thei ang” tih a ni a. Chutiang chu anih avangin kuthnathawktu tena hmun tamtakah an lo chin tawh anih avangin kan regulate a, hetiang kan siam law law hi a tha e, tih kha a ni a. Chuvangin, kuthnathawktute hmakhua ngaiin hetiang hianin amend hlek ila a tha ang e, tih ngaihtuahna a awm ta a ni.

Tichuan, hei a bill copy kha in hmu theuhin ka ring a, a Principal Act Sec-2 sub (1) clause (j) ah khan hetiang hian dahbelh a ni dawn a. Grape chu vitis vinifera thei tihna a ni. Guava kawltthei chu Psidium Gujava a ni tih te a ni a. Tahhian belh tur chu Principal Act Sec- 2 sub section (1)-ah hian hetiang hian belh a ni a. Sorkar phalna nei a grape leh kawltthei atanga wine siam chhuah sorkarin a bituk chin alcohol pai chu a huam lovang tih kha kan han belh ta a ni. Khalai taka kha han belh pawimawh chu a ni a.

Tin, chubakah chuan Principal Act Sec 2 sub section (1) clause (q) bakah heng hi belh a ni a. Wine tih chu grape um tui emaw, kawlthei um tui emaw tih khan han belh leh ta a ni. Tichuan, a dangah han kai leh ila, section 13-na ah khan Principal Act section 13-na hnuaiah tiang hian belh a ni a. Alcohol content anih dan tur bik aia tama wine siam emaw siam tum emaw kha kha a hma-a thu nen khai a lo inzawm rem tawh avangin kha kha phalloh a ni tihna ang a ni a. Tin, chubakah chuan section 26-na dawtah section dang dahbelhin section 26 (a) tiin section 26-na sawi ang leh sorkar remtihna la hmasa in Commissioner of Excise & Narcotic emaw, anin thuneihna a pek Officer te chuan heng a hnuaia license te hi a pe thei ang tihna a lo ni leh ta a, chu chu wine siam whole sale leh retail a zawrh state chhung leh pawna wine thawhchhuah leh kenkualte a ni a. Tin, Principal Act, section 26 (a) dawtah khan hetiang hian 26 (b) angin dah a ni leh a, Principal Act, section 7 in a tarlan loh heng wine siam, kawli, hralh te, thawnchhuahte, lakluh te, kenkual te chungchang chu sorkarin Excise Act, 1973 Mizoram Act No 7 of 1974 hman tura atih ni atanga hman tur kha ani ve ang tih a ni a. Hei hi 1973 Excise Act han tih hi October Ni 10, 1984 atanga Mizorama hman kha a ni tawh a, hei hi sawmi kan District Council Area-ah te hman mek ani a. Tin, Principal Act Section 70 sub section 2 clause 'C' dawtah khan clause thar khatianga belh leh te a lo ni ang a, wine siam, kawli emaw, hralh emaw, phurhsawn te, in emaw, license pek emaw, tihtawp emaw, renew emaw chungchang a kalphung leh tihdan tur bithliah, siam dan bithliah siam a ni ang tih kha helaiiah hian an awmve leh ani. Chutiang chuan he House zahawmtak hian min ngaihtuhsak a, min remtih sak turin ka rawn thlen a ni e, ka lawm e.

S P E A K E R

: Tikhan a bill neitu Minister zahawmtakin a rawn move ta a, kan sawiho ang a, hun hi engchen nge kan inpek ang?, Minute nga vel kha a tawk leh em? Aw, tawk mai rawh se aw, tunge sawi ang le.

PU ANDREW LALHERLIANA :

Pu Speaker, ka lawm e. Hei 'The Mizoram Liquor Total Prohibition (Amendment) Bill, 2007' hi engemaw helai hmuna ruihtheih thil khapna dan tidal zawng anga kan en
...1165/-

anah chuan engemaw zawng takin ngaihdan thalo tak takte pawh neih theihin ka ring a. Amaherawhchu, kan Minister zahawmtakin a rawn sawidan te kan ngaithla a, chiangkhang takin. Hei, Mizoram-a kan kuthnathawktute, grape chingtute, a biktakin Hnahlan tlangdung ami te leh khitiang hmun a mi te, khingte tana eizawna tling khawp a an grape tharte an zawrh theih dawn avang leh heti khawpa mirethei zawk ten eizawna puitling an nei thei dawn te han ngaituah hian engemaw hemi-a tlem amendment atanga thalo deuhthe pawh a lo awm thei a, kha kha chu a tha famkim turah chuan ngailo pawh ni ila hei hi kuthnathawktute dinhmun han ngaituah hian a tul tlat hian keini kan Legislative Party chuan kan ngai a. Kan hotupa ngei pawhin he House-ah hian a sawichhuak tawh a, kuthnathawktute hamthatna tur leh eizawna ngelnghet an neihna tur thil anih miao si avangin hei hi a thalo laite lo awmthei te pawh hi nakinah la siamthat zawk zel dan turte pawh la awm turah ngai ta ila, hemi alo ngaituah chhuahna leh hetiang zawnga an thiltum han ngaituah hian thil tha anih miao avangin support mai kan duh a ni, keini chuan. Chuvang chuan, helaiah hian ZNP aiawh ve-a he rorelna ka awm na-ah chuan kan Party ngaihdan chuan support tha in kan hria a, kan support ang a, nakina a hmandanah felhlel lo awm ta se thil thalo a lo awm leh siamthat a ngai anih pawhin siamthat theih turah kan ngai a, roreltu te awm zeltur an nih avangin, chuvangin Pu Speaker, sawi thui lo mai ang, a chung hi ka lut lo mai ang, kan support a ni e tih kha ka sawi duh a ni, ka lawm e.

PU H. LIANSAILOVA

: Pu Speaker, ka lawm e. Vawiina kan bill ngaituah mek hi engemaw hetiang tumna a awm laiin kan sorkar hotute a changtu Minister leh Horticulture Minister pawh hian thu zaizap takin Consultative

Committee ah leh a baka inrawn khawmna te pawh sawipui tur awma an ngaihte sawipui a, tin keipawh Consultative Committee ah ka tel a, a sawihona-ah pawh. Tin, party aiawh a min sawmna-ah pawh hotute remchanloh vangin ka tel bawka a, dan kan pass hi a tulna avanga tih leh kan ram tana tha tura ngaih anih avanga tih ani tih kan hotuten an hriatthiampui a. Tin, hemi a dan pass chungchangah hian ngaihdan hlawm kan hotuten an neih chu vawiinah han sawichhuah leh tha in ka hria a. Kan loneitute hamthatna tur leh an thlai thar emaw, a market chungchanga harsatna an neih hi chu tupawh sorkar sela insenso ngai anih pawhin sorkar hi chuan mawh a phur tur ani tih hi kan ngaihdan a ni a. Sum leh budget lama anmahni tana remchanna siamsak tur pawhin. Tin, hemi MLTP Act Amendment Bill chungchangah hian sorkara kan lo awmlai khan he Bill a Act hi kan ram mamawh nia hria in kohhran leh NGO ten

...1166/-

nasataka a mamawhna hi an sawi leh an nawr avangin a introduced tu-ah kan lo tang tawh a. Tin, tuna Amendment awm leh pawh hi loneitute mamawhna kan en rualin heng Kohhrante, NGO te tunah phei chuan theihtawpa ruihhlo-a kan harsatna sukiang tura sorkar te, YMA te, pawl hrang hrang pawhin tan la annih avangin anni bawk hian ngaihdan nei sela tih hi kan ngaihdan a ni a. Chu chu kan inrawn khawmna-ah pawh kan hotute hnenah pawh ka mimal ngaihdan deuh te nen kan thurawn anih rualin chutiang chu kan hotute ngaihdan a ni reng a, a hnu-ah kan sawihona-ah pawh hei hi kan ngaihdan la kal zel a ni e, an ti a. Chutiang chuan vawiinnia kan ngaihthlak tak ang khanin, kan sorkar hianin kohhran hruaitu hrang hrangte lo sawipuiin, Central YMA leh a rawn theih awm te pawh rawn in, helai hi kan ram mamawh atanah a tul a ni e, tia an lo pawmpui ang hi an han sawi kha a tha kan ti a. Chuvang chuan, he bill ah hianin tuna ka sawi ang khanin NGO te, kohhran ho te rawn a, anmahni remtih puina-a he dan siamthat hi rawn kalpui annih hriattir anih takah hianin keini pawhin tha kan ti tlang niin ka hria a, pass mai tha kan ti ve a, chu chu ka sawi duh a.

Tin, grape thu-ah hian helaia statement of object and reason ah hian grape vities lugrusca tih kha a ni a. Kan Act-ah zawk chuan a grape kha a rawn sawi dan hi veties venifera tih kha a ni leh a. Khalai kha a technical deuha engnge ni tihsual palh nge ni a, ani tur reng ka hre lova. Kha kha hriatloh ka rawn tarlang zawk mah mah a ni, engngeni a inmillo ta kha tih thilah lo kha chuan sawitur ka nei lova.

A tawpna atana ka sawi duh chu kan fimkhur a ngai hle in ka ring a. A manufacturing factory te han siam ila, a bottle ruak kha a thalo zawnga, sawilang rawt mai ila Burma grape tui thunna atana hman theih remchang a awm hlauh chuan thil tha tak kan kalpui tur hian min vawchhe thei dawn a. Chuvang chuan, helaia a control na-a regulation han tihah hian kan hotuten rilru-ah lo neiin, uluk takin helai thilah pawh hian ngaihtuahna lo hmang zui sela tha hle in ka hria a, kan sawi ang khan anih ang hian tha tura kan ngaih leh NGO te, kohhran te pawhin min lo pawmpui theih thil anih chuan keini pawhin tha kan ti tlang niin ka hria a, chu chu ka rawn dipui a ni e, ka lawm e.

PU K. VANLALAUVA

:

Pu Speaker, kan amendment hi a pawimawh viau mai a, ka'n sawi duh lai chu a bill pumpui hi Total Prohibition Bill/Act kha a vaiin a tha ka la ti reng a, hemi siamrem na-

...1167/-

a section 2-na sub section 1-na section 3-na a sorkar phalna neia grape leh kawlthei a tanga wine siam chhuah alcohol a pai theih zat sorkarin a bituk chin aia tam chu a huam lovang tih hi sorkarin a vawn that hle a ngaiin ka ring a. Chini an telh tam dan a zir te leh an up rei dan a zir khan alcohol kha siam chhuak tam in an siam chhuak tlem dawn a ni tih kan hria a. Kha control na kha sorkarin uluk taka a en loh chuan a lo phal tam lutuk chuanin harsatna kan tawk thei ang tih a rin theih sa a. Tin, section 13-na a alcohol content anih dan tur bituk aia tama wine siam emaw, siam hnu pawh a huam lovang tih te a awm a, kha kha a him tawk viau in ka hria a. He dan lo chhuahna chhan hi kan ram thang zelah leh kuthnathawktute hnathawh lo hlawk chho zel chungchang thu kan ngaihtuah in, grape te, kawlthei-ah te, thil dangah te pawh a niang, heng atanga wine siam theihna kan han nei chho ta te hi a tha hle in a chhenfakawm hle a. Chuvangin, kuthnathawktute pual liau liau a siam a ni hianin a ti hlu zual a. Sawisel tur zawnga ngaihtuahna hmang lovin, kan ram mipuite pawh hian a lo tul hle tawh tak a nih hi kan dan hmasa-ah hi chuan khang zawng zawng kha min khap fai vek si a. Engang pawhin kuthna thawk ilangin harsatna kan tawk tho tho dawn si a tih hi kan sawidan kha a ni a. He dan amendment ah hian khang zawng zawng kha rawn hawngin kuthnathawktute tana malsawmna intanna tur anih avangin he dan hi tha ka tiin ka rawn thlawp thu ka tarlang ve a ni e, ka lawm e.

PU LALHMINGTHANGA

: Pu Speaker, vawiin-a kan Minister zahawmtak bill rawn putluh hi pass kan ram in a mamawh viau ani tih hi kei ka thlir dan a ni a. Hnahlan area-ah khian

kum thum kalta velah khan keipawh ka han kal a, Mualcheng-ah te, Lungphunlian-ah te kan han kal a, an thawk nasa in grape khi an thar nasa khawp mai a. Amaherawhchu, an tumdan te han en khan a scientific lo em em a, sintex bur-ah sum hmun pawnlam/chhunglam-ah te an hung a, tin lenna apiangah a nei kha chuanin pawk takin min rawn chhawp a. Chutiang ang chuanin nasa takin huan an siam bakah an mahni thiam ang tawk kha chuanin hemi Total Prohibition Act bawhchhe lo tura inngai khan thil kha an ti chho a ni a, a chingtute dinhmun tak han en kha chuanin an khawngaihthlak em em mai a. Khatiang anga mumal zawka scientific deuh hleka anmahni kuthnathawktute pawn chhungkaw eizawmna ngelnghet an neih theihna tur atana buatsaih sakna tur kha a awm ngawih ngawih mai a ni, a hmun a han hmuh chuan. Chutihlai chuan kan Total Prohibition Act neih hi a khauh ang

reng a, hetia amendment te kan siam anih loh hi chuan, chuvangin anni tan pawha an kuthnathawh hah leh an thawhrim rah han seng kha thil harsa tak a ni tih a hmuna han hmuh chuan a chiang a. Tunah kan sorkar ten hma an rawn la a, zautakin kohhran lam leh NGO te pawh han rawnin, tiang anga bill an rawn pulut ta hi hetah hian engmah han object na tur awmin kei chuan ka hre lova. Mahse fimkhurna lai tur deuh hlek erawhchu hemi hmingpu si hian a ramri piahlam deuh hlekah hian engemaw thil a awm ang tih lai erawh kha chu hetia han ngaihtuah mai pawh hian a zuk ngaihtuah thlen theih a. Mithiam ten an sawi danin alcoholic material hi fermentation a awm tawhna plant ah chuan a mahin a generate ve tho mai in an sawi a. Balhla te pawh lo nita sela, kawlthei leh grape chauh pawh ni chuanglo khan thil thlum reng reng fu te pawh a ni ang a. Tin, kan chaw rice te ngei pawh a ni a, khatiang ang thlum tamna chi ho reng reng chu dahkhawm a han tih chuan chawl hi a hranpa-a phulloh pawhin amah leh amah kha a in generate nasa viau ni khan an sawi a. Tahchuan, a control-na turin alcoholic content percentage awmzat tura te pawh a Acts hianin hetah a Principal Act rinchhan khan a rawn siam tho mai a. Chuvang chuan, himtawk turah ngai ta ila, mahse heng manufacturing units te kan han siam hnu-ah hi chuan sorkar pawhin a para-meter kha thataka vawn nih theihna turin regulation erawh chu a ngai ang tih kha a rin theih a. Tichuan he Act kan Minister in a rawn putluh hi pass a tha in ka hria a. Chu chu ka'n dinpui ve a ni e, ka lawm e.

S P E A K E R

: I duhtawk mai dawn ang u, in hnial kan awmlu em mai. Awle, Minister khan han wind-up sela, pass han dil mai sela, a tha mai lo maw? Minister ilo sawm ang.

**Dr. LALZAMA
MINISTER**

: Pu Speaker, ka lawm e. Kan hriat theuh angin kuthnathawktute hamthatna tur tak tak hi a ni a. Thil pawimawh tak a ni a, a biktakin Hnahlan-ah te phei chuan thalai te pawh phur em em in an inel a ni a.

Chuvangin, unemployment problem te pawh hi solve na thatak mai a ni thei dawn pawhin a lang a. Tichuan, hmalak zelna tura mitamtak lo tim te pawh a ti tim lo ang a, khatiang kha a ni a. Tin, chubakah sacramental wine te pawhin lei theih tur atan siam pawh a ni ang a. Kan ngaihthlak tak ang khan fimkhur erawhchu a tul khawp a, chutiang chuan fimkhur takin alcohol content percentage turte pawh siam a, hemi sacramental wine a pawilo tur chin leh kohhran hrang hrangte pawhin an hman theihna tur kha a lo ni ang a. Chutiang te pawh chu rilru-ah a awm a ni. Chuvangin, Mizoram chhungah ngei pawh hian pawisa, sum leh pai mipui tan a len vel phah dawn a. Tin, mi tamtak ina uar taka an lo chin theih nan zalen taka khatiang a regulate fel tak anih kha eizawn nan kan hmang thei dawn a ni. Chuvang chuan, kan ramah kan ei leh bar dinhmun pawh min chawikang theitu tur a ni dawnin a lang a. Tin, hei central atang te pawhin tanpuina leh Agriculture Department te pawh ina an han beih velna-ah te pawh hian kan ammend loh chuan an rawn ti thei tawh lo tihte a ni a. Chuvang chuan, kha kha ammend a pawimawh em em a ni. Nichina Member zahawmtak Pu Liansailova rawn sawi kha, vitis-viniera tih kha vitishubrasta tih kha ni sela, a ni zawk awmin alang e. Engpawhnise, a botanical name dik kha chu nakinah pawh kan la siamtha leh maithei turah ngai ilangin, tichuan Pu Speaker, he ammendment bill hi he House hianin min pass sak turin ka'n ngen a ni e, ka lawm e.

S P E A K E R

: Awle, bill neitu zahawmtakin a bill chu pass a rawn dil ta a. Chuan, kan remti deuh vek pawh niin a lang a, a lawmawm hle in ka hria a. Amaherawhchu, a thunawn tihve fo hi a ngai a, tiang hian lo ti dawn ila a

tha ang e. He bill clause 3-6 na hi main body of the bill a ni a, pass remti a piangin 'Remti' ti ru le. Remti lo kan awm chuan 'Remti lo' ti rawh ule. Awle, clause 3-6 main body of the bill hi House-in lungrual takin a pass ani. Hei hi bill a tel a ni. Clause I short title, clause II definition, preamble leh enacting formula te hi pass remti apiangin 'Remti' ti ru le. Remti lo kan awm chuan 'Remti lo' ti ru le. Awle, remti lo kan awmlo a, clause I, short title, clause II, definition, preamble leh enacting formula te hi House in lungrual takin a pass ta a ni. Hei hi bill a tel a ni. Awle, The Mizoram Liquor Total Prohibition (Amendment) Bill, 2007 pumpui hi pass remti apiangin 'Remti' ti rawh ule. Remtilo kan awm chuan 'Remti lo' ti ru le. Awle, The Mizoram Liquor Total Prohibition (Amendment) Bill, 2007 chu House in lungrual takin a pass ta a ni. (Dr. LALZAMA : Pu Speaker, ka lawm e.)

...1170/-

Tunah chuan bill pakhat dang kan la leh ang a, The Mizoram Road Fund Bill, 2007 a ni a. Hei hi a bill neitu PWD changtu Chief Minister zahawmtak Pu Zoramthanga a bill te hi House-ah ngaihtuah rawn dil sela a tha ang e.

PU ZORAMTHANGA CHIEF MINISTER : Pu Speaker, i remtihna in he kan House-ah hian kan rawn introduced tawh 'The Mizoram Road Fund Bill, 2007' hi ngaihtuah phalna ka han dil e.

S P E A K E R : Kan phal em? Kan remti em? Awle, a hma-a rawn introduced tawh a ni a, a copy kha kan nei vek tawhin ka hria a, tunah ngaihtuah turin rawn move se a tha ang e.

PU ZORAMTHANGA MINISTER : Pu Speaker, he Road Fund Bill, 2007 hi ka rawn sawi hma-in patent error niawm tak helaiiah hian chhutsual palh niawm a kha, kha kan hmuh chin chu kan rawn sawi a. A hmasa bera 'This Act may be called The Mizoram Road Fund Bill, 2007 tih kha Act tih turah ka ngai a, kha kha chu tihsual palhah patent error-ah min lo pawmsak theih chuan ka lawm khawp ang a. Kha kha kan hmuh mai chu a ni a, comma leh thildang chu ka zuk en si se lova.

Hei hi alo chhuahna chhan chu hei kan kalkawng neih that lohte kan improved theih nan World Bank atangin pawisa kan dil a, India ram ina chu chance chu min haw sak avangin, keini state leh India ram state tamtak pawhin World Bank pawisa hi an dil a. Tichuan, pek phalsak kan lo ni a, kan pukna turah agreement kan sign-na ah khan World Bank hian thil tamtak min pek dawn hian heng hi inti ve tur a ni an tihte kha a awm a, chung zingah chuan hemi

kan Road Fund Act tura hi in siam ang a, chumi Road Fund Act atang chuan he in rama kawng in enkawl na tur, maintain na tur buaipuitu in in siam ang a, sum in hmuh tam theih da turte pawh in ti tur a ni tih kha a ni a. Chu chu a la ho state dang ami te pawh khan an ti diah diah a, a condition pakhat a nih avangin keini pawh chumi ang chuan World Bank pawisa te hi la in, tihian kawng kan han lai a, kan han ti ta tlah tlah a ni a. 'In siam tawh em' min ti ve deuh reng a, 'E, kan siam dawn e' kan ti a, ala tawh ho state tamtak hi chuan a siam pawh an siam zo tawh a.

Tichuan, a rawn awm nia kan ngaihte pawh rawnin tihian kan han duang chho ta a. Chumi ang chuan hemi Road Fund Board kha PWD Minister, Chief Secretary te, Secretary te a dang dang ten siam a ni ang a, hei hi a kal dan tur a ni ang a, tihte nen a tlangpui nihna awm kha kan han duang chho chhin ta, a hma in hei Road Improvement Advisory Committee, Chief Secretary ina a chair na hnuaiah hian kohkhawm an ni a, chung a member te chu Finance te, Transport, Police, Taxation, PWD, Chamber of Commerce, Central YMA, MUP, MHIP, Consumer Union, Truck Owners Association, Taxi Owners Association, Town Bus Owners Association, Mizoram Road Transport Union, khangte khan hemi rawtna proposal siam hi a tih chi ang em? tiin Road Improvement Advisory Committee hian chung chu a thlir a. A tlangpui chuan a tha a lawm, mahse a legal point leh thildangah fello lai deuh a awm em? chu chu lo enchiang sela, tih loh chu a tlangpui thu chuan a tha a lawm maw le, ti a an ngaihtuah hnu in he draft hi Taxation and Transport Department-ah an suggestion la in han duanchhuah chhoh a ni ta a. Law Department leh Finance ten an enfel hun-ah, tuna kan hmuh ang hi alo chhuak ta a ni a.

Tuna a kaldan turah hi chuan hei kan hmuhtlan ang hian Road Fund Bill kan pass thei anih chuan a hmasa bera awm tur chu Road Fund Board a awm ang a, chumi Road Fund Board ah chuan a awm tur chu a inziak ang khan a Minister incharge kha Chairman a ni ang a, Chief Secretary Vice-Chairman a ni ang a, PWD Secretary or Engineer-in-Chief kha Member Secretary a ni ang a, a member tur chuan Finance Commissioner te, Principal Secretary Planning lam a mi te, Transport Director te, Taxation Commissioner te, Highway PWD Chief Engineer te, Road Cief Engineer te, I.G.P state holders heng kan Transport lama Truck Owners ani emaw, Taxi Owners lam ani emaw khang Association lama an aiawh neuh neuh te, chung atanga state holder atangin representative 3 an awm ang a. Tin, NGO lam atangin representative 4 an awm bawk ang a, chung chu kan Road Fund Board turte an ni ang a. Chuan hemi Road Fund Board hnuaia pawisa lo lut thei tur chi chi hrang hrang sawi a awm leh a. Hemi Road Fund Board siam dan tur chu

a registration in a dan pangngaiin din a ni ang, tih a awm phawt a. Hei kum 3 chhung a ni ang, tih leh a dan dang neuh neuh chu a awm a, khang bakah khan an hnathawh tur eng engemaw a awm bawk a. Tin, chubakah a pawimawh chu Fund an neihna tur kha a ni a, heng atang hian chung chuan fund an dawng ang, tih kha Government in Grant a dawn te leh Govt. of India atanga Rehabilitation leh Repair and Maintenance of Roads a fund lokalte, tin Mizoram Highway Act 2002 dan anga fee te leh fine te leh thildang an collect te. Tin, state in a engemaw diesel emaw, petrol emaw atang leh tax leh fee a khawnkhawm te kha a ni bawk ang a. Tin, kawng remchang laia toll free te, tin thildang dang chung chu a ni bawk ang a, tin grant te, subsidy te, donation, gift, subscription, loan leh thil dang dang board ina a dawn khang ho kha road fund kha an awm ang a. Chumi chu a maintain nan hei hi kawng maintain nan bik a ni a. Chu chu road fund kha road fund board khan a hman dan tur a rel dawn a ni. A hmangtur tak erawhchu executing agency-ah chuan a Department leh khami contractor te hmanga a kal dan tur process kha chu a pangngaiin a awm ang a. Mahse hmandan tur zawng zawng kha PWD bik in an hmang ang, chumi in an ti ang nilovin road fund board khan kha pawisa tlingkhawm a kha a hmandan tur a rel vek dawn a. Audit leh thildang zawng zawng pawh tih vek tur a ni dawn a ni.

Chu chu anih avang in helaia pawimawh ta em em chu kan kawngte hi kan maintain zolo em em mai a, Mizoram a ziaawm pawltak kan la ni zawk a, keini aia harsa leh state dangah te pawh road maintenance hi a problem pui a ni a. Keini-ah hian kan Engineer ten an han sawi thwak thwak hian tunang ah hi chuan vaibelchhe sawmruk vel tal hi chu kumtin road maintenance ah hian nei thei ila an ti a. Kan neih theih hi chu 6/7/8/9/10 hi kan la pel hleithei lo vel a nia. Chuvangin, kan road maintenance hi a hautak em em a, chuta tang chuan kan road fund board hnuaia road fund lokal a kha kan road fund board khan a hmandan tur pawh rel thlapin tikhan an kal dawn ta a. Thildanga hman hauh loh tur, maintenance a hman tur tih a ni dawn a. Chuvangin, thahnemngai takin anni pawh khan sum te pawh an han zawng khawm turah kan ngai a. Chuta tang chuan kan kalkawngte pawh hi a maintain a tha lehzual a lo awm thei ang tih kan ring a, tin, chumi tur chuan hemi World Bank te, Govt. of India te pawhin an ngaihdan anih avangin neihtheih tur rawn ti a he road fund board hi siamna tur leh road fund hi a siam na tur siam thuai thuai rawh u min rawn ti a ni a. A nepnawi dang a kha chu kan chhiar ang a, kan hre theuh ang a, kha kha a tlangpui chu a ni a.

Tin, heta tanga toll ani emaw, thawhlawm khawn leh thawhlawm ti ila leh fee han lak velah khan engpawh nise a Act han nei phawt ila a taka kan lak tura chu nakinah kan state holder te, kan NGO te leh kan

Member hote khan sorkar lamahte pawh an rawn rawt turah kan han ngai deuh hlek a. Hemi thu-ah hian a tira committee a n han tih bakah kan consultative Committee PWD ah pawh khan kan han phawrh a, kan member zahawmtak lo tel te pawh khan hei a tha a lawm an ti a, sorkar lam phei chuan han tih nghal mai pawh kan inthlahrung viau dawn a ni kan ti a. Kan tih vek vek chuan tlem a zawng rip lo te chuan a bul han tan chu a tha ang chu ti a han sawite pawh a awm nghe nghe a, khang kha chu entlang ta zel ila. Chuvangin, helaiah hian khatia khawi Department emaw a pawisa lut a, an duh ang a lo hmang ta mai lova kan road fund board, NGO te leh state holder te nena an reifal thlap a, maintenance te nena a kal chuan kan vaia that tlanna tur anih bakah a monitoring a pawh kha anmahni enpui vek tur anih avangin a ngaih ngam awmin ka hria a Chuvangin, World Bank ina min lo tuk tawh, min nawr ve, intihloh chuan pawisa kan pe thei dawn lo che u, an ti a, min vau min vau ve tawh anih leh Govt. of India pawhin pe thuai thuai rawh u an tihna te en a, kha kan road fund board siam a, chuta tanga kan kawng maintenance hi kan improve theihna tur anih avangin he House hian hei hi min ngaihtuahpui a, min remtihsak kan dukhawp mai a, chu chu ka rawn move a ni e, ka lawm e.

S P E A K E R

: Kan Bill neitu Chief Minister zahawmtakin a rawn move ta a, kan sawiho ang a, hei hi original bill a ni a, a hma ami pahnih kha chu Amendment deuh kha a ni a. Engnge

hun kan inpek dan tur ah, engchen nge kan inpek ang? Minute 5 tho kha kan ti ang a, kan duhtawk mai dawn em ni ang? Aw, a nih leh sawi vek duh pawh kan nilo mai thei a. Le, sawihona i tan ang, tunge sawi hmasa ang? Aw, Pu Lalhmingthanga maw.

P U L A L H M I N G T H A N G A

: Pu Speaker, hmanni khanin Minister zahawmtak Taxation Department changtu Demand kan sawilai khan Road Fund Bill hi public tan phur rit deuh a ni ang e, tih khan ka rawn sawi a. Amaherawhchu, a bill

te kan zir chiang a, tin a bul a bala thil rawn in zikchhuah dan te a hre zawk atang te in kan zawt chhuak a, tihian tuna kan House Leader zahawmtakin a move na-a a rawn sawi ang khan, helai hi kan ram hmasawn zelna tur atana thil pawimawh deuh mai

leh sorkarin thuk taka a in commit na a ni tihte kan hre thar leh a. Ka ngaihdan kha ka thlak leh ta a, hei kan ramah hian tlangram a ni a, infrastructure pawimawh tak mai kan neih chu kawng a nilo thei lova, phai ramahte chuan rel kawng pawh a awm thei a, thlawhna turnhmun pawh state thenkhat te chuan an nei chek chuk a. Tin, tuikawng te pawh a awm thei a, tin, primitive transportation system deuh hlek, heng sakawrtawlailir leh kawng tawlailir te han kal theihna mai te an ngah a. Keini ramah hi chuan kan means of transport hi tunlai chuanin head load system a bang a, mihringin kan peih tawh lova, tin animal transportation hi Myanmar lam atangin Ponny rual te chu an rawn keng thla thin a, chutih lovah chuan khawl vek a ni ta a, kan ram kalhmangah hian.

Tin, kan ram leilungin a zir dan hi tlangram tlang chhengchhe te te nei kan nih avangin road construction hi a harsa a, tin a maintenance hi a buaithlak viau mai a, kan ram leilung alo hnipin a lo chang lova, leimin te a tam a, tin kan fur leh thal hi fur ana em em a, ruahtui tla a tam a, chutiang chuan kawng hi vawikhat han laihchhuah tawh hnu-ah pawh a maintenance hi problem lian deuh mai a ni a. Chuvang chuanin, maintenance fund chungchangah kan sorkarin harsatna a tawh nasatzia te, a thiam zawk hnen atang ten kan zawt a, min hrilh Chiang a, hemi World Bank atanga fund rawn kal dan kawngte leh India sorkar pawhin hetah hian keini chu special consideration min pe in a loan rulh chungchang thu-ah pawh, kan plan system ang deuh hlekin min kalpui a ni tih te han zir chian chhoh zel chuan helam pawnlama min finance tu World Bank lampang ten a hnu zela maintenance fund kan dinhmun te an han en a, kan tana tha tur leh anni pawhin a tul dan anga min finance zel theihna tur atanah condition an lo siam deuh a ni tih te kan hriat chhuah hi chuan ka ngaihdan kha ka thlak hlawl mai a. Chuvang chuanin hei hi tlemin engeni payment thar ti mai ang, chawi leh tur khatiang thar kha han siam tu tur pawh lo ni ta selangin kan ram hmasawna atana development infrastructure, economic infrastructure pawimawh ber mai leh tam ber hemi road construction motorable, motor chi hrang hrang kal theihna, chutiang ang permanent a kan neih theihna tura thil pawimawh tak a ni tih a Chiang a, chuvang chuan hei hi hmanni-a ka sawi dan kha thlakin, a bill hi ka rawn support a, pass ngei a tha in ka hria a, chu chu ka sawi hmasa ber a ni zawk e.

PU ANDREW LALHERLIANA :

Pu Speaker, ka lawm e. Hei, he bill kan pass tur 'The Mizoram Road Fund Bill, 2007' a pawimawhna te a rawn sawi zawng zawng hi a pawimawh lo ve tihna

...1175/-

ni lovin, han sawibelh ve ka duh chu a bul tan nan kan Minister i/c kan Chief Minister hi a fimkhur hle a ni. Consultative Committee- ah te an phawrh te te a ni tih te kha kan lo hria a. Tahchuanin, ngaih dante an la a, khalai Consultative Committee kha official forum tho a ni a, official forum a discuss a ni a, chuta kan lo hriat dan chuan loh theih loha World Bank atanga kan hmuh zel dawn chuan hetiang bill pass hi a ngai a ni tih kha chu World Bank lampang thuneitute pawhin an nawr a ni tihte pawh kha a hriat theih a ni. Amaherawhchu, Zoramah hian chhiah kan han pek chhuah danah te, chhiah la pe tam vak ngailo te kan ni a, kan han pe chho a, VAT te kan han pe chho a, kan bul tan chhoh dan reng rengah hian rang tak hian a chho deuh puat puat mai a. Uniform floor rate kan han ti a, state changkang zawkte nen pawh inang chhiah te kan han la chho zel ta a ni a. State naupang leh rethei tak tan chuanin sang hi kan ti hma em em mai a ni a.

Khatiang zawnga han ngaihtuah hianin kalmuang thei deuh awm tur ang khan Chief Minister khan a insawi niin ka hria a. Han pass ta pawh ni ila, a theih kha chuan a lawmawm hle in ka ring a. Amaherawhchu, a budget speech ah khanin kan hria ang a, pheh 28-na ah Tolls on Road and Bridges tihah khan rangtaka lak an tum thu leh tun current year tleng pawh khan tih an duhna kha awm mah selangin an thei rih lova. Amaherawhchu, next financial year a tun financial year awm tura budget kan passed tak hemi hun chhunga ensuing year a collection tan leh mai tur ang khan in sawi leh ang reng deuh hlek si avang khanin helai budget speech ah hi chuan a collection kha kan hmanhmawh leh deuh hlek ang khan a lang a. Khalai kha engngeni a awmzia chiah? Hei hi official forum ve ve a sawi hi a in clash thei em? Consultative Committee ah kha chuan hmanhmawh lo deuh turah khan a ngaihtheih a, han pass phawt a, World Bank tena min nawr tawh anih avangin han pass phawt ila. Dan han neih hi chuan, 'Hei kan nei e, hma kan la e' kan ti ang a, kan go slow ang tih kha anih laiin, tun ensuing financial year a lak nghal leh tur ang a budget speech a rawn lang leh hianin kan hmanhmawh leh ta thut em ni? Hei hi chu hmanhmawh vak lo deuh hlek a kan chhiahte a pun chhoh dante kan han hmuhin helamah kher hi chuan muanchan deuh kha a tha lawm ni?

Tin, hemi a fund lakna tur tamtak a sawiah hianin han tan te pawh tha mai thei in ka hria a. Tun ami hi kan han tan nghal mai anih chuan petrol man a sang dawn a ni. Diesel man a sang nghal dawn, a chhan chu kha petrol leh diesel ah khanin tax kan lak turte kha a ni a. Consultative Committee a tarlan kha ka kal ve lo na in, ka lo hmu a. Surcharge on Petrol atang ringawt hianin crore 4 leh nuai 50 la turah Vehicle Registration tihsan avangin crore 1 leh nuai 50 a seng bawk ang a. Tin, driving license leh permit fee hrang hrang atang khanin crore 2

leh nuai 30 vel khan a sang dawn a, a pumpui thu-ah khalai pathum kan han sawi ringawt atang pawh khan crore 8 leh nuai 30 la tur anga suggestion kha a awm a ni. Chutiang anih chuan petrol leh kan diesel te kha chu tun atanga kan han hman chhoh atang hian a sang chho vur vur dawn tih chu a chiang dawn viauin ka hria a. Aloh theihloh anih a, kan la ti dawn anih pawhin kha kha chu la muang turah la inngai ta ila. Hetah hian tolls and fees collection on bridge and roads tihah pheih chuan hei engzatnge an lak dawn ka hre lova, chutiang anih si chuan chhiah hi Zoram hnam naupangte si, kan pe sang dawn hle niin a lang a. Khami-ah khan muan deuh hlek kha a tha awm mang e, tih kha ka ngaihtuah a.

Tin, kan sorkar Department hrang hrangte pawisa hmandan hi a hek huau huau e chu ka tilo nang a, thil pakhat ka'n Department tin budget an allocate atangte pawh hian heti khawp maia kawng kan mamawh si te hi chu 1% or 2% of the budget allocation te pawh hi dil ve ta ila, chuta tang chuanin anmahni-ah lo inrenchem ve ta selangin. Hei, NLCPR lo chhuah dante pawh hi kan hre reng a, Department tin atangte khanin 10% emaw an pawisa hmanloh atang khan an lo la te niin kan hria a. Hetiang hi kan Department te pawhin inremchen an thiam nan leh Department tin pawisa allocate atangte pawh hian 1% or 2% pawh hi hemi road fund atana chhung turin kan kawng maintenance a pawimawh si tihte pawh hi hrih ta ila a tha in ka ring a. Chuvang chuanin, khangte pawh kha ka'n suggest deuh te pawh a ni a. Engpawhnise Pu Speaker, kan pass anih pawhin ti hian pass ta ila, a hman takah hian chhiah pek lamah hian rang lutuk lo deuh a muang chang deuha kan tihte pawh a tha in ka ring a. A vaia lak tur vawilehkhata tih pawp ai chuanin indawt dan deuh a inkar gap te pawh hi kum 2/3 te pawh awm ve phawt se kan than chhohdan a zirte pawhin a tawpah chuan hnam changkang zawk leh puitling zawkte kalrual hi chuan kan la kal thei ngeiin ka ring a. Chuvangin, chhiah lak chi hrim hrimah hi chuan kan sorkar hi hmanhmawh lo deuh hlek tawh ila ka duh lai hian a hmanlai takah hian advice pek pahin ka'n sawi a, bill hrim hrimte hi chu thil tul leh hnam changkangte tih ang kan tih ve tur anih avang hian ka object hranpa lutuk lemlo e, ka lawm e.

PU R. LALZIRLIANA

: Pu Speaker, ka sawi duh zawk tak ka rawn nang hman lova, MLTP Amendment Bill hi ka sawiduh a ni a. YMA te, kan hman tehlu nen, heng danah hian pakhat mah

kan ziak lang duh lo hi chu pawika tih thu ka'n sawiduh a ni a. Mahse hei pawh chu ka sawi ve tho ang a – Hei Mizoram Road Fund Bill, 2007 kan ngaihtuah theih tak

pawhin changkanna lam a ni tho mai a. World Bank te helaiah pawisa min pe tute duh dana tih tur a ni mai a, a tha a. Tahchuanin, han sawi neuh neuh mai duh nei a, hei road tax tuna kan va register loh chuan road tax kumtin kan chawi tho mai a. Chutiang ang anih lai chuanin leihlawn zawng zawngah te a fee kan khawn dawn anih chuan Aizawl-Saiha inkarah hian leihlawn a tam ropui si a, a kal tura te khan kan chawi hnem thin awm mang e aw, a kallam leh hawlam anih pheih chuan a buaithlak lu deuh lo ang maw tihte chu ka'n ngaihdan mai mai chu a ni. Heng angte hi engtiang angin nge khawlai leihlawn nge hemi kan ram dung leh vang chhim leh hmar ang zawngah hian chumi-ah chuan hawn a ni ang a, chumi chu extend ah khawn leh a ni anga tih ang chiin kan ti dawn nge ni, danah hi chuan chutiang ang chu a awm chuang silo laiah khan minti buai khawp mai a. Mi nei leh neilovin motor te an lo lei ve a, a motor neitu kha chu thuhran nise la, a tuartu tur chu a rethei a te tho tho kha kan ni chho mai a, motor neitu chuanin a chuanman kha a to leh dawn a, a tui atanga han hisap a, a chuanman awm tawk a kha a rawn hisap leh tho dawn a, sorkar khan kan va bituk thei dawn si lova, khalai kha kan hotute hian chiang zawk chuan rawn en sela a tha awm mang e aw, tih ka han ngaihtuahna-ah chuan a awm a.

Tin, state dangtena an tih ve dan niawm kan phak chin china kan han hriat ve ah te hi chuan luxury deuh hleka zin thin an awm a, anih loh pawhin kawnglian tak tak national highway kawng thatak tak chinah hian an ti thin a. Chungah pawh chuan state chhungah state thenkhatin an tihdan chu entirnan, hetah Aizawl atangin hetah Tuirial-ah, Thingsul ah sawtah Lunglei kawng pangngaiah kan kal ta a, tichuan helai tlangdung pheih kha Sialsuk tlangdung pheih a lo awm ta a, tichuan Lunglei kha a panna kawngnhniha capital atang khan a lo awm ta a ni. State capital atang khan a lo awm ta a, chutah chuan Lunglei kawng helai Thenzawl road kha tha em em in World Bank in an ti ta a, khata a tih chuan khatah khan helai fund fee kan khawn tur zawng zawng kha chu khami kawngah khanin an ti thin a. Helam hi chu sumdawng naran leh khatiang ang mirethei hote helama thlen hma ai chuan helama kal hian tlemin fee a lo tam lova, tah chuanin ka phur hi a rit lo deuh ang tih thangrei pawh hnial lova kal duhte kha chu khatiang fee kha an awl thin nite pawh hian hriatna ka lo nei ve mai mai thin a. Chutiang ang chuan kawngnhniha a pumpelh awm thlan theih ang chi-ah khan helai fee pawh tam deuh se kei chu ka kal mai ang tih thei chinah kha chuan an kalna tur khan kan siam a tha awm mang e aw.

Nakinah chuan kan kawng a that viau chuan kan kal ve hun pawh a la awm ang, he dan hi kan lek hunte a awm thei ang a, mahse tunah chuan khatiang ang kawng thlan bik kan neihloh chuan mipui phurrit a nasa zual ang ka ti deuh a. Sorkar chuan a ngaihtuah tur a ni a, a dik a, hetiang ang

bill te kan pass a, kan han ti zel kha changkan lam panna a ni a, ka hrethiam em em a, mahse chutihlai chuan mipuite phurrit tur keini leh mipui kan enkawl a te an la hniam zia hre chungin heng dante hi World Bank atanga sum kan hmuhna tur a tana dan kan lo pass kha a tha ka ti a. Chutih rual chuan kan mipuite en hian he dan pawh hi kan hman hi a that ve theih ka ring deuh hlek a. Chungah chuan mipuite phurrit zawng hlir maia keini helaiah bill kan ngah a tha kan intihlai khan mipui min hmuhdan kha a chep viau ang a, kan hotuten mi state dangte thal ve theihloh tuikhur kan neih te kha a kang ta em ni ti a zawhna min rawn siam kha chuan chhan ngaihna rin aiin a vang duh phian thei ang a. Chuvang chuan, tlema inveng chung deuhin he dan kan pass rual hian a hman hun a kha tlem tlema kan tih khawtlai deuh kha chu a tha awm mang e tih Pu Speaker, ka'n sawi ve zawk a ni. Ka lawm e.

S P E A K E R : Kan duhtawk thei mai em? A link lam kha chu sawi vak lo ila, in tel ve deuh a nia, anih Pu K. Lalrinliana

P U K. L A L R I N L I A N A : Pu Speaker, sawi ve lawk duh ka neih chu – The Mizoram Road Fund Bill, 2007 put luh alo ni hi member te sawi ka han ngaihthlak khan thil tul tak vawiinah kan thil tawn ang zelin thil kan kalpui a ni tih a lang a. Tin, thenkhatten mipuite phurrit kan siam dawn a ni tih lai kha kan ngaihtuah chian a ngai a, kan ramah hian kan state atanga pawisa kan neih atanga kawng kan siam te, a bikin central atanga sum kan hmuh PMGSY, World Bank te, NEC atangte in pawisa kan hmuhte leh tunhma atanga kawng kan neih sa, PWD in a enkawl ang chite hi han chhut ila, khatiang zawng zawng avang khan head load a kan kal thin a kha tunhma head load a quintal khat cheng sawmhnih a kan phurh thin kha motor kawng alo kal tak avang khan quintal khat cheng nga te in kan phur thleng thei ta thin a ni.

Mahse, vawiinni-ah hian PMGSY atang te leh World Bank atangte in kawng kan lai thar ta a, kha kawng kan lai thar kha a man tlawmin kan bungrua kan phurh thlen theih tak hnu-ah khan tun atanga reilote-ah

chuan siamthat a ngai dawn tawh a ni. Chumi chu kan siamthat theihloh chuan motor phurh man kha vawiinnia cheng nga man kha cheng sawm-ah a rawn awm dawn a ni. A chhan chu a kawng a chhia ang a, a kal chak dawn lo a motor kha. Chuvangin, kawng a chhiat chuan mirethei ten kan tuar dawn tlat a. Chuvang chuan, kha a kawng maintain na tur a road fund kha kan lo khawn chuan motor kha awlsam zawkin kawng tha-ah a kal ang a, chuan man alo tlawm phah dawn bawh a ni. Mirethei tena kan harsatna nilovin kan awlsamna tur kha a lo ni zawk dawn a ni, khatiang zawnga ka chhut khan kan hun safe tur te, motor pawh speed pangngaia tlan theihna tur atan khan petrol a seng tlem ang a, chuan man a tlawm dawn a ni. Chuvangin, heng kan neih theihna turah hian mipuite awlsamna tur niin kei chuan ka ngai a.

Tin, kan state sum ina non-plan a maintenance kan neih theihlohte pawh hi kan neih theih phah dawn a. Tuna black top tamtak enkawl ngai kan tih tamtak te hi kan enkawl theih phah dawn a ni. Chubakah leihlawn dawh ngai em em, kan dawh theihloh, tul kan tih em em, Aizawl-ah pawh leihlawn dawh ngai tamtak kan nei ang. Chung angte chu hemi a board hian helai hi chu a ngai a, state in pawisa kan nei si lova a hmanhmawhthlak si a, hemi mi hausa pakhat hi i dawhtir teh ang, tahchuan a toll hi lo khawn teh se an ti ang a. An han dawhtir ang a, vawikhat kaltlang man ah Rs. 1/2 emaw khawn ta se, awlsam takin leihlawn kan lo neih phah ang a. Mipuiten kan chhawr tangkai ang a, a awlsam phah zawk dawn a ni.

Chuvangin, helaiiah hian harsatna awm ang taka lang si mahse a lungphum thlir a kan awlsamna zawk tur leh kan changkan chhohna tur mipuite tana harsatna siamna tur a nilo tih kha a langin ka hria, fimkhur takin committee hrang hrangte, member turte ruahmanna feltak a awm chho a, chutiang chuan nakinah Rules te pawh a la awm ang a, siamthat tur leh khang kha la tihfel tur tho anih vangin khalai kha ka'n sawi tel a ni. Maintain tur tamtak kan nei a, state pachhe deuh tan phei chuan kan mamawh lehzual a ni, ka thlawpna ka'n sawilang ve a ni, ka lawm e.

S P E A K E R

: A Bill neitu Chief Minister zahawmtak sawm ila, member ten an ngaihmagwhte hrilhfiah pahin pass han dil nghal sela a tha awm e.

**PU ZORAMTHANGA
CHIEF MINISTER**

: Pu Speaker, member zahawmtak ten an thlir dan leh comment te han pek atang pawh khan kan rilru leh ngaihtuahna a inhmu tlang viau a, a lawmawm khawpin ka hria. Kan road fund bill kan proposed hi World Bank

in min rawn tih bakah kan inzir chhoh nan kan mamawh ve reng reng bawh a. Tuna pawimawh lai chu keini Department in fund chalai mai lova NGO te nena a fund hmandan tur rel hova kha neitu nihna pawh a awm zual dawn a. Association leh NGO te nena rel ho chuan thahnemngaih pawh a na viau ang a, kan member te sawi ang khan sorkar lam chuan kalpui chuk chuk kha kan hreh khawp a, kan ngam lova, ka venthawn zawk chu Road Fund Board hian an pawisa hman thahnem ngai hian min rawn nawr ang tih hi ka veng mah mah zawk a ni. A biktakin cess lakna tur pawh kha kan consultative Committee neih pawh khan hemi kan pass zawh hian rule kan siam ang a, a tlai chu a tlai rawih ang kan ti a. Kan hmang thei har deuh anih pawhin World Bank hnenah pawh kan hmang dawn a nia kan ti ang a, min zirtir chhung velin hun alo liam ang a kan ti a. Kan tlai lo thei lo a ni.

Tin, kan ti rau rau anih chuan a rip lutuk lem lo pawhin kan tih chinah chuan cess lak chhin deuh pawh a tha ang a. Hman miah lova kha chu a fel miah lovang a. Kan member ten an sawi estimate pawh kha an duhtusam mai mai a ni a. Cess te phei chu diesel/petrol ahte khan liter khatah engzatnge kan lak ngam ang a, a tirah tlem te in pawisa sawm in tih vel a tichhoh bek bek turah ka ngai a. Amaherawhchu, a bul tanna tak chu keimahni ho pawhin in rawntlang zela kan tih turah ka ngai a ni. Chuvangin, hei hi a hman-ah hian hmanhmawh theih pawh a ni lova muangchang deuhva tih kha kan lo neih sa a ni a, muangchang in tih phawt kha kan rilru-ah kan lo neihsa a ni a, theih ang tawkin kan lo nei reng ang a. Tin cess emaw, toll emaw, fee emaw kan tih pawh mawi takin mitan pawh rel hauh lovin a bulah a hmingin kan tih tan tir chhoh kan tum bawh a.

Tin, kan member zahawmtak Pu Zira zawhna lai kha a ni viau a, heta engemaw han tih hi chuan kawngtinah te khawng nghal turah ngaihpalh kha a awm a, kan ti dawn hauh lo ang a, tlin pawh kan tlin lovang a, kan han sawikhawmna-ah pawh leihlawn-ah pawh dawl lo ta ila, a lakna tur khawilai emaw tlak awm le? Tih pawh hi pahnih khat pawh hi a vang khawp mai a. Chupawh chu a hming tal inzir nan tih loh chuan kan ti nghe nghe a. Chuvangin a bul tan nan a hmingin kan zir nan tlem te in kan han titan ve ang a, kan tih pawhin muangchangin inrawn tlang zelin hma kan rawn la dawn e tih kha ka'n sawi duh a ni.

Tin, NLCPR kha tlema hriatsual palh a awm thei a. Hemi plan pawisa hman tur zawng zawng percent kha kan chan tur an dah tawp a. Kha lamah kha chuan kan zuk zenpui lo ang tluk a ni a, 10% pawh kha kan hman zawh loh avangin. Entirnan, budget pumpui kha Department khatin Rs. 100/- emaw 100 crores lo nei ta sela. 10 crores kha chu North East atan an reserve a ni. Khita tang lakkhawm nilovin original plan fund 100 crores chu 10 crores kha North East atan a reserve tawp a. NLCPR ah an rawn chhung lut mai rih lova, an hmang an hmang a, North East atan an hman zawh loh a awm anih chun NLCPR ah an rawn chhunglut a ni. Tamtak chuan DONER ah a luh hma kha a awm zawk e tiin kan chuh char char a ni. DONER a alo luh tawh hnu khan chuan a buaithlak kan tih changte pawh a awm a, engpawhnise tehkhin nan kan ti a ni a.

PU ANDREW LALHERLIANA : Pu Speaker, Department tin kan tih chhan pawh kha hei financial year atawp apiang hian chawlhni pawh sawi lo, holiday pawh sawi lo Officer pawh kan hawwna thin chhan chu pawisa lama kan hman zawh lohva kan zawng chu a ni lawm ni? tih kan ngaihtuah khan pawisa he Department tin ina heti khawpa a hman zawh a ngai a, kan buai chuk chuk si chuan pawisa hi chu tamtawk an nei a, a inrenchemna 2% hi chu laksak ta ula, tih ka suggest mai mai a ni.

PU ZORAMTHANGA CHIEF MINISTER : A lawmawm khawp mai. khami ngaihdan kha hre rengin a dangte pawh lo inhrek ta ila, kumin pawh hian kan plan fund kan reserve ruk pawh thildanga ti lovin road maintenance hi a buaithlak lutuk a, hetah hian theihtawpin kan bawk reng a ni a. Khata tan khan kan reserve a bang hi chu thildangah pheh chuan hman loh theihloh a ni na in, a pawimawh ber kha chu road maintenance ah hian kan ti hram hram a ni. Chuvangin, kan member zahawmtak ten khatia intih kha lo kal lehzal turah pawh kan rilru a kan neih reng a ngai dawnin ka hria a. Chuvangin, anniho ta hi kan pek tur hi kumin chu nuai 580 a ni a, mahse 570 ah tla ila, sawm hi chu i dah teh ang ti a khami ngaihdan lo lakkhawm lang tham lo, chaw ei tibuai lova buhfaitham tih ang deuh khan a tihdan kha a tha khawpin ka hria a,

road maintenance hi kan vai atan anih avangin khalam kha rawtna kha keini pawhin kan lo hre reng ang a, rawtna thatak niin ka hria a. Chuvangin, Pu Speaker, he ka road fund bil dana min siamsak a, kan ram mipuiten neitu ni tak taka keimahni a maintenance a kha kan hriatpui chuan hei hi min educate tu thatak anih ringin leh kan road improvement pawn nasa takin a kal ang tih ka ring a. Nichina ka sawi ang khan road fund board kan NGO te leh midang an thutkhwam a helaia kan siamtha ta an tih chuan an thahnemngai hian kan member zahawmtak Pu Andrew sawi ang khan Department ta hi tlem chu la leh teh u a, ti hian min nawr min nawr zawkin ka ring nghe nghe a. Kan ram kawng pawh a tihthat phah viauin ka ring a. Chuvangin, heta kan road fund bill he House hian lungrual taka min pass sak turin ka ngen e.

S P E A K E R

: Kan bill neitu Chief Minister zahawmtakin pass a rawn dil a. A tirah khan section 1 sub-section 1 ami 'This Act may be call the Mizoram Road Fund Bill' tih kha bill tih ni

lovin Act tih tur a ni e. Patent error ah min pawmsak nise a ni a, hei hi pawmsak ni sela. Tichuan, he bill 'The Mizoram Road Fund Bill 2007' clause 3-na atanga clause 15-na main body of the bill hi pass remti apiangin 'Remti' ti rawh ule. Remtilo kan awm chuan 'Remti lo' ti rawh ule.

Awle, clause 3 na atanga clause 15-na main body of the bill hi House in lungrual takin a pass a ni. Hei hi bill a tel a ni. Tichuan clause 1 short title, clause 2 definition, preamble leh enacting formula te hi pass remti chuan 'Remti' ti rawh ule. Remti lo kan awm chuan 'Remti lo' ti rawh ule. Awle, clause 1 short title, clause 2 definition, preamble leh enacting formula te hi House in lungrual takin a pass a ni. Hei hi bill a tel a ni. Tunah chuan a pumpuiin The Mizoram Road Fund bill, 2007 hi pass remti apiangin 'Remti' ti rawh ule. Remti lo kan awm chuan 'Remti lo' ti rawh ule. Awle, tikhan 'The Mizoram Road Fund Bill, 2007 chu House-in lungrual takin a pass a ni.

Awle, tunah chuan tun session atan leh waviin kan rorelna atana kan business hnuhngung ber kan la chho ang a, The Mizoram Clinical and Health Establishment Regulation Bill, 2007 kha hmanni-ah House-ah introduced a ni tawh a, a copy pawh sem a ni tawh bawk a, kha bill kha a changtu Minister zahawmtak Pu R. Tlanghmingthanga, House ngaihtuah atana House phalna rawn dil turin ilo sawm ang u.

**PU R. TLANGHMINGTHANGA :
MINISTER**

Pu Speaker, ka lawm e. I remtihna leh he House remtihna in vawiina ka bill The Mizoram Clinical and Health Establishment Regulation Bill, 2007 hi he House ina min ngaihtuah sak turin ka rawn ngen e.

S P E A K E R

: Kan remtih sak thei em? Awle, kan remtih sak a, ngaihtuah turin han move sela, ilo sawm leh mai ang.

**PU R. TLANGHMINGTHANGA :
MINISTER**

Pu Speaker, ka lawm e. Hei, Mizoram Clinical and Health Establishment Regulation Bill, 2007 hi a hma-a kan rawn introduced khan 2007 tia ziah anih kha a ngaihtuahna kha 2006 laia ngaihtuah, chuta

rawn print chhuah kha 2007 ni tawhah khan 2007 ti lovin, 2006 kha lo tih palh a ni a. Kha kha 2007 nihna anga min pawmsak ka'n dil phawt a. Tin, khalai abula kan han tih bakah khan hetah atawpah khan Memorandum for Delegates Legislation tihah khan section 27 of the Mizoram Clinical and Health Establishment Regulation Bill, 2006 tih bawh khan an lo print palh leh a. Khami a kha 2007 in min lo thlaksak leh kha kan dil bawh a ni.

Le, Pu Speaker, hei kan ramah hian hemi Health Care lamah hian kan hnam naupan angin thenawm khawvel chu sawiloh, kan thenawm state te te state dange pawh kan um phak lohzia te kan hria a. Tin, tunah hian tunhnai mai atang khan hemi kan Hospital lian bera Aizawl Civil Hospital tih bakah district te te-a Hospital te pawh an changlung lo hle tih kan hria a. Tichuan, kan mithiam te, medicine lampanga mi inzir mithiamte leh sorkara inhmang chiah lo, Private Practice lo nei chho thei te kan han awm chho ta nual a. Tin, chutah chuan kohhran organisation te bakah a mimal anga hetia Hospital te han din chho a, Clinical Laboratory a ni emaw, Nursing Home te leh khatiang anga Research Institute tihte emaw chutiang ang chu an han tih chho ve ta tak tak a. Chutih laiah chuan hei kan tawnmek chho-ah hian chutiang damlo te enkawl na tur atan kan neih mek hi a tawh lo em em a. Chumi yang chuan hetiang anga private leh organisation dang tena Hospital rintlak an rin chhoh zel hi kan ram hian kan mamawh tak meuh a.

...1184/-

Tunah hian lehlamah thian thenkhat ten 'Ngawiteh, Civil Hospital a kan Doctor te hi hetah Private Practice te an tiin Hospital ah mi zaite leh khatiang ang khan damlo enkawl-na-ah an hun karlahah an bei thin a. Hengte hi chu khap chi a ni lawm maw ni le' ti zawngte pawhin rawn sawi an awm nawk nawk a. Chutih karah chuan kan examine a, kan chhut chiang a, kan Hospital a Doctor te han enkawl theih chin baka Private Hospital a awm mek tam zia hi ka ngaihtuah a. Tichuan, Private Hospital neitute pawhin facility an neih ang angte a man power an tlakchham zia te ka hria a. Chutih karah chuan heta sorkarin a kan rawih mek te an hunawl hmang remchang a Hospital danga kut an va thlak leh damlo mangang te an lo va enkawl a kha khap ta burin kal phallo ta bur ila, Private Hospital a awmte kha engtingge niang? Civil Hospital-ah rawn kal ula, tichuan enkawl-na leh inzai a ngai anih pawhin chutiang chu kan ti ang chu tiin han ti dawn ila, diktak chuan damlo emergency a lokal pawh hi khum awm lo general ward chungte pawh chu emergency tak takah te pawh hian admit theihloh in tiang khan mi tamtak vui vaina te pawh ni chungin Hospital-ah seat min pe lova, min admit lova, min chhuatir leh a, kan mangang ti a sawi hi an tam bawk si a. Chutiang ang nilovin kan Hospital hian a hmun leh a accommodation ah hian damlo enkawltute kan mithiamten an lo enkawl reng theihna tura accommodation lamah problem neilo ila chuan kha challenge a pawh kha kan siam thei awm mang e, ka ti rilru a.

Engpawhnise, sorkar danah chuan hemi Doctor te pawhin Private Practise non Practising Allowances hi min draw sak ula ti a tumhnih zet mai an lo dil tawhte kha ka ngaihtuahin kan problem tun stage-ah hi chuan sorkarin hetia kan lo kalpui rih laia private-a improvement te pawh a lo awm chho zel ang a, private clinic leh Hospital hengahte an thafuan an lo hmang hi chu a chhawrtu hi damlo mek, na mek, zai ngai te kha an lo nisi a. Helam sorkar lama an thiltih tur an duty an thulh phah ni bawk silovah chuan an service hman tangkai kha ti suh u tita ila humanitarian ground-ah khan misual tawp kan ni mai awm mang e, mite ngaihtuah chuan tihte sorkar ang hian Hospital te a lo awm chho ve ta tek tek in Private ina an run awm chho mek hian mi an tihlim angreng a. Mizoram chhungah ngawt pawh hian Hospital han tih mai theih duh angin puitlingin han changkang vak rihlo mahse tunah hian pakua lai kan nei a, tunhnai mai kum 2/3 lekah khan a rawn pung chho a. Hemi Durtlang Christian Hospital leh Lunglei a Serkawn Hospital kan neih kha chu hman atanga kan hriatsa leh Seventh Day Hospital te, hengte contribution a ropui em em a. Tunah hian kan mithiamtena anmahni senso a damlo enkawl-na hmun, khum leh awmna remchang leh treatment tih theihna an buatsaih hi a ropui hle in ka hria a. Mahse chutih lai chuan hetiang ti tur hian sorkarin a en liam mai mai hi a tha hauh lo mai. Hetiang anga damlote an dinhmun ang ang te han in surrender tawp, in admit tawp mai a an facility lo neih tur leh an lo dawnawn a, an

lo treat na tur ang scale te chungte ngaihtuah tel lova sorkarin a lo recognise te emaw, chumi tawp tura Hospital hawn leh sumdawnna rilru liau liau maia hetiang anga lo tite pawh an awm thei a. Engpawhnise, hei kan hawng ve e, min recognise rawh tih ringawt mai lo recognise a, a recognise loh dan pawh nei miah silo, chuti chung a rorel hi a har em em mai a. Tin, an hawng anih rau rau chuan sorkarin a hre mi leh expert rualin Hospital hetiang a enkawl tur atan hian damlo enkawl na hmun tur Nursing Institute a ni emaw, tin Maternity Centre a ni emaw, hetiang anga damlo enkawl na tur hmun an buatsaih hian hei hi an nei tur a ni. A thawktute pawh an qualification leh an attendance te, tin, chuti anga lo buaipui tura an hman hun chang zawk ringawta va kal a, haw leh daih a, damlote khawih hliam ting a. an hawsan leh daih te emaw te alo nih a, khatiang thilah khan damlote tan hian security hi a awm ngai a. Tin, damlote chuan an thiam leh thiamloh va examine hnu a duhthlang thei pawh anni lova, an natna ina a compel chumi ina a turluih avanga kan sorkar damdawiin te kan neih ang ang kan facility ang te, chumi han dawngpha lova remchang awm si lova an tlanhhiatna tur alternative chumi vawiina an buatsaih mek hi a regulate dan tur leh a enkawl dan tur leh a titu tena an inruahman dan tur leh an scale leh standard tur ang hi chuti ang chu sorkar hian tihtir dan tur leh dan tlawhchhana chutah lo lekkawh dan tur dan kan neih hi a hmanhmawh thlak em em a.

Nikum kumtir lamah phei kha chuanin chu dan chu Executive Order in hemi hi damdawi in hawng tur chuan hetiang hi an nei tur a ni tih a, a scale hi siam chho ila, chutilo chuan hei a duh duh leh a hman hmanin an lo tite pawh a ni ang a. An rintlak leh rintlak loh te va examine a, anmahni pawhina an lo inpuahchahna tur ang hi kan ti si lova. Chuvang chuan, tihdan a awm em tiin ka ngaihtuah a. Amaherawhchu, hetiang hian fel takin regulation kan siam ang a, chu chu Assembly in an pass ang a, chuti ang chuan kan inbuatsaih ang a tiin he kan rawn buatsaih hi vawiinah hian he House zahawmtakina ngaihtuah theih a kan han awm hi a hmanhmawh thlak em em mai a. Chumi avang chuan vawiinah hian a hmanhmawhthlak dan te kan hria a, maintenance of register of clinical establishment han tihte, The Health Authority a awm ang a, The Health Authority shall as soon as may be after its constitution and not late than not six months from the coming into force of this Act, he dan hman anih rual ruala chuti ang anga kan hmanhmawh dan laia kha chuta lo in established tawhte pawh an chungchang kan rel dan turte lo sawi lawk a, han hman thuai thuai hi kan chak a. Tichuan, tunah hian kan rilru-ah phei chuan he House zahawmtakina min pass sak theih hunah phei chuan a Rules min siam thuai thuai a, tihdan tur ruahman thuai thuai hi kan nghakhlel a, chu chu vawiinah hian kan rilruah hian kan nghakhlelin vawiina kan member zahawmtak tak tena he bill hi min han ngaihtuah pui a, hetiang ang hun remchang min han siamsak hi ropui kan tiin kan lawm tak meuh a, a bute kha a tam lova, a tihdan tur leh a kalphung tur tlangpui chu a bu ah khan zuk luh vak pawh ngaiin ka hrelo a.

Hei, kan hotute, kan member zahawmtak tak ten inzir chian vek tawh ka ring a, khatiang zuk luhchilh tehchiam pawh kha lehlamah chuan a technical te kan hriatthiam tawk lohte pawh a awm thei a, engpawhnise member zahawmtak tak ten inlo zirna-ah pawh khan a tha tawk lo laite vawikhat han tihna a ni bawk nen, tamtak a awm mai thei a. Amaherawhchu, hei hi a bul tanna atan han hnan phawt mai hi chu kan thatpuina tur niin kan hria a, chuvang chuan vawiinah hian thinlung rilru inhawng taka min ngaihtuah sak turin ka duh a.

Tin, Pu Speaker, nichinah khan pakhat ka sawi hmaih a, kha statement of object and reason tihah khan heta para 2-naah khan 2006 tih kha a awm leh a, kha kha 2007 a thlak sak nghalah inngai ila. 2006 tih ho zawng kha chu 2007 a nihna anga kalpui mai turah khan min ngaihsakin min correct sak ula, a kum chauh a ni bawk a. Kha khan a thu leh hla kalphung tur a tidanglam chuanglo bawk a, kha kha ka'n sawiduh a ni e. Awle, chu chu ka'n sawi niphawt mai teh se, member ten min sawipui a, thahnemngai taka min sawisak turin ka ngen a ni e, ka lawm e.

S P E A K E R

: Le, bill neitu Minister zahawmtakin a bill a rawn siam chhan te leh thil tul a tih dangte rawn sawiin a rawn move ta a, kan sawiho ang a, minute 7 pel lo ta ila a tha ang e. Pu S. Hiato ilo sawm ang.

P U S. H I A T O

: Pu Speaker, ka lawm e. Vawiin Bill hi tunhma atangin siam an lo tum tih hi a hriat khawp a, kum 2006 vek-a ziah dan atang hian nikum lam atang tawhin lo pass pui tawh niin a lang a, mahse an ti lut hman lo a, vawiinah a rawn lut hi lawmawm ka ti a. Hei, Private a Hospital nei tamtak an awm a, Laboratory te, Nursing Home te leh chi hrang hrang Aizawl khawpuiah a tam ta viau a. Mizoram hmun hran hranah an awm a ni. Chung zawng zawng chu control a maintain a ngai tih an hriat avangin leh tuna an dinhmun pawh hi a aia sang zawk patient te tan pawh a facilities care pekna tur zawnga state sorkar hmalak hi kei chuan lawmawm ka ti a. Pass pui tlak niin ka hria a.

Civil Hospital theuh hi Pu Speaker, kan hriat tawh angin kan indaihlo em em vek mai a, Private Hospital phei chu awm lo se inenkawl ngaihna awmlo khawpin khumin a daih lova, Doctor in a daih lova, chu chu tlang hriat a ni. Tichuan harsatna awm ve ta chu kan sorkar Hospital ah hian equipment kan neih hi hmantlak tak tak kan nei thin lova, hei hi englai pawha chhe deuh reng te hi kan nei a. Tin, CT Scan te pawh kan hmang thei lo reng a, a changin kan hmang thei a. Chutiingin, thisen exam na lam te pawh a ni a. Chutah chuan private ina an din takah hian tamtak chu problem min solve sak a. Doctor tan pawh damlohna detect a awl ta a, a lawmawm a. Lehlamah chuan harsatna lo awm ta chu kan khawl exam na neitu reng reng hian kan hmuh ve dan pawh hian a to lutuk in kan hria a ni. Hepatitis an entirna-ah hian Rs. 6000/7000 te hi lak a ni a, tin, general pawh 400/500 – 1000/2000 a ni deuh vek mai a. Hei hi chu hetiang a dan kan neih rau rau chuan min regulate sak a, private in an din ho hi min check sak ka duh a ni. Chutulo chuan mirethei tan a harsa lutuk a, thingtlang tan pawh a harsa lutuk tih hi ka sawi duh a.

Tin, chulo-ah chuan Aizawl chauh nilo, District Headquarters hrang hrangah pawh hian hetiang a inentirna an detect na tura khawl dah tur lampang hi sorkar pawhin min ngaihven pui selangin, District Headquarters tinah hian. Lungleiah chuan tlem an nei ta a, keini a upa deuh ber Saiha te pawh hian khawl lam hi kan neilo hrim hrim mai a, rinthu taka tih ani mai a. A pawimawh chu Aizawl leh Lunglei a refer a ngai a, refer a kal hi a har em em mai a, churang chuan District Headquarter tinah hian hetiang Nursing Home ang tih theih turte loan in emaw, tin, sorkar tanpuina in emaw kan khawl leitur pawh heta interest deuh te sorkar pawhin enpui sela, tichuan khawl kha District Headquarter tin deuh thaw ah a pawimawh zual hi chu min dabsak turin hma min lakpui a ngai viauin ka hria a ni. Ka lawm e.

PU H. LIANSILOVA : Pu Speaker, tamtak sawi tur pawh ka nei lova, kan Minister zahawmtakin he Bill hi a rawn moved a, a thusawi te kha a pawmawm hle in ka hria. Tin, he bill kan mamawh zia pawh kan hre tlang a, sawibelh ngaiin ka hre lova. Tin, ka'n sawiduh mai chu a section 10-na ah khan terms and condition for granting license tihah hianin ka rilru a awm mai tuna han tih thut thut atan pawh ka ti chuang lova, kan hotuten an lo hriat atanah pakhatatah chuanin damdawi in leh heng clinical establishment hi

charity purpose a ni mang lova, service a nihna lai chu awm mahse commercial consideration a ni vek tawh mai a, chutih laiah chuan keini hi kan economic dinhmun ah te kan backward avangin protection kan ngaihna lai awm deuhin ka hria a. Chuvang chuan, a protection clause hemi kan ILP section hmangte emaw a engemaw reasonable reservation emaw restriction emaw siam dan hi kan hotuten tun atan mai nilo, nakin atanah chuan ngaihtuahna ala tha mai awm e tih kha ka rilru-ah a awm a, chu chu sawina remchang anih avangin ka'n sawilang a, tunah hian tel se pawh ka ti chuang lova.

Tin, pahnihna ah chuan heng establishment ho hi tuna kan sawitak ang khan hlawk tak an ni vek a ni. Kan school hawng ho ang hi a ni a, kan school pawh hi education atanah service tih ai maha lian zawk chu commercial consideration vek a ni a. Chumi-ah chuan hlawkna tamtak an siam rualin an siamna tur atana mi an rawih te kha an welfare hi chu tha tawk an pe tur a ni. Service condition nen security tha zawk chulai pawh chu hemi a terms and condition ah nge ni a rules lamah, kha tal kha chu rawn telh tha in ka hria. Labour law atanga protection a pek theihna tur emaw, tin contributory provident fund emaw an duh a mak a nang chu lokal tawh suh han intih mai mai ang chite hi awmlo turin. Tin, hlawh pawh hi Rs. 2000/- atangin tan phawt la, I thawh that dan atangin kan la pun ang che han tih a, diploma nei tawh te kum 2/3 laboratory technician zir khatiang ang leka inrawih a lehlamah an thawhna te hlawk hle a an hriat si kha a awm a, khalai kha an mi rawih te lam employee protection a te hi nakinah kan hotuten rilru ah rawn nei lian ula tha in ka hria a.

Kan sawitak ang khan heng zawng zawng hi kan mamawhna vanga siam anni na a, a siamtu te hian a tihchhan a lian zawk hi chu commercial consideration hi a ni vek a ni. Saiha angah te, entirna atan damdawi lam a inentirna te a tha lovin, hmanrua a tha lo em mai ka va che teh ang tih hi chu a awm miah lova, pawisa hmuh tur a awmluh vang a ni mai a. Chuvang chuan, commercial consideration hi chu heng atana motivate tu hi a ni tih hi a chiang in ka hria a, khalai kha ka sawi duh mai a ni.

Tin, a danah hian phok khatna-ah hian definition a kan tih sual palh hlek hlek kha a awmin ka hria a, kan Minister hian a hmu emaw ka hrelo a, clinical establishment 'C' na No.1 ah khan care seer tih kha care seaker as out patient tih awm tak a ni a, spelling mistake niin ka hria a. Tin, phok 2-na ah khan spelling mistake hawrawp pakhat lek herin before tih pawh kha a spelling kha siamthat ni se langin. Tin, phok 3-na ah 7-na representative of INA Member tih hnuai a No.3 ah khan The Health Authority shall be constituted within six

months from the date of this Acts came into force and the name of member shall be publish tihtur niawm in a lang a. Kha pheikha chu khang engemaw hawrawp hmaih palh leh tihsual palh ni a lang te kha han pass dawn chuan siamthat nita se a tha in ka hria a. Chu chu ka rawn point out ve a ni, bill hi pass atan ka rawn support a ni e, ka lawm e.

PU R. LALZIRLIANA : Pu Speaker, ka lawm e. Helai a bu chhung thu hi zu sawi tur ka nei ve lova. Kan mithiam ten ngampa tak leh dan anga damdawi in te leh clinic te an hawn a, an tih theih dan tur kan siam sak hi a tha in ka hria a. Hun engemaw lai atang tawhin hei hi dan a awmlo ti a engemaw te ti a sawiselna te tamtak kan nei thin a, chutiang veng tur te pawh chu a ni dawnin ka hria a, a tha khawpin ka hria a.

Thil pakhat kan damdawi in bungrua vel hmanni a kan sawi khan Pu Speaker, kan Minister zahawmtak hi hum hram hram kan official leh midang tamtak pawh hian a tha in ka hria. Helaihan engemaw wrong information in hmu palh mai a nilo maw? Keipawhin ka ti a, thil lei tawh cheng nuai li man lai kha a ni a, kha kha lei tawh ang khan in sawi a, information hi a fuh lo ve thei tho a. Amaherawhchu, Pu Speaker, heng hi kan official ten Minister te, engemaw wrong information an pe palh ang tih ka hlau a, tukin thlengin hei hi chu kei chu beih tawh hi chu kan bei ngar ngar zel a. Pathianni vel khan vai supplier an ko chho niin ka hria a, chu chu J. Mitra a ni a, khapa hnenah khan hei a supply tawh a, mahse a part thenkhat a kim lova, a chhia a, thlak tura phailama phurh thlak leh ngaiin sawi mai rawh a ti a. Thurawn pek niin ka hria a, chu chu a thalo ka ti khawp mai a. Helaihan House zahawmna pawh hi a ti bawrhbang hle in ka hria a, hemi bill ah hian rem vaklo in ka'n sawitel a ni, ka lawm e.

PU LALHMINGTHANGA : Pu Speaker, han sawitur tamtak a awm lova, Pu Speaker, a tha em em a, kan nei har mah mah a heng hi tunah Aizawl khawpui hi a bik takin a ni a. Hei Nursing Home

tihte leh Laboratory hrang hrang te leh clinic hrang hrang te. Tin, damdawiin hrang hrang te chutiang chu a rawn ding chho tuk tuk a. Heng hi regularise loh hi chuanin harsatna kawng hrang hrang a tawh theih a ni a, chumi take care vek tur chuan kan sorkar tena tuna dan an rawn buatsaih hi a lawmawm em em mai a. A chhung thu-ah hi chuanin engmah zuk sawi vak tur kha ka nei lova, ka en thuak thuak ang chauh a ni a, mahse hemi bill hi ka support hle a ni. Tin, a tul takzet tawh a ni tihlai kha ka'n sawi duh lai chu a ni mai a.

Tin, hemi rual hian han sawilan ka duh chu Pu Speaker, hei Assembly Session kan nei a, member te helai nitin deliberation te hetiang ti tura kan awm lai hian kan officer thenkhat te hian meeting kan tih lehna tur chi hi an ko leh tlat mai thin a. Hei hi chu khap theih nise chu a tha in ka ring a. Entirman, naktukah hian Lunglei District chhunga MLA ho zawng zawngte kha chu Patient Welfare Meeting a lehkha kha rawn ken ka tum deuh a nia, ka lo theihngihl leh si a. Lunglei DC Office ah, Chief Medical Officer chu chuan a ko a, a kohna kha lehkha in ka hmu a, vawinah session kan la nei a, engmah (SPEAKER : Khawngaih in eng meeting maw?) Patients Welfare Meeting tih a ni deuh niin ka hria ka ti, a lehkha kan ken theihngihl tlat mai a (CMO koh maw?) Aw, niin ka hria, DC Office Chamber ah a ni a, a ko tu kha chu CMO ni tlatin ka hria, kha kha election kha, ni 2 ah khan Division of Electoral Roll Meeting kha sawtah Electoral Officer level a mi khan a ko baw a, MLA ho kha member kan ni vek si a, hei hi chu chin tawh loh ni se a tha khawpin a lang a. Tin, tuna ka'n sawina chhan pawh hi a bill kha medicine bill a ni a, a relevant tho khan ka hria a. Chuan tahrik ni 2-a Electoral Division an ko pheikha chu an nei tawh tho a ni mai thei a, mahse official ringawta neiha keini khatilai concern berte MLA te tello a tih kha chu a tha lo khawp mai a. A theih chuanin House Leader zahawmtak pawh khan khangte kha reconvince leh tur emaw tiin ka ngai deuh hlek a. Keini Lunglei District ami chuan chumi pahnih chu an ko tlat mai a nih chu.

Tin, hmanni khan a ni chiah chu ka hre ta lova, March ni 2 kha emaw ni chu aw Social Welfare in National Assistant Meeting kha DC Office ah an ko a, keipawh ka va kal ve a, MLA dangte pawh kal ve tur an ni a, mahse keimah chauh ka kal ve a, khami ni khan. TA/DA hi in pe ve ngai em? ka ti a, 'A, hetiang pawh kan neih pawh kan hre ngai lo' an ti mai a. Khatiang anga member te hla taka mi inkoh kha a tihchi loh angreng khawp mai a. Chu chu Social Welfare Minister zahawmtak hian Pu Speaker, min lo enfiah sak theih chuanin a lawmawm khawpin ka ring a. A chhan chu ka attend hreh vang, TA/DA ka phut vang nilovin hetiang ang member te mi an ko anih si kha chuanin khalai kha chu an take care tur hian kei ka'n ngai deuh a, chung chu ka'n sawi pah a ni e, ka lawm e.

S P E A K E R : Awle, Pu Ro ka sawi tawhlo mai ang i ti maw? wind up tura bill neitu kan sawm hmain hmanah he House-ah hian BDC session laia koh chungchang kan sawi tawh a, chu chu Minister pawhin action a la nghal niin ka hria a, Department dangah a lo awm leh a, a paw ka ti khawp mai a. Kan House Leader hi kei pawhin ka'n ngen ang a, session lai hemi MLA te hmanloh lai chuan time bound bik anih erawh chuan thudang nise, chuti anih lem loh chuanin MLA te telna tur chi meeting koh loh tur tih hi khawngaihtakin order hi siam thar leh se a tha in ka hria a.

Tin, kan Health Minister zahawmtak pawh kha naktuk meeting pawh kha postponed tir turin CMO koh anih chuan hma lo la nghal thei sela a lawmawm khawp ang. Chuan (**Pu Lalhmingthanga** : Office Chamber tih a ni a maw?, a kotu hming sign ka zuk en kha chuan CMO, Lunglei district ni tlat in ka hria).

Tichuan, kha kha kan House Leader in emaw, Health Minister in emaw naktuk Lungleia MLA te Meeting tur chungchang kha khawngaihin lo enchiangin lo cancell/posponed tir sela a lawmawm khawp ang tih kha ka'n ngenpui a ni.

P U L A L H M I N G T H A N G A : Revision pawh kha nihnih-ah khan an ko a ni a, Election Officer kha Member Secretary anihna vang ani mai thei a, DC Office Chamber ah tho a ni a, MLA ho kha WT Message min rawn thawn vek a, kan tello va khami revision thusawi kha chu keini hi a concerned ber kan ni a, Electoral Roll Revision kha chu, official ringawtin a tih kha chu.

S P E A K E R : Keipawh chanchinbu-ah ka chhiar a, mak ka ti hle a. Engpawhnise, kan House Leader in khawngaihin lo enfiah turah ngai ila a tha ang e. Kan sawihona kan duhtawk ang a, an
...1192/-

wind up chhung nen, keiin engemaw han sawibelh duh nakinah ka nei dawn baw k a, dar 4 hi kan pelh hret a ngaih ka ring a, kan pelh pawhin kaltlang mai ila tha kan ti mai em? Anih leh kan sawihonate wind up a pass dil nghal turin kan Minister zahawmtak sawm ila. Tin, khami patent error chungchang kha chu naktukah emaw a hma thei ang berin Health Official te rawn tirin, helam bill khawih tu bik hi kan Secretary rawn hmu in, Governor a thawn hma in siamthat ngailai apiang kha siamtha turin ruahmanna siam nisela a tha baw k ang e. Awle, Minister ilo sawm ang.

**PU R. TLANGHMINGTHANGA :
MINISTER**

Pu Speaker, ka lawm e. Kan Member zahawmtak tak ten an thahnemngaihna support na-ah lawmawm ka ti a. Tin, tuna Lunglei 'S' bialtu zahawmtak in a rawn sawi kha, kha kha kan House Leader pawhin assurance a pe tawh a. Khami Meeting CMO koh niawma kha helai nena a inkawkalh lai a kha hriatloh palh vang anih ka ring a, kan lo hrihl nghal ang a, an ti a. Hospital Welfare Committee an ti a, Hospital chhunga pawisa, khutah National Health Mission in a rawn pe a, Hospital Management Committee kan din a, khami Hospital Area chhunga kan member te participate tura kan beiseina chutiang chuan an hriat taw k loh vang niin ka ring a, vawiinah naktuk ami tur kha kan lo hrihl dawn nia.

Tin, hemi Social Welfare ina an lo ko erawh kha chu DC kut liau liau a ni a, chairman na hnuaia a koh leh meeting kha ama thu a ni a. GAD lam pawh an thu a ni a tih kha ka'n sawifiah duh a ni. Tin, kan member zahawmtak Pu Hiato in a rawn sawi a, thahnemngaihna lai a rawn support na kha lawmawm ka ti a. Sorkar Hospital ina equipment kan neih District tinah hian equipment tha nei sela tih lai kha - Hei hi Clinical Health Mission in a tum leh scale pawh a siam mek, keini pawhin district hospital anga function tura tih Saiha te phei chu 100 bedded tura ruahman a ni a. Chumi atan chuan DPR pawh a inchiah mek a, kha kha a principle pawhin a kal turah kan beisei a, a takin kha kha la rawn tipuitling lo mahse. Tin, district hrang hrangte pawh kan Assembly ngeiin district hospital a an lo puan - Mamit, Kolasib, Lawngtlai te pawh Assembly in Private Member Resolution an lo pass pui kan lo adopt tawh ang khan order pawh engkim

kan ti tawh a. Chumi atana DPR anmahni scale ang te te 50 bedded te, 100 bedded te annih anga bawhzuina a kal rnek a. Hei hi central sorkar pawhin an ngaichangin beiseina sang tak kan nei a, DPR-ah pawh, helai hi a dik tawk love rawn ammend leh teh u. ti a an rawn tihte kan hmuh hian min ngaipawimawh hle in kan hria a.

Tin, kan sawitawh angin kan state hospital Aizawl Civil Hospital pawh kan Chief Minister zahawmtakin hma a lo lakna hemi Civil Hospital pawh 54 crore DPR kan thehluh kha an pawm tawh a. Kumin-ah hian a kum hmasa ber ah hemi chi hrang hranga detail kan nei chho a. Tin, Champhai pawh chutiang bawk chuan 26 crore in an lo phal tawh anih kha. Chutiang chuan sorkar hospital kan tih mekah hian beiseina sang tak kan nei a ni.

Tin, Pu Liansailova rawn sawi Clinical neitute leh School hawngtu te pawhin diktakin commercial consideration hi a nasa a, a sawi kha a dik em em a. Chumi-ah chuan hemi labour lampang enkawltute thu chu ni tak mahse, helaia mihring indaihlo karah hian a hlawh chungchangah pawh hian an tih chhoh that theihna tur atan encouragement kha kan siam atana a rawtna pawh khan awmzia a nei hle in ka hria a.

Tin, Pu Zira Member zahawmtakin a rawn sawi a ngaihpawimawh em em kha a lawmawm ka ti a, keini information ah pawh kan chhanna kha awm ngei nia kan hriat avang khan chawp leh chilh ah pawh official ten kan received ni ngei an rawn sawi kha khang ang khan kan chhang lo thei lova. Mahse khalai kha a lawmawm ka tih em em lai kha chu kha thil a rawn tihchhuah atang khan keipawh ka vir vat a, tahchuan engtizia nge kan ti a, amah nen endun te kan tih kha remchang kan la neilo na in tahchuan official te, kilhrang atangte leh authority hemi kan Secretariat lam atang ten kan han ti chho a, hei hi chu mumal taka enquire a ngai anih hi, khawiahnge a physical a awm tihlai a hi kan han ngaihtuah ta a. Tahchuan, Committee kan form ta a, Department chungah, Secretariat lampang atanga hotu, tin a expert mi hrang hrangte khami thil kha enquire turin, khami a concern official te tello khan ti mai ila. Tin, helai chungah a awmlo anih chuan kan deliver ngei si a, a awmna hi kan zawng chhuak tur a ni tih a hi tunah hian order kan siamin kan bei chho tan a. Khang thil kha kan member tena khatia han sawi tak zelah chuan khami tuna khawl a rawn sawi bakah khan Pu Speaker, bo a awmlo tih a rawn sawi bakah khan a awmlo tih ani pawn a hriat lemloh keipawn a ka hriat lemloh kha kha boruak atang khan kan thil neih si a kha rawn lang nawlh hi a awm a ni, thildang pawh. Chuvang chuan, a lawmawm ka ti a, kha kan member tena an bengvarna leh an thathawhna khan thil contribution ropui tak a rawn siam kha tunhnu zelah pawh kan chhawr chhoh zel ka beisei a. Tin, kha

thil kha a rawn hriatsual hret a, J. Mitra han tih ang deuh khan a hriat fuh pawh a har a, J. Mitra a ni lova, a supply te pawh kha kan nei vek a. Tin, khalai kha a rawn supply ngei a ni tih a chianna pawh, tin a receive tu ngei pawhin a lo received a ni tih kha record ah a awm vek a, record bu-ah. Khatah khan tun maiah khan ti mai ang nihnih lek kalta-ah khan hemi annual maintenance contract kha chumi a kan pek tur kha a maintenance fee a kha rawn pe ru le tih kha min rawn thing nghe nghe a ni. Chu chuan a company khan an rawn dah ngei a tih a kha a company lamah pawh a chiang a. Tin, a lo receive tu ngei pawh khan a receive a ni tih a chiang a, mahse tuna awm silo lai kha kan compound chhungah Hospital chhungah a awm silo kha khawiah nge a awm tihlai kha chumi ti tur chuan Inquiry Committee, mi pali member awmna kha kan siam a ni tih kha kan puang duh a. Kha khan thil thatak a rawn thlen ka beisei a. Tin, helaiah Member tena in rawn point out kha a lawmawm a, tin, he bill a khi tam vak sawingai, kan member te khan a rawn vei kan react na kha kim vaklo mahse kha kha kan duhtawk chho mai ang a. He bill dan a lo nih velah a rang thei ang berin ka Department chuan a hmantheihna turin kan tih ang ang kan ti chho in kan hmang tangkai chho hle ang tih hi ka beisei a ni.

Tin, dik mang lova anih dan tur ni pha mang lova damdawiin te ti tawh tepawh khami kha an tih tur an tih loh chuan hun pe in kha authority kan han form chhoh tur tepawh kan neih vek ang khan khang khan an scale leh an dinhmun pawh a improve chho ngei ngei ang tih ka beisei a. Tin, a man chungchang leh khami a bill chungchang tepawh sorkar in a fix chho a, tihah chuan hemi Private ho in an charge ang a hnuhnung bera 2003 ni in ka hre ta, 2004 nge ni zawk, tahkhanin Hospital-a a bill tur ang rate a kha sorkar in kan tifel tawh nghe nghe a, kha kha hriatsualna avangin Hospital rate tur emaw ti a lo published sualpalh tepawh a awm nghe nghe kha, kha kha private hovin an rate tur ang a ni a, chu chu kan fixed tawh a, chu chu a chiang leh zual leh improve leh tunlai thil awmdan a zira kan ennawn tepawh a tul theiin ka ring a, chung zawng zawng chu kan tihtur hmabak. Tin, mihring enkawltu kan ni a, chuvang chuan kan fimkhur in, member tepawhin min fimkhur puiin information tul ang ang tepawh min rawn hrilh zel turin emaw, telephone te pawhin leh kha a ni emaw chutiang ang chuan kan welcome em em in hemi-ah hian kan vei tlan vek a ni tihlai kha ka'n sawi duh a ni. Awle, Pu Speaker, ka bill 'The Mizoram Clinical and Health Establishment Regulation Bill, 2007' hi he House zahawmtak hian min pass pui turin ka rawn dil e.

(* Speech not corrected)

S P E A K E R

: Awle, bill neitu Minister zahawmtakin The Mizoram Clinical and Health Establishment Regulation Bill, 2007 chu pass a rawn dil ta a, kan buk ang a, clause 3-28 hi main body of the bill a ni a, main body of the bill pass remti apiangin 'Rem ti' ti ru le, remti lo kan awm em? kan awm chuan 'Remti lo' ti ru le. Awle, The Mizoram Clinical and Health Establishment Regulation Bill, 2007 clause 3-28 main body of the bill hi House in lungrual takin a pass ta a ni. Hei hi bill a tel a ni.

Tunah chuan clause 1 short title, clause 2 definition preamble leh enacting formula te hi pass remti apiangin 'rem ti' ti ru le. Remti lo kan awm chuan 'Remti lo' ti ru le. Awle, clause 1 short title, clause 2 definition, preamble leh enacting formula te hi House in lungrual takin a pass a ni, hei hi bill a tel a ni. Tunah chuan a pumpuiin The Mizoram Clinical and Health Establishment Regulation Bill, 2007 hi pass remti a piangin 'Remti' ti ru le, remti lo kan awm chuan 'Remti lo' ti ru le. Awle, The Mizoram Clinical and Health Establishment Regulation Bill, 2007 hi House in lungrual takin a pass ta a ni.

Awle, tikhan wawiina kan business chu kan zo a ni ta a, kan tin darh hma in tun tum kan thutkhawm wawi 10-na March Ni 13-April Ni 3 thlenga kan hnathawh tlangpuite report han pek ka duh a, khawngaihtaka min lo ngaihthlak sak turin ka ngen che u a ni. Tun tum kan session hi a wawi 10-na niin, ni 22 chhung awh tura duan a ni a, kan budget 2007-2008 pumpui te sawiin tuang takin kan hmang chho thei a. Tin, hei His Excellency the Governor of Mizoram in House a Addressed bawk a, a lawmawm hle a ni. Vawiin hi a tawp ni a lo ni leh reng mai a, tichuan a tlangpuiin tun session chhunga kan hnathawhte chu hetiang hi a ni. Zawhna chungchang - Starred Question lo lut zat 534, rejected 25, Admitted 509, clubbed 20, list of business a dah zat 260. House chhunga chhan zat 52, House chhunga chhan hmanloh zat 208. Starred Question Unstarred a leh zat 230, Unstarred Question lo lut zat 146, rejected 38, Admitted 108, clubbed 1, House Table a dah zat 337, Starred Question Unstarred a leh zat 230. Chhanna lo lut tawh si, mahse House a pharh hmanloh hi Unstarred a leh vek anni thin a ni.

Obituary - Pu Zoramthanga, Chief Minister in Member hlui thi ta te - Pu Zairemthanga, Finance Minister leh Pu Biakchhunga, Hon'ble Deputy Speaker te an chanchin tawi sawina hun a hman bakah a hnuai memberte hian hun an hmang bawk. Pu Lal Thanhawla, Pu Lalhmingthanga, Pu Lalduhoma, leh Pu Tawnluia, hemi zawh hian zahna entirnan ngawi renga minute khat din a ni.

Special Mention – 1) Hon'ble Member Pu Lalrinliana Sailo chuan expired medicine Health and Family Welfare Department in an sem chungchangah Special Mention hun a hmang. 2) Hon'ble Member Pu Andrew Lalherliana pawhin Guwahati Arya Hospital a damlo refer te harsatna chungchangah special Mention a hmang bawk.

Resolution – Private Members' Resolution
59 a lut a, heng zingah hian Pu Lalchhandama Ralte Resolution 'Border fencing hi Indo-Bangladesh chauh ni lo, Indo-Myanmar pawh fencing ti turin central sorkarah nawr ni rawh se' tih leh Pu F. Lal Thanzuala Resolution 'District headquarter tinte inkal pawhna double lane-a laih tur hi chak zawka hmalak a nih theih nan central sorkar nawr ni rawh se' tih te sawiho hnu-ah pass a ni.

House- ah hengte hi report present a ni
bawk –

- 1) Business Advisory Committee Report
- 2) The 27th Report of PAC on the report of the Comptroller and Auditor General of India for the year 2000-2001 relating to Public Works Department
- 3) The 28th Report of Public Accounts Committee on the Report of the Comptroller and Auditor General of India for the year 2001-2002 relating to Public Health Engineering Department
- 4) The 29th Report of Public Accounts Committee on the Report of the Comptroller and Auditor General of India for the year 2002-2003 relating to Public Works Department
- 5) The 30th Report of Public Account Committee on the Report of the Comptroller and Auditor General of India for the year 2002-2003 relating to Power and Electricity Department
- 6) The 31st Report of Public Account Committee on the Report of the Comptroller and Auditor General of India for the year 2002-2003 relating to School Education Department
- 7) The 32nd Report of Public Account Committee on Appropriation Account for the year 2002-2003 excess expenditure
- 8) The 33rd Report of Public Account Committee for the year 2002-2004 excess expenditure
- 9) The 34th Report of Public Account Committee on the report of the Comptroller and Auditors General of India for the year 2002-2003 relating to Public Health Engineering Department

- 10) The 35th Report on Action Taken by the Government on the recommendation contain in the 12th report of Public Account Committee on para 4.5 of the Comptroller and Auditor General of India report 1999-2000 relating to Public Works Department (Irregular Adjustment of Expenditure)
- 11) The 1st Report of Subject Committee –III relating to Environment & Forests Department (National Afforestation Programme)
- 12) The 2nd Report of Subject Committee –IV relating to Trade & Commerce Department (Border Trade)
- 13) The 10th Report of Subject Committee –V relating to Agriculture Department (Minor Irrigation)

Heng a hnuai mi te hi House Table ah lay

a ni bawk –

- 1) The Finance Account & Appropriation Account for the year 2005-2006 in respect of the Government of Mizoram
- 2) The Mizoram Education Recognised Private School Regulation Rules, 2006
- 3) The Mizoram Education Establishment and Management Private Middle Schools Rule, 2006
- 4) A copy of the Report of the Comptroller and Auditor General of India for the year ending 31st March 2006 in respect of the Government of Mizoram
- 5) A copy of Orders of Governor of Mizoram under para 16 of the 6th Schedule of Constitution
- 6) A copy of the Mizoram Registration of Births and Deaths Rule, 2007

Tun Session-ah hian bill paruk a lo lut a, a vaiin pawm a ni a, member ten thahnemngai takin sawi tlan a ni a. Tichuan, heng bill te hi House in a passed a ni-

- 1) The Court Fees Mizoram Amendment Bill, 2007
- 2) The Mizoram Municipalities Bill, 2007
- 3) The Mizoram Liquor Total Prohibition Amendment Bill, 2007
- 4) The Mizoram Road Fund Bill, 2007
- 5) The Mizoram Compulsory Registration of Marriages Bill, 2007
- 6) The Clinical and Health Establishment Regulation Bill, 2007
- 7) The Mizoram Appropriation No.1 Bill, 2007
- 8) The Mizoram Appropriation No.2 Bill, 2007

Tin, session vawi kua-na a bill passed tawh, Governor zahawmtak hnen atanga assent dawng tawh te chu heng hi an ni –

- 1) The Mizoram Co-operative Societies Bill, 2006
- 2) The Mizoram Fiscal Responsibilities and Budget Management Bill, 2006
- 3) The Mizoram Local Funds Accounts and Audit Bill, 2006

Tin, Tenth Session tun tum ami hi assent pahnih kan dawng tawh a, chungte chu --

- 1) The Mizoram Appropriation No.1 Bill, 2007 leh
- 2) The Mizoram Appropriation No.2 Bill, 2007 te an ni.

Motion --

1. Pu Lalduhoma hnen atangin No Confidence Motion dawn a ni a, moved anih hnuah House in a pawmpui lo a ni.
2. Pu Tawnluia Hon'ble Minister hnen atangin Rules 202 of Rules of Procedure and Conduct of Business in Mizoram Legislative Assembly tlawhchhanin Motion a lo lut a, rem tih a ni a, pawmsak a ni.
3. Pu Lalduhoma Hon'ble Member in half and hour discussion on starred question No. 163 chhanna chungchangah a dil a, phalsak a ni a.

Heng bakah hian an zawhna chhanna thu-ah khan chhanna dik taw klo leh typing mistake te, calculation dik lote, enclosure tello a question chhanna submit kha a awm teuh tih kan hria a. A paw ka ti a. Hei hian Member bakah Assembly Secretariat pawh harsatna tamtak min thlen phah thin a. Chubakah bill leh rules te hi ngaihtuah tura a lo lut hi mihring chu thil tusual thei kan nih rual rualin a buatsaihtute, Minister te annih chiah loh pawhin an thawhpui Department lam hi an fimkhur taw lo in ka hria a. House ah Patent Error emaw, correction emaw hi beisei aiin a tam. Chuvangin, tunhnu-ah chuan hetiang hi awm tawh lo hlawl chu a harsa anih pawhin tlem lehzuala kan Department hotute tan lo la turin ka ngen duh a. A bik takin kan Officer te, unofficial te pawhin hre thar leh se la. Tin, kan Minister te pawhin an thawhpui Department te pawh lo fuih ngun sela tih hi ka ngenna a ni.

Tichuan, Session chhungin Member ten thahnemngaitakin in rel a, keimah pawh kawng tinrengah min tawiawm a, kan programme siamte kan zawh theih tak avangin in zavai chungah thinlung takin lawmthu ka sawi a ni.

Good Friday leh Easter Sunday te hlawk taka hmang theuh turin in zavaiin duhsakna ka hlan a che u a ni.

The House is adjourned Sine Die 4:15 PM

